

COMMENTARII  
DE REBUS  
IN  
SCIENTIA NATVRALI  
ET  
MEDICINA  
GESTIS.



VOLVMINIS X. PARS I.


---

LIPSIAE MDCCLXI.

APVD IOH. FRIDERICVM GLEDITSCH.

Venduntur etiam

Amstelodami apud I. Schreuder et P. Mortier iun. Londini apud C. G. Seyffert, Pa-  
ris apud Briasson, Patauii apud I. Manfré, Venetiis in B. Albrizzi et S. Coleti  
officinis, Romae apud Venant. Monaldini.









I.

Histoire de l'Academie Royale des Sciences.  
Année MDCCLV. Avec les Mémoires de  
Mathématique et de Physique pour la même  
année, tirés de Registres de cette Acade-  
mie. A Paris, de l'Imprimerie Royale.  
MDCCLXI. 4to mai. Hist. 22 plag. Mem. 3  
Alph. 8 pl. 19 tab. aen.

i. e.

Historia et Commentarii Academiae scientia-  
rum regiae Parisinae ad annum MDCCLV.



In *Historia* huius anni quatuor occur-  
runt observationes ad *physicam gene-  
ralem* spectantes. *Prima* est de im-  
perfecta aliqua corona circa solem.  
*Secunda* est de femina, quae in via

subito in faciem prostrata, magno clamore edito,  
animam efflavit. Mulieres aliae, quae illam ex  
interuallo partim praecedebant, partim sequeban-  
tur, quum audito clamore ad illam oculos conuer-  
tissent, nihil viderant, nisi aliquem pulverem  
excitatum, et aliquot lapillos circum prostra-  
tam proiectos; accurrentes autem viderunt  
omnia eius vestimenta dilacerata, et calceos quasi  
discissos,

discissos, et lacinias ad quinque vel sex pedum distantiam disiectas. In cadauere secto reperiuntur integumenta et muscoli abdominis hinc inde disrupti, ut intestina ex abdomine propenderent, os pubis cute nudatum et fractum, muscoli femoris magnam partem deleti et quasi excissi, caput femoris ex acetabulo extortum, ut alia vulnera taceamus. Neque tamen in loco, ubi mortua fuit femina, minima gutta sanguinis, nulla carnis particula reperta est. Coniectura est, huius repentinae mortis causam fuisse exhalationes, sub pedibus infelicitis mulieris vi ignis subterranei proiectas. Namque in fastigio eius montis, in quo funestus hic casus accidit, duo sunt foramina, ex quibus nonnunquam fumus ascendit, et in radice fons est sulphureus. *Tertia* observatio nouo exemplo docet, granitas, quod lapidum genus Aegypto superiori proprium creditum est, in multis regni Galliae locis reperiri. In *quarta* refertur, in insula *Bourbonnia* Nicotianam adhiberi tanquam remedium aduersus curculiones, quippe qui illam vehementer appetant, licet ipsis veneni loco sit; praeterea narratur, ibidem reperiri piscem, qui telam, sericeae similem, paret, cui ouula sua includat.

Sequitur recensio quinti voluminis *Lectionum Physicae experimentalis* Cl. NOLLETI.

p. 49. *Observationum anatomicarum prima* describitur porcellus, cuius caput monstrosum erat. Ambo nempe oculi in eadem orbita, horizontaliter ampliata, collocati erant, et inter eos e frontis extremitate prominebat pars, proboscidi elephanti similis, in maxillis etiam varia praeter naturae consuetudinem notabantur. *Secunda* observatio mentionem facit monstri ex eodem animantium genere, quod cum quatuor aliis, secundum naturam conformatis, natum erat, et in cuius pectore inter  
sternum



sternum et costas dextras duae partes praeternaturales extrinsecus apparebant, quorum altera extremitatibus cerui, altera manui hominis similis erat. *Tertia* refert de infante sine ano nato, qui meconium per penem reddidit, et duodecima post natiuitatem die mortuus est; sectio docuit, intestinum rectum huius infantis in collum vesicae exigua apertura hiasse.

Has obseruationes excipit recensio libri, quem sub titulo *Physiques des corps animés* edidit BERTERIVS.

In *chemica* classe vnica occurrit obseruatio. Scilicet Cl. ROHALTVS, Medicus *Ambianensis*, Acad. p. 73. demiam docuit modum flores reguli antimonii reducendi, ope materiae carbonariae cum paucis alcali fixo commistae.

Classis *botanica* historiae huius anni nil continet, nisi succinctas enarrationes duorum operum Cl. DUHAMEL, quorum alterum est *Tractatus de arboribus et arbutis*, alterum volumen quartum operis de agricultura.

Inter *machinas et instrumenta* ab Academia approbata duo sunt, quorum mentio nobis iniicienda est. Primum est *barometrum portatile*, quod constat p. 140. ex tubo vitreo hydrargyri pleno, qui in crassiori assere reconditus, totusque tectus est, excepta eius ea parte, quae inter limites variationis barometri cadit; inferius tubi extremum mastiche iunctum est pyxidi, e ligno duriori paratae, ad cuius latus est alueolus, in quem per angustum foramen e pyxide effluit hydrargyrus superfluous, cum barometrum in situ verticali collocatus; per idem foramen, barometro in situm horizontalem reposito, hydrargyrus omnis in pyxidem refluit, et eam replet,

p. 143. foramen autem cochlea vel clauo clauditur, quo facto, instrumentum sine periculo vtcunque moueri et iactari potest. Alterum instrumentum est *chirurgicum*, reponendis vel iungendis ossibus luxatis vel fractis apprime idoneum; eius enim ope chirurgus, sine cuiusquam auxilio, motus extensionis et contra-extensionis, quos chirurgi vocant, nec non motum rotationis ossis circa axem, lente et aequabiliter efficere potest. Inuentor huius instrumenti, vel potius machinae, est MAUPILLIER, Chirurgus oppidi *Chalonne* in ditione *Andegauensi*.

Sub finem historiae huius anni inter elogia quorundam Academiae membrorum deprehendimus celebris Medici, IOANNIS CLAUDII HADRIANI HELVETII elogium, ex quo vt praecipua excerpamus, nostrarum partium esse arbitramur. Natus erat Lutetiae d. 18 Iulii anni 1685. patre HADRIANO HELVETIO, Archiatro Fratris Regis LUDOVICI XIV, matre IOANNE DESDRANGES. Auus eius IOANNES FRIDERICVS HELVETIVS, e nobili in Germania familia oriundus, fuit Medicus primarius Statuum generalium prouinciarum confoederatarum Belgii, et summa apud Belgas fama praestantissimi medici floruit. Postquam IOANNES CLAUDIVS HADRIANVS cursum studiorum, quibus iuuentus erudiri solet, in Collegio Quatuor Nationum cum laude emensus erat, ipse quidem vitae militari se dicare nuebat; sed renuebat pater, quem magnopere amabat. Huic ergo obsequens, animum ad studium medicinae appulit, et scholas Facultatis medicae Parisinae frequentare coepit. Tres primos tirocinii annos Anatomiae et Chemiae impendit, et deinceps omnem artis salutaris campum, quem inuitus erat ingressus, tanta diligentia tantoque animi ardore emensus est, vt nec intenso illo frigore, quod annum huius, seculi nonum memo-



memorabilem reddidit, a lectionibus in Horto Regio quòtidie hora sexta matutina audita frequentandis, et publicis vrbis medicis in nosocomia comitandis, se arceri pateretur. Annos duos et viginti natus Doctor medicinae renuntiatus est, et paullo post praxi medicae se totum dedit. In aulam a patre introductus, singulari sua modestia cunctos sibi reddidit amicos, et, quamuis adhuc iuuenis, ad consultationes medicorum de regis sanitate adhibitus est, ac felici quodam consilio tantum sibi existimationis peperit, vt anno 1720 dignus haberetur, qui nosocomijs militaribus praeficeretur, et inter medicos consultantes Regis reciperetur. Anno 1724 titulo Consiliarii status ornatus, et cura sanitatis reginae ipsi commissa est, cuius etiam Archiater anno 1728 factus est. Academiae scientiarum regiae adiunctus est anno 1716, et in ea anno 1718 legit dissertationem *de circulatione sanguinis*, quae deinceps ipsi excitauit aduersarium MICHELOTTVM, celebrem Medicum et Mathematicum Venum. HELVETIVS obseruauerat, canalem venarum omnium, excepta pulmonali, maiorem seu capaciore esse canali arteriarum omnium excepta pulmonali; et hinc collegerat, sanguinem in venis rariorem fluere, quippe expansum calore, sed in arterijs densiorem esse, quum in transitu per pulmones refrigeratus fuerit: MICHELOTTVS autem negabat hanc consequentiam, et rem explicabat per celeriores motum sanguinis in arterijs. Verum haec lis breui composita est, postquam HELVETIVS in responsione MICHELOTTI obiectionibus opposita sententiam suam dilucidius exposuerat, atque ex ea, quam sanguis in pulmonibus patitur, frictione demonstrauerat, fieri non posse, vt sanguis celerius in arterijs, quam in venis moueatur. Praeter nonnullas alias dissertationes, ab eo Commentariis Academiae Parisinae insertas, duos quoque libros

singulares edidit, quorum alter *de oeconomia animali* agit, cui observationes de variolis tractandis subiunctae sunt, alter inscriptus est, *Principia physico - medica*, in gratiam medicinae tironum conscripta. Quorum librorum priore implicitus est in controuersiam, diu fatis, sed paucum cum fructu, agitatam; posterioris, in Germania recusi, a nobis in horum Commentariorum Vol. IV mentio facta est. Anno 1746 in paralyfin incidit, quae quidem ad functiones suas non reddebatur ineptus, sed qua tamen, praesertim subsequenter annis ingrauescente, admonebatur, ut negotiis magis magisque se expediret. Sub finem anni 1754 debilitatem totius corporis et vires eius omnes prostratas sentire coepit, mentis tamen illaesis viribus, adeo ut ab opere quodam physici argumenti elaborando (quod tamen affectum reliquit) non nisi triduo ante obitum cessaret. Obiit die 17 Iulii anno 1755, annos natus septuaginta.

Iam ad commentarios ipsos, qui in hoc Volume habentur, indicandos, et partim enarrandos, progredimur.

- P. I. 1) Cl. DE MAIRAN *annotationes super DE PILES Libra pictorum, quae eius cursui picturae subiuncta est* \*.
- P. 17. 2) Cl. BUACHE *considerationes geographicae ac physicae terrarum australium et antarcticarum* \*\*. Argumentum huius perbreuis commentarii est mere geographicum.
- P. 21. 3) Cl. PINGRE' *Observatio occultationis plurimum stellarum in Hyadibus a luna, die 25 Septembris 1755.*  
4) Cl.

\* Lectae in conuentu publico d. 9 Apr. 1755.

\*\* L. d. 30 Iul. 1754.



4) Cl. MACQVERI *Commentarius de noua quadam ratione soluendi metalla, quam Comes DE LA GARAYE inuenit* \*. Comes DE LA GARAYE, qui ob magnos sumtus et labores, in Pharmaciae et Chemiae incrementa generose impensos, magnopere laudatur, quum metueret, vt vulgatus metalla soluendi modus satis tuto ad medicinam adhiberetur, viam tentauit, per salia neutra, solo aeris calore naturali adiuta, metallorum solutionem perficiendi, et id quidem tam felici successu, vt iam plurima remedia inuenisse dicatur, quorum egregiam virtutem experientia satis comprobauerit. Quae Comitibus inuenta vbi ad aures Regis Galliarum peruenissent, iussit Rex MACQVERO, vt operationes comitis repeteret ac prosequeretur, et quae hominum vitae salutaria reperisset, publici iuris faceret. Haec ergo iussa exsequi incipit V. Cl. in hoc Commentario, in quo nouorum quorundam medicamentorum praeparationem docet. Primum est, cui nomen *tincturae mercurii* comes imposuit, et quod sic paratur. Mercurius ex cinnabari reuificatus per corium rupicaprinum exprimatur in mortarium marmoreum, cui salis ammoniaci, in puluerem redacti, portio, pondere circiter quadrupla, indita fit; et interea continuo trituretur mixtum pistillo ligneo, continuetur etiam triturationis, donec omnis mercurius sali vnitus sit, humectata interim massa per aliquot guttas aquae, quotiescunque nimis sicca videatur. Haec deinceps massa in vasis vitreis aeri libero per quinque vel sex hebdomades exponatur, et inter ea temporis aliquoties teratur in mortario, tandemque massae contritae affundatur in cucurbita spiritus vini bonae notae, vt duo transuersos digitos supernatet, et imponatur cucurbita balneo arenae modice calido, atque augeatur post horae quadrantem calor, vt spiritus parumper ebulliat.

p. 25.

p. 28.

A 5

Fri-

\* L. d. 25 Maii 1754.

Frigeſcat poſtea liquor, qui colore diluto citrino erit tinctus, et per chartam bibulam tranſcoletur. Sic habebitur tinctura, quam multum mercurii continere docet dealbatio cupri in eam immiſſi. Hoc medicamentum extrinſecus adhibitum in morbis chronicis cutis, et intrinſecus in omnibus illis morbis, quibus mercurium mederi conſtat, efficaciffimum ſemper ſe praeſtitiffe, Cl. MACQVERVS teſtatur.

P. 3<sup>I</sup>. Secundum medicamentum ex ferro paratur hac ratione. Vitriolum coeruleum in cryſtallis, poſtquam id in puluerem ſubtilem redactum eſt, commiſcetur cum duplo pondere limaturae ferri non ferrugineae. Mixtum humectatur aquae copia tanta, quanta ſatis eſt, vt paſta fiat denſa, quae ſtatim quidem rubrum cupri colorem nanciſcitur, et valde incaleſcit, ſed poſtea, decreſcente calore, colorem ſuum mutat in fuſcum colorem, ferruginis colori propinquum. Tunc mixtum in maſſam abit duram, quae per 24 horas aliquoties aqua humectatur, et ſic in lenta fermentatione cum calore ſenſibili permanet. Poſthaec maſſa conteritur, et in cauea macerationi per 8 dies exponitur, et deinceps exſiccatur, et ruruſ humectatur per vices, donec colorem croci martis trahat. In hoc ſtatu maſſa in mortario vitreo teritur, affuſa per interualla aqua, quamdiu haec colore ſtauo et ferrugineo tingitur. Hanc aquam percolatam comes DE LA GARAYE *quintam eſſentiam mineralem* vocauit, propterea quod guttae eius triginta vel quadraginta, duobus ſextariis (*une pinte*) aquae communis inſtillatae, huic aquae praecipuas proprietates aquarum mineralium ferruginearum impertiuntur, adeo vt ea cum celebratis aquis mineralibus *Dinantinis* paria, imo maiora praeflare dicatur. Et Ci. Medicus LE MONNIER hoc medicamentum ſolum efficacia ſua morbum



bum illum singularem et pertinacem, qui *chorea sancti Viti* dicitur, vincere experientia didicit.

Praeterimus alia nonnulla remedia, quae comes a marte cum sale marino, nitro, et sale ammoniaco, simili methodo, nempe per macerationes frigidas, humectationes et exsiccationes iteratas, tractato parauit; et illius tantum adhuc medicamenti mentionem faciemus, quod comes nomine *aquae metallica vulnervariae* diuulgauit. Paratur illud ex cupro cum sale ammoniaco et spiritu vini vulgari, vel aqua, eadem quam supra exposuimus methodo; et, teste Cl. MACQUERO, inter praecipua ficcantia et cicatrices inducentia remedia locum sibi vindicat, et in vlceribus pedum malignis atque inueteratis praesentissimum auxilium saepius tulit.

5) *De magnitudine semidiametri umbrae terrae in eclipsibus lunae, occasione eclipsis die 27 Martii 1755. notata a Cl. LE GENTIL.* p. 36.

6) *De mensuris geodacticis, distantiam Lutetiae Parisiorum ab Ambiano metiendi gratia, anno 1740 accurate factis, contra monita Cl. EVLERI in Tomo IX Commentariorum Acad. Sc. Berolinensis. Auctore Cl. DE LA CAILLE.* p. 53.

7) Cl. LE ROY *Commentarius de quibusdam tentaminibus, morbis per electricitatem medendi.* Narrantur in hoc commentario experimenta vis electricae, in paralyfi aut potius hemiplegia, in gutta serena, atque in surditate capta. Paralytico, vnum et viginti annos nato, electrificatio per nouem menses continuata tantum quidem profuit, vt digitis et manu iterum ad bibendum vti posset, sed motum illis partibus perfecte non restituit. Quod Cl. Auctor, cacochymico temperamento aegri, et nimiae retractioni muscutorum flexorum manus attri-

- p. 83. attribuit. Coecus erat iuuenis vnus et viginti annorum, quem ipsius propinqui ad Cl. L E R O Y adduxerant, quum e Nouis publicis intellexissent, iuuenem quendam in Angliae oppido *Dorſatia*, gutta serena etiam laborantem, per electricas commotiones cito visum recuperasse. Verum inter hos coecos multum intererat. Anglus subito in hoc malum incidit, nullo praeuio morbo, et statim post quinque dies curationi electricae se tradidit; Gallus autem coecitatem habuit a febris maligna, quam eruptio miliaris comitata erat, et non nisi tribus mensibus elapsis ad machinam electricam accessit. Hinc imparis vtriusque successus ratio repetenda esse videtur. Namque hic, de quo agitur, coecus, etsi per aliquot hebdomades quotidie fere electricos igniculos expertus est, tamen oculorum vsu priuatus perſtitit, ideoque huic curationi diutius se subiicere ipsum piguit. Attamen id in eo iam effecerant commotiones electricae, vt iris et multo contractior appareret, quam ab initio fuerat, et vim recuperasset, sese coarctandi vel ampliandi, prouti lumen oculo admotum vel ab eo remotum esset. In surdis quatuor, quos Cl. L E R O Y tractauit, experimenta vis electricae aequae frustra fuerunt capta, atque in coeco; idemque refert, se a Cl. W I L S O N O accepisse, quod is, etsi aliquando feminae surdae sensum auditus per electricitatem reddiderit, tamen multis aliis surdis simili ratione opitulari incassum annisus sit. Hinc fatetur, quid de viribus medicis electricitatis statuendum sit, se adhuc incertum esse, et non nisi in rheumatismis curandis vsu fluidi electrici sibi esse perspectum.
- p. 93.
- p. 97.

- p. 99. 8) BOVGVERI *disquisitiones de magnitudine apparente rerum visibilium, et dilucidatio difficultatis in Commentariis Academiae ad annum 1717 circa hoc argumentum propositae* \*.

9. 10. 11)

\* Lect. mense Ianuar. 1755.



9. 10. 11) *Observationes eclipsis lunae d. 27 Martii* p. 113.  
1755 *habita a V. Cl. MARALDI, CASSINI, et*  
LEGENTIL.

12) Cl. DE THURY *annotationes ad observatio-* p. 117.  
*nem nuperae eclipsis lunae.*

13) *De nouo quodam sale, ex quo singulares quae* p. 119.  
*dam salis sedatiui proprietates cognoscuntur* Auctore  
Cl. DE LA SONE \*. Boracis tartarifati, cuius in-  
tutio hic medico cuidam Gallo, LE FEVRE, ad-  
tribuitur, consideratio ansam Auctori praebuit, no-  
uum hunc salem inueniendi, qui est species tartari  
solubilis. Eum primo sic parauit, Tartarum depura- p. 122.  
tum soluit in aquae destillatae ebullientis circiter  
octuplo, qua pondus; et quum bene solutus esset,  
adiicit salis sedatiui portionem, cuius pondus dimi-  
dium fuit ponderis tartari, vel etiam minor pars,  
attamen quarto parte maior. Postquam aqua ad-  
huc per aliquot minuta horae, tecto vase, in ebul-  
litione permanferat, remouit eam ab igne. Frige-  
facta mansit limpida, et neque in fundo, neque in  
superficie aliquam separationem animaduertere  
licuit, atque idem gradus aciditatis in ea gustu de-  
prehenfus est, ac si tartarus solus in ipsa solutus  
fuisset. Dein lentae destillationi subiecit hunc  
liquorem, donec residuum crassum et gummosum  
nactus est, abstracta per destillationem aqua pura.  
Has operationes postea ita repetiit, vt plus salis p. 124.  
sedatiui, quam tartari, adhiberet; et semper salem  
adeptus est, qui aqua facillime solui poterat. Hinc  
non solum colligit, in formatione boracis tartari-  
fati tartarum sese vnire cum sale sedatiuo, sed  
etiam negat, eum se vnire cum basi salis marini,  
quae est altera partium boracem constituentium.  
Modum autem, quo nouus ille tartarus solubilis et p. 129.  
acidus

\* Lect. d. 30 Iulii 1755.

acidus generari sibi videtur, sic explicat, ut dicat, falem sedatium, cuius magna affinitas cum spiritu vini iam constat, agere in principium oleosum tartari, idque attenuare, et a principio acido magna ex parte separare; hinc acidum hoc liberatum recuperare suam cum aqua affinitatem; ipsum autem falem sedatium sese etiam principio oleoso, et cum terra subtili tartari coniungere. Quam sententiam confirmat hoc experimento. In solutionem tartari solubilis, per falem sedatium parati, successive iniecit certam alcali vegetabilis puri quantitatem: motus liquor effervuit quidem, et turbidus factus est, sed post effervescentiam limpidus iterum est redditus, et ex eo, per plures dies in vase vitreo asseruato, nihil quidquam salis sedatiui separatum, nihil tartari praecipitatum est; sapor eius non acidus, sed saporis salis vegetabilis, per combinationem tartari cum alcali vegetabili nati, similis fuit. Tan-

p. 133. dem Cl. DELASONE hanc adhuc notabilem proprietatem salis sedatiui indicat, quod is acido concreto tartari fortius, quam salibus alcalinis adhaereat. Quam proprietatem didicit, quum experiri vellet, quam vim spiritus vini in novum suum falem haberet. Infuso nempe spiritu vini in solutionem concentratam, limpidam, et valde acidam huius novi salis, ipse in fundum praecipitatus est, sub forma massae albae viscoae, quae aeri exposita brevi induruit in massam farinosam, albam, quae linguae imposita saporem habuit cremoris tartari, et statim perfecta soluta fuit. Quo experimento simul didicit aliam rationem, novum hunc tartarum solubilem parandi, quam priori methodo, supra enarratae, praefert, quia sic ille sal admodum albus et purus haberi potest, id quod per euaporationem, ad ficitatem usque protractam, obtinere non licet.



14) *Ducis DE CHAULNES observationes ad p. 136.*  
*quaedam experimenta NEWTONI, in Parte IV. Libri*  
*II. Opticae \**. Ostenditur hoc Commentario causa  
 phaenomenorum, a NEWTONO in primo et secundo  
 experimento l. c. observatorum, latens in luminis  
 inflexione, quam radii, per anticam speculi vitrei  
 sphaerici superficiem transeantes, in poris eius  
 patiuntur.

15) *Observationes diametrorum apparentium solis, p. 145.*  
*Lutetiae annis 1718 et 1719 per telescopia varia ha-*  
*bitae, una cum annotationibus de effectibus horum tele-*  
*scopiorum Auctore Cl. DE L'ISLE.*

16) *Observationes astronomicae in Collegio Maza- p. 172.*  
*rini per annum 1755 habitae a Cl. DE LA CAILLE.*

17) Cl. GUETTARDI *Commentarius de terra p. 177.*  
*Tripolitana.* Eorum sententiam, qui partes  
 vegetabilium compositionem terrae Tripolitanae  
 ingredi putant, Auctor nonnullis argumentis im-  
 pugnat, et ostendere allaborat, hanc terram in sy- p. 187.  
 stemate historiae naturalis medio loco inter schistos p. 192.  
 et argillas ponendam esse. Terram vero Tripoli-  
 tanam calcariam, cuius Cl. POTT in *Lithogeogno-*  
*sia*, et ante eum Cl. LUDWIGIUS noster mentio- p. 191.  
 nem fecit, terram singularem, et a communi Tri-  
 politana diuersam, esse autumat.

18) Cl. DE LA CAILLE *Commentarius de stellis p. 194.*  
*nebulosis coeli australis.*

19) *Observatio altitudinum solstitialium limbi supe- p. 199.*  
*rioris solis, earumque comparatio cum altitudinibus*  
*Arcturi, variationes obliquitatis eclipticae determinandi*  
*gratia instituta a Cl. DE THURY \*\*.*

20) Cl.

\*) Lect. d. 1 Mart. 1758.

\*\*) Lect. d. 16 Jul. 1755.

p. 204. 20) Cl. DE LA LANDE *Commentarius de elementis orbitae Martis, in quo locus aphelii et excentricitas eius per recentissimas observationes determinantur* \*.

p. 225. 21) Cl. GUETTARD *Commentarius de encrinis, stellis lapideis, entrochis, cet. \*\**) Scopus Cl. Auctoris is est, ut ostendat, encrinos, et asterias columnares, partes esse vel membra petrefacta animalis marini, antehac incogniti, quod D. DE BOIS-JOURDAIN in Museo suo asseruat, et cui *Palmae marinae* nomen ob aliquam similitudinem imposuit. Animal illud constat ex columna pyramidali pentagona, plus quam octodecim pollices alta (nam animal parte sua inferiori truncatum esse videtur) quae composita est ex stellatis vertebrae sibi inuicem impositis, et per filamenta iunctis, quarum inferiores multo crassiores sunt superioribus, et ex quarum nonnullis, per diuersa interualla a se inuicem separatis, exeunt verticilli totidem (ut in equisetis), quorum singuli constant quinque digitis, aequaliter longis (ita tamen ut digitus in superioribus verticillis minores, et tandem minimi, existant), e vertebrae plurimis compositis, et in vncum desinentibus. Caput vel summitas columnae stellae figuram habet, ex qua etiam quinque digitus prodeunt, sed multo ceteris maiores, quorum singuli in quater binos ramos subdiuisi sunt, utrinque digitis minoribus, in vncos terminatis, armatos. Omnes hos istosque digitos animal, ut verisimile est, expandere, et rursus contrahere potest, praedam capiendi causa. Nihil quidem ori simile in hoc animali apparet: omnes tamen vertebrae tam columnae, quam digitorum maiorum et minorum in medio perforatae sunt, et foramina vnum canalem continuum formant.

Substan-

\* L. d. 22 Mart. 1755.

\*\* L. d. 23 Ianuar. 1755.



Substantia corporis medium inter ossa et cartilagine locum tenet, fragilis est, et e laminis composita. In quonam mari hoc animal reperiatur, incertum est; id tantum constat, nauclerum quendam, e mari Indico reuertentem, illud secum in *Martinicam* attulisse. Comparatione huius animalis cum capitibus medusae in museo *Linkiano*, et cum zoophyto maris *Groenlandici*, ab *ELLISIO* et *MYLIO* descripto, instituta, *Cl. G V E T T A R D V S* haec animalia diuersa esse iudicat.

22) *Cl. LE ROY commentarius de electricitate p. 264. resinosa, in quo ostenditur, DUFAYVM recte iudicasse, qui eam ab electricitate vitrea distinxerit, et noua hinc suppeditari principia causas electricitatis naturalis et tonitruum cognoscendi \**. Electricitatem corporis resinosi fricti aliam esse, atque electricitatem vitri, *DUFAYVS* ex eo collegerat, quod corpuscula, a tubo vitreo perfricto per communicationem electrica reddita, semper attrahantur a corpore resinoso fricto, ab alio autem tubo vitreo electrico repelluntur, et vicissim ea, quae per corpus resinofum perfrictum electricata sunt, a tubo vitreo fricto attrahuntur, sed ab alio corpore resinoso electrico repelluntur. Verum quum posthac obseruatum esset, duo corpora, quibus a tubis vitreis inaequales gradus electricitatis communicati essent, se mutuo etiam attrahere: argumentum *DUFAYI* nullam vim habere, neque electricitatem vitri et electricitatem resinae diuersae indolis esse, plerique iudicarunt. Attamen *Cl. LE ROY*, quem *FRANKLINI* sententiam de duplici electricitate, altera positiua, altera negatiua, adoptasse constat, nouo nunc argumento *DUFAYI* distinctionem confirmare, et electricitatem resinofam eandem cum negatiua, p. 269. vitream

\* Lect. in conuentu publico post Pascha 1755.

Tom. X. Pars I.

B

vitream autem cum positiua eandem ostendere annititur. Quod argumentum petit e diuersa apparentia luminis in apice stili metallici non electrificati, ad conductorem vel globi vitrei, vel globi sulphurei ope electrificatum admoti. Nam in primo casu semper punctum tantum lucidum, in altero conum lucidum, in apice stili apparere affirmat. Item, si conductor desinat in apicem, semper in hoc apice videri monet conum lucidum, quum per globum vitreum in altero extremo electrificetur, sed duntaxat punctum lucidum, quum globus sulphureus adhibeatur. Haec ratio sumit causas phaenomenorum electricorum latere in fluido quodam subtili, valde elastico, ab igne elementari parum aut nihil diuerso, quod in omnibus corporibus, excepto fortasse vitro, perinde, atque aer in aqua insit, et eius fluidi densitatem in omnibus corporibus per se non electricis, neque electrificatis, eandem esse, augeri autem vel minui posse hanc densitatem in superficie alicuius corporis, quo ipso simul augeatur vel minuatur densitas illius fluidi in poris internis corporis, et aucta hac densitate, prodire phaenomena electricitatis positiuae, ea vero imminuta, electricitatis negatiuae phaenomena existere. Quibus positis Cl. Auctor, ob conum lucidum in apice conductoris, per globum vitreum electrificati, considerat hunc globum instar antliae electricae, quae fluidum electricum attrahat ex manu vel puluillo, ad frictionem globi adhibito, et in conductorem effundat, vt densitas fluidi electrici circa conductorem, atque in eo ipso, augeatur, et fluidum propterea sub forma coni lucidi ex apice conductoris erumpat, atque ex eo in corpus non electricum, ipsi obiectum, et minorem copiam fluidi electrici in se continens, sub forma puncti lucidi transire cogatur. Contra, si globus sulphureus rotando fricetur, fluidum electricum, cuius magnam copiam



in se contineat, ex eo in manum fricantem transfundi putat, ideoque eius densitatem in globo minui, hinc fluidum electricum ex conductore in globum, et ex stilo metallico, ad conductorem admoto, in ipsum conductorem sub forma coni lucidi transfundi, id est, conductorem negativè electricari. Quum ergo duo isti modi, quibus conductori vel globi vitrei, vel globi sulphurei ope electricitas communicatur, sibi mutuo oppositi sint: electricitatem vitream a resinosa, tanquam diuersae indolis, rectè distingui concludit, etsi vtriusque modi effectus ab eadem causa, nempe differentia densitatum respectiuarum fluidi electrici, pendeant. Hinc rationem reddit Auctor Cl. cur metalla frictione electrica reddi nequeant. Scilicet quemadmodum in globo, ex aequalibus partibus vitri et sulphuris, intime commistis, composito nullam frictione electricitatem excitatum iri, inde certum ipsi videtur, quod duo opposita electricitatis genera, in hoc globo simul producenda, se inuicem destruere debent: ita de metallo idem ait intelligendum esse, quippe quod ex terra vitrescibili et phlogisto compositum esse constat, quarum rerum illa ad vitri, haec ad resinae naturam proxime accedit. Omnia autem corpora, respectu electricitatis, in duas classes dispertiri posse autumat, quarum altera electricitatis resinosae, altera electricitatis vitreae capax sit; exceptis duntaxat aqua et metallis, quae ad neutram reuocari possunt. Ad priorem classem omnes substantias sulphureas, bituminosas, vegetabiles, et animales refert, ad posteriorem omnes materias vitrificatas vel vitrescibiles, omnes gemmas, lapides, arenas, et salia. Et hinc nouum electricorum experimentorum vsum ad naturam alicuius corporis cognoscendam monstrat, quippe quae docere possunt, in eo corpore, in quo electricitas resinosa excitari possit, phlogiston praedominari,

p. 277.

B 2

corpora

p. 281. corpora autem, in quibus electricitas vitrea excitari queat, plus materiae vitrescibilis in se continere. Tandem ad tonitruum ortum explicandum systema suum sic applicat. Constat, inquit, inter exhalationes, e terra ascendentes, multas sulphureas esse; ergo si ponamus, e nube, eiusmodi exhalationibus grauida, per calorem extricari magnam fluidi electrici partem, et in atmosphaeram expelli, corpora vicina, et conuenienter disposita, per illud positue electrica reddentur, nubes autem ipsa negatiue electrica fieri poterit, et aliis nubibus corporibusue terrestribus, in quibus maior huius fluidi copia insit, obuiam facta, ex his eliciet flammam vel fulgetra, scintillis electricis similia. Quae explicatio confirmari videtur obseruationibus et experientia. Nam tonitrua et fulmina illis anni mensibus, qui calidissimi sunt, maxime generari, inter omnes constat, et in eis regionibus, vbi terra sulphure abundat, frequentius contingere dicuntur, atque ex altioribus montibus saepe fulgura erumpere, vbi certi generis nubes ad illos vento aduehantur, BOVGVERVS Auctori retulit.

p. 284. 23) *Obseruationes trium occultationum stellae Aldebaran post lunam, et occultationis stellae  $\theta$  in libra, anno 1755 habitae a Cl. MARALDI.*

p. 286. 24) *Obseruatio occultationis stellae Aldebaran pone lunam d. 16 Decembris anni 1755 habita a Cl. PINGRE.*

p. 287. 25) *Methodus determinandi altitudinem poli ita, ut refractionis ratio quam fieri potest minime habenda sit, Auctore Cl. DE COURTIVRON.*

p. 293. 26) *Cl. NOLLETI continuatio commentationis, in qua disquiritur, an inter electricitatem positiuam et negati-*



*negatiuam, seu vitream et resinofam, tanquam duo diuerfa electricitatis genera, recte fiat distinctio* \*. Cl. NOLLETVS non improbat vsum horum terminorum, *electricitatis vitreae, electricitatis resinofae*, ad p. 296. distinguendum duas classes corporum, per quae corpori cuidam communicata electricitas effectus plerumque diuerfos et oppositos habet. Verum enim vero per illos terminos recte denotari duas electricitates, specie differentes, et quarum quaelibet signa sibi propria constanter habeat, id etiamnum negat et pernegat. Ne autem temere sic statuere videatur, praesenti commentatione ostendere allaborat, *primo*, phaenomena, quibus illa distinctio superstructa est, non esse constantia, *secundo*, etiamsi talia esse concedantur, tamen non valere ad id, quod probare debent, euincendum, et posse haec phaenomena, sine hypothese duplicis electricitatis, per principia nota satis et certa, alio modo aequae intelligibili et verisimili explicari; *tertio*, hypothese duplicis electricitatis magnis difficultatibus obnoxiam esse, et ex ea consequi, quae experientiae repugnent. Ad primum huius disputationis caput quod attinet, V. Cl. suspendit ex filis sericeis, 18 pollices circiter longis, duas laminas cupri; quarum vtraque erat vnum pollicem longa et lata, atque in eis plus quam sexcenta experimenta cepit ita, vt alteram electricam redderet per admotum cylindrum, 13 pollices longum, et fere 1 pollicem crassum, ex massa figillatoria rubra confectum, atque illi laminae in hoc statu tubum vitreum frictione electricatum admoueret, deinde autem alteri vicissim laminae per tubum vitreum electricatae cylindrum illum figillatorium frictione electricatum obiiceret; et plusquam ducenties se obseruasse affirmat, laminam per massam figillatoriam electricatam a tubo vitreo electrico non

B 3

attra-

\* L. d. 28 Aug. 1756.

attractam, sed repulsam esse, idemque alteri lami-  
 nae per vitrum electrificatae, admoto cylindro  
 sigillatorio electrico, accidisse. Quibus de causis  
 hoc experimentum, eodem licet modo eademque  
 cura institutum, saepius aliter cedat, id se nondum  
 reperire potuisse fatetur. Similiter apparentiam  
 puncti lucidi in eo conductoris apice, qui a globo  
 sulphureo remotissimus est, constantem vel satis  
 p. 301. evidentem esse negat; contra, si apex ille non acu-  
 tus, sed paullo obtusior, ac conductor virga ferrea  
 sit, pollicis; crassitiem habens, atque electricitas  
 fortis excitata fuerit, flammulas ibi conspici perhi-  
 bet, quae cum flatu prorumpunt, per quem cerei  
 flamma impelli et moveri possit; et huius experi-  
 menti testem ipsum FRANKLINUM (in Epist. 9.  
 Part. 2. Experim. Electr.) excitat. Ex *secundo* dispu-  
 tationis huius capite hoc tantum enotasse nobis suf-  
 ficiat, quod Cl. NOLLETUS rationem, cur corpus,  
 per vitrum electrificatum, a corpore resinoso electri-  
 co trahatur, per materiam effluentem et affluentem,  
 atque inaequalem intensitatem atmosphaerarum  
 electricarum tubi vitrei et massae resinosae explica-  
 re annitatur; puncti autem lucidi, quod in extre-  
 mitate conductoris, a globo sulphureo remotissima,  
 plerumque conspicitur, originem repetat a radiis  
 electricis ibi ex conductore emanantibus, sed, quo  
 minus se in conum lucidum explicent, per materiam  
 affluentem impeditis, quae maiori celeritate in  
 globum sulphureum, quam in vitreum, propterea  
 irruere ipsi videtur, quod pori sulphuris magis,  
 quam pori vitri, frictione dilatentur, et ergo sul-  
 phur plus materiae electricae absorbeat, quam  
 vitrum. Pergimus ad *tertium* caput, quod difficul-  
 tates et incommoda, quibus sententia de duabus  
 electricitatibus specie diuersis premitur, exhibet.  
 Experientia docuit, idem corpusculum, a vitro  
 p. 305. electrificatum, nunc attrahi nunc repelli a massa  
 resinosa



resinosa electrica, prouti haec lenius vel fortius  
 perfricta fuerit; eundem cylindrum figillatorium  
 ita posse electricum reddi, vt altera eius extremitas  
 id repellat, quod altera attrahit; vitrum, quod  
 transparentiam suam amisit, phaenomena, quae  
 electricitatem sic dictam resinofam plerumque co-  
 mitantur, ostendere; eundem tubum vitreum, cuius  
 parti dimidiae politura demta sit, electrificatum,  
 hac parte eam, quam aduersarius resinofam electri-  
 citatem dicit, altera parte vitream exercere; si  
 conductor non sit virga metallica, sed alius materiae,  
 quae per communicationem difficilius reddatur  
 electrica, eum ope globi vitrei electrificatum, in  
 extremitate globo opposita non cono, sed puncto  
 tantum lucido ornatum conspici. Quae singulae  
 obseruationes repugnant sententiae, duas esse con-  
 trarias species electricitatis. Quomodo enim illae  
 simul inesse in vno eodemque corpore possent?  
 Vitri et sulphuris partes aequales intime commi-  
 stas componere massam, quae frictione nequeat  
 electrica reddi, conclusit Cl. LE ROY; et recte  
 quidem, si ipsius sententia de duplici electricitate  
 vera sit. At vero Cl. NOLLETVS, quum in tali p. 314.  
 massa cepisset experimentum, comperit, eam  
 omnino frictione electrificari, etsi in ea non tanta,  
 quanta aut in solo vitro, aut in sulphure puro,  
 electricitas excitari queat. Alio etiam experimento  
 sibi persuasit, falsum esse, quod ex aduersarii sen-  
 tentia sequitur, corpus in quo vitrium vnitum sit  
 cum resina electrificari non posse.

27) *Secunda pars Commentarii de encrinis, stellis* p. 318.  
*lapideis, entrochis, trochitis cet. Auctore Cl. GUETTARD.*  
 In hac secunda parte Vir doctissimus varios describit  
 entrochos, quos quidem etiam iudicat esse partes  
 petrefactas animalium marinarum, *palmae marinae*  
 similium, sed ab ea tamen differentium, et haecenus

ignotorum. Deinde historiam contextit opinionum, quas de encrinis, entrochis et asteriis rerum naturalium scriptores fouerunt, in qua historia ab AGRICOLA orditur, et ad recentissimos Auctores vsque progreditur.

P. 355. 28) BOUGERI *Commentarius secundus de prae-  
cipuis problematibus ad artem gubernandi naues  
spectantibus* \*.

P. 370. 29) Cl. DE LA LANDE *Commentatio de longi-  
tudine geographica Berolini* \*\*.

P. 372. 30) Cl. DE THURY *Additio ad tabulas astro-  
nomicas CASSINI anno 1740 editas* \*\*\*.

P. 392. 31) *Observatio eclipsis partialis lunae d. 27 Martii  
anno 1755 habita a Cl. PINGRE.*

P. 397. 32) Cl. BOURDELINI *Commentarius secun-  
dus de sale sedatiuo.* Quum sal sedatiuus singularem  
hanc proprietatem habeat, vt flammam spiritus  
vini colore viridi tingat: Cl. BOURDELINVS per  
plurima experimenta inquisiuit, an haec proprietas  
soli huic sali competat. Primo salia concreta exa-  
mini subiecit, et inter haec nullum reperit, hac  
P. 406. proprietate praeditum, praeter vitriolum coeru-  
leum, quod flammae spiritus vini colorem viridem  
pulchriorem seu intensiorem, quam ipse sal seda-  
tiuus, impertiuit, quum super sex granis vitrioli,  
in puluerem redacti, effusam semunciam spiritus  
vini rectificati in vase argenteo incendisset. Cuius  
effectus causam quaerendam esse docet in cupro,  
tamen non integro, sed per aptum quoddam  
men-

\* Lect. d. 26 Jul. 1755.

\*\* Lect. d. 29 Ian. 1755.

\*\*\* Lect. d. 16 Jul. 1755.



menstruum soluto, nempe per acidum quoduis minerale vel vegetabile, aut etiam per spiritum volatilem salis ammoniaci. Deinceps ad idem experimentum spiritum nitri fumantem, spiritum salis, oleum vitrioli. spiritum aceti, et spiritum volatilem salis ammoniaci adhibuit, sed per hos spiritus color consuetus flammæ spiritus vini non fuit in viridem mutatus. Ex his experimentis P. 415.

Auctor hæc ducit confectaria; primo, viridem flammam spiritus vini deberi toti composito salis sedatiui, non, vt videri posset, soli phlogisto, quod hic sal in se continet, quum alioquin cetera salia, quippe etiam phlogisto grauida, idem efficere deberent; secundo non sufficere ad hunc effectum, vt sal, phlogiston continens, in spiritu vini ardente solubilis sit, quoniam neque terra foliata tartari, neque sal succini hunc effectum præstitit; tertio hanc virtutem, flammam spiritus vini colore viridi tingendi, non esse attributum salis sedatiui proprium, sed ipsi cum quolibet præparato Veneris salino commune. Ne quis autem hinc sequi putet, in sale sedatiuo aliquid cupri inesse; lectorem monet V. Cl. non solum vsum quotidianum huius salis in medicina huic sententiae aduersari, sed etiam per alcali volatile spiritus salis ammoniaci, quod P. 418. alioquin vel minimæ quantitatis cupri in aliquo mixto præsentiam per colorem coeruleum prodere solet, nullum cupri in sale sedatiuo indicium haberi posse; si quid ergo cupri in eo sit, saltem necesse esse, vt illud in eo substantiæ cuidam ignotæ adeo sit inuolutum et vnitum, ne per alcali volatile detegi possit. Porro annotat, acida quidem mineralia salem sedatiuum ex parte saltem soluere, etiamsi eum non decomponent, spiritum autem volatilem salis ammoniaci eum nullatenus soluere, licet is in hoc spiritu confestim liquecat, et cum spiritu misceatur. Namque acida illa super sale sedatiuo

saepius destillata flammam spiritus vini viridem reddere, hoc autem spiritum volatilem salis ammoniaci super illo sale destillatum non efficere, expertus est; effecturum autem fuisse, si quid salis sedatiui in eo perfecte solutum fuisset, hinc colligit V. Cl. quoniam quatuor duntaxat guttas phlegmatis, de sale sedatiuo sine addito destillati, flammae duarum drachmarum spiritus vini tingendae sufficere per experientiam didicit. Ex his autem experimentis simul hoc notatu dignum disci monet, posse duas substantias salinas, natura sua volatiles, per vnionem degenerare vel abire in substantiam fixam, quae se sublimari non sinat. Sub finem huius commentarii varios conatus enarrat, salem sedatiuum decomponendi, qui vero omnes frustra fuerunt. Denique certiore reddit lectorem, se nunc aliquoties repetiisse experimentum, in priori commentario propositum, quo ope solutionis mercurii per spiritum nitri, quale sit acidum salis sedatiui, explorare voluit \*, et successu eius experimenti se nunc plane persuasum esse, non acidum vitriolicum, sed acidum salis marini ingredi salis istius compositionem.

p. 436. 33) Cl. LE GENTIL *secunda dissertatio de diametro apparente solis respectu habito ad aberrationem radiorum lucis.*

p. 463. 34) Cl. DE MONTALEMBERT *commentatio de rotatione globi in tormento \*\*.*

p. 469. 35. 36) *Observationes eclipsis lunae d. 27 Martii an. 1755 habitae a Cl. DE FOUCHY et Cl. LE MONNIER.*

37) Ob-

\* vid. Comment. nostr. Vol. VII. p. 266. 267.

\*\* Lect. mense Decembri 1754.



37) *Obſervatio occultationis ſtellae Aldebaran per* p. 472.  
*lunam, Lutetiae d. 6 Iulii 1755 mane habita a Cl.*  
 LE MONNIER.

38) *Eiusdem ſeries occultationum et appulſuum* p. 474.  
*ſtellarum fixarum per et ad lunam anno 1752 et cet.*

39) Cl. DE LALANDE *Obſervatio eclipſis lunae* p. 479.  
*d. 27 Martii 1755.*

40) *Commentatio de motu oſcillatorio corporum* p. 481,  
*liquidis innatantium, Auctore BOUGUERO.*

41) Cl. DU HAMEL *Obſervationes botanico-me-* p. 496.  
*teorologicae per annum 1754.*

42) Cl. BUACHE *commentarius, in quo rationem* p. 526.  
*reddit, cur in gratiam eorum, qui hiftoriam praefertim*  
*veterem usque ad tempora magnarum nauigationum*  
*ab Europaeis occidentalibus ſuſceptarum diſcere cupiunt,*  
*mappam globi terraquei aliter diſpoſuerit \*.*

43) Cl. MACQUERI *indagatio naturae tincturae* p. 531.  
*mercurialis, a Comite DE LA GARAYE paratae.*  
*Commentatio prima \*\*.* Tincturam illam mercurii  
 per ſalem ammoniacum fieri ſupra diximus. Iam  
 etſi plures chemiae ſcriptores, inter quos Cl. Auctor  
 LEMERIVM, STAHLIVM, MANGETVM, IVN-  
 KERVM nominat, propoſuerunt, ſali ammoniaco  
 vim inefſe, in mercurium agendi: tamen eos hanc  
 rem pro dignitate haud explicafſe monet, ſed duas  
 has quaefiones intactas reliquiſſe, primo, num ſal  
 ammoniacus, in mercurium agendo, veram de-  
 compositionem patiatur, ſecundo, quatenam ſit  
 indoles noui mixti ex ipsis nati; quas quaefiones p. 532.  
 nunc

\* Lect. d. 6 Sept. 1755.

\*\* Lect. d. 18 Dec. 1756.

nunc tractandas sibi sumit. Primam facile decidere potuit, quum perciperet vapores spiritus volatilis salis ammoniaci, qui paullo post commistionem huius salis cum mercurio etiam sine caloris auxilio ascendebant. Indicant enim hi vapores, salem ammoniacum vere decomponi, dum acidum huius salis mercurium aggrediatur ac soluat, basis autem alcalica eius acidi ex parte in auras dissipetur. Secundam quaestionem ita tractauit, vt inquireret, vtrum compositi istius salini indoles ad naturam alicuius ex cognitis mercurii per acidum salis marini praeparatis accederet, an singularibus characteribus esset insignita. Iam quum vidisset aquam vel spiritum vini, massae ex sale ammoniaco et mercurio mixtae post digestionem affusum, non solum solutione ista mercurii, sed etiam sale ammoniaco non soluto impraegnari, primum tentauit hunc salem a noua ista mercurii per acidum salis marini solutione separare, vt eam solam experimentis subiicere posset. Quoniam autem id neque destillatione, neque sublimatione, neque crystallisatione efficere poterat, aliam viam ingressus est, et diuersas cognitatas solutiones mercurii per acidum marinum, postquam eas singulas cum sale ammoniaco commiscuit, ad nouam istam solutionem comparare instituit. In quo opere quum statim cognouisset, mercurium dulcem, panaceam mercurialem, et praecipitatum album, in aqua vel spiritu vini cum sale ammoniaco soluta non permanere, vnum sublimatum corrosiuum sibi superesse intellexit, in quo experimenta caperet. Post varia ergo tentamina, quibus enarrandis nos vacare non possumus, in spiritu vini rectificato, qui iam mercurio sublimato corrosiuo impraegnatus erat, soluit salem ammoniacum, quantum eius sine calore, aeris calorem superante, solui poterat. Haec solutio, aequae ac tinctura mercurialis *Garayana*, cuprum perfecte



perfecte dealbavit, et, affuso oleo tartari, praecipitatum album praebuit. Porro vtrumque liquorem variis gradibus crySTALLISATIONIS et sublimationis subiecit, et in vtroque semper eadem phaenomena deprehendit. Quamquam autem ex his magna vtriusque liquoris patet affinitas: tamen eiusdem hos liquores naturae esse Cl. MACQUERUS negat, et respectu potissimum qualitatis corrosivae multum inter eos interesse affirmat; quam sententiam in alia commentatione demonstraturum esse pollicetur. Interim ex iis, quae in hoc commentario exposuit, p. 545. experimentis haec notatu digna consectaria ducit: primo, e mixtione salis ammoniaci cum mercurio nasci salem mercurialem, ex acido marino et mercurio unitis constantem, secundo huic sali mercuriali proxime accedere mercurium sublimatum corrosivum; tertio, vtcunque hic sal mercurialis solvatur, semper illum deprehendi cum magna satis copia salis ammoniaci non decompositi coniunctum, qui cum sale mercuriali simul in aqua vel spiritu vini solvatur, neque ab hoc sale per sublimationem aut crySTALLISATIONEM separari possit; quarto hanc combinationem salis istius mercurialis cum sale ammoniaco non esse meram mixtionem, sed veram solutionem vtriusvis horum salium mediorum per alterum, id quod Cl. Auctor praecipue ex eo didicit, quod vbi alterutrum salem separatim in aqua vel spiritu vini soluerat, menstruum hoc aptum fuit ad mirifice maiorem copiam ulterius salis solvendam, quam per se solvere potest.

44) *De refractionibus astronomicis, et altitudine poli Lutetiae Parisiorum, differit, et novam tabulam refractionum exhibet* Cl. DE LA GAILLE \*.

45) Cl.

\* Lect. ann. 1756 et 1758.

45) Cl. LE ROY *commentatio de mechanismo, quo se oculus variis distantis rerum visibilium accommodat.*

P. 594. Dudum proposuit LA HIRIVS, modum, quo visio distincta rerum, in diuersis ab oculo distantis positarum, efficiatur, non in motu lentis crystallinae, sed in motu seu contractione pupillae quaerendum esse. Hanc sententiam, quae vix ullos habuit asseclas, et cuius adeo fundamenta Cl. PORTERFIELDS nuper euertere annisus est, iam Cl. LE ROY in medium reuocat, et defendendam ac demonstrandam suscipit. Primo ostendit, sola pupillae contractione, sine mutatione distantiae lentis crystallinae a fundo oculi, fieri posse, vt res oculo propiores aequae distincte cernantur, ac remotiores.

P. 598. Et id quidem per experimentum in *camera obscura*, quam vocant, captum ostendit. Deinceps, hunc ipsum modum a natura vere vsurpari, verisimillimum esse docet, partim prouocando ad experientiam, per quam constat, oculi pupillam ampliari, quum res eminus spectemus, contrahi vero, vbi res parum ab oculo remotas intueamur, partim refutando alterum modum, quo plerique oculum visioni distinctae in diuersis distantis rerum visibilium aptum reddi contendunt. Nempe si, quod vulgo statuunt, lens crystallina a fundo oculi nunc retraheretur, nunc ad eum admoueretur: id aut per musculos bulbum oculi comprimentes, aut per actionem processuum ciliarium effici deberet. Atqui illud falso a quibusdam olim suppositum esse, hodie inter omnes, ait, constare; hoc autem aequae a natura abhorrere, propterea quod per recentissimas, ZINNII in primis, obseruationes certum sit, processus ciliares neque fibras esse musculares, neque margini capsulae lentis inferi, sed in superficie eius antica extremitates suas habere, sine sensibili adhaesione ibi fluctuantes. Ceterum, quo rectius sententia sua intelligatur, lectores monet,  
non



non necesse sibi videri, vt imminuta vel aucta vt-  
cunque rei visibilis ab oculo distantia, contrahatur  
etiam vel ampliatur semper pupilla, sed tantum, p. 600.  
vt tunc pupilla contrahatur, quum res oculo pro-  
pius admoueat, quam proximus limes visionis  
distinctae in statu pupillae non contractae ab eo  
abest, quem limitem apud eos, qui nec myopes  
sunt nec presbytae, in decem vel vndecim pollicum  
distantia positum iudicat. Quod si enim pupilla,  
rei ad sex pollicum distantiam positae distincte cer-  
nendae gratia, sit contracta; manente hac contra-  
ctione, oculum res quoque remotiores distincte  
visurum esse statuit, dummodo satis sint illumina-  
tae, neque ultra limitem remotissimum visionis  
distinctae ab oculo distent: et contra, si pupilla  
non sit contracta, opus non esse, vt contrahatur,  
dum res a limite visionis distinctae remotissimo  
(cuius ab oculo sano distantiam duobus pedibus  
cum dimidio aequalem aestimat) ad proximum limi-  
tem accedat; quum radii, e re ad distantiam illam  
collocata emanantes, focus suum post refractio-  
nem in oculo tam propinquum habeant foco radio-  
rum, e re vnum pedem distante venientium, vt  
aliqua inter distinctionem vtriusque imaginis in  
retina delineatae differentia, vix sensu percipi  
possit.



II.

The Method of treating Gun-shot Wounds.  
Second Edition. By JOHN RANBY. Prin-  
cipal Serjeant - Surgeon to his Majesty et.  
London printed for Robert Horsfield,  
1760. 8. pl. 7.

h. e.

Methodus tractandi vulnera sclopetorum. Edi-  
tio secunda. Auctore IOH. RANBY.

**P**rodiit libellus Londini 1744. 8 mai. cuius editio  
secunda passim non nihil mutata, parum tamen  
aucta prodiit; cum ille doctrinam chirurgicam nunc  
maxime agitatam proponat, non iniucundum Lecto-  
ribus nostris fore arbitramur, si contenta praecipua  
p. 5. paucis indicabimus. In his 'vulneribus primaria  
chirurgi cura in eo posita sit, vt globulum vel alia  
corpora peregrina simul intrusa extrahat, quam ob  
rem incisione opus est, quae, si globulus per par-  
tem quandam transiit ab vtraque parte efficienda,  
et ea quoque ab vtraque parte inprimis inferiore  
aperta seruanda est. Disquisitionem per specilla  
noxiam iudicat Noster, et digito, si vnquam fieri  
potest, interiora vulnerum melius examinari osten-  
p. 8. dit. Si globulus digito attingi nequit, eum potius  
relinquere quam instrumentis terebris scilicet et  
forcipibus in illum inquirere suadet, horum enim  
instrumentorum applicatione dolorem et febrim  
nimium intendi perhibet; exempla etiam ostendere  
hos globulos diu sine noxa corpori inhaerere et  
viam ad exteriorem corporis superficiem sibi quae-  
rere, et post longum saepius temporis interuallum  
melius eximi. Circa articulorum inprimis vulnera  
nimiam



nimiam irritationem immo ipsius scalpelli vsum et vulnerum dilatationem damnat.

Venaesectionem largam vel profusionem sanguinis copiosam ex vulneribus in his et in aliis grauissimis caluae laesionibus, per instrumentum acutum inflictis, maxime vtilem fuisse declarat, et licet nimiam ex arteria laesa sanguinis effusionem ligatura coercendam esse vrget, minores tamen arterias sine noxa sanguinem copiosum effundere docet, stiptica medicamenta hoc in casu applicata suppurationem impedire et febrem augere. p. 15.

Primis duodecim diebus post vulnus inflictum refrigerantia in medicamentis et diaeta conueniunt, alius interea vel clysmate, vel leni laxante aperta feruetur, et dolor in vulnere nimium increfcens opio refrenetur. Externa medicamenta quod attinet, spirituosae prorsus alienae sunt, oleosae et digestivae potius applicentur et fascia non nimis adstricta contineantur. Cataplasmata ex pane albo cum lacte, nec non oleo addito suppurationem iuuant. Methodo nunc descriptae inhaerendum est, donec vulnus purum redditum lege artis consolidari queat. Turundae in his vulneribus non applicandae sunt. Si corpus peregrinum in vulnere haerens inflammationem excitauit, ob tumorem iam obortum extractio non tentanda est, quae tandem locum habet, si tumor subsidet. p. 25.

Si, partibus nimis destructis, amputatio suscipienda est, illa mox in principio, et antequam humores febre corrumpuntur, suscipiatur. In vulneribus, magnis arteriis proximis, noua saepe post motum excitatur haemorrhagia, sensus plenitudinis vel ponderis in membro laeso, de quo aeger conqueritur, prodromus est futurae haemorrhagiae, quae larga venaesectione et corticis peruiani vfu compescenda est. Laudat quam maxime Noster p. 29.  
p. 36.

trihorio, si ventriculus ferre potest, exhibere suadet, parciore dosi saepe sine fructu propinatur. Neque a largo et continuato corticis usu damnum metuendum est. Si alius obstructa est, cuilibet dosi quatuor vel quinque grana rhabarbari addantur, si vero alius nimis fusa est, laudanum vel diascordium interdum interponatur. Si pars affecta tenuem materiam fundit et pallida apparet, corticis usus omnino salutaris est, licet calor magnus, lingua sicca et pulsus debilis simul obseruentur, non tantum enim haec symptomata cessant, sed spissior et purior materia ex vulnere manat. Equidem Noster non asserit haemorrhagias ex magna arteria ortas cortice sisti, sed tantum sanguinis nimiam fluiditatem inde corrigi assumit.

p. 45. Ad illustrandam itaque methodum hactenus descriptam Cl. Auctor varios casus proponit, in quibus potissimum larga venaesectio, et copiosus corticis peruiani usus utilis inuentus fuit, et porro declarat, quanto cum damno hoc medicamentum neglectum fuerit; affert tamen exemplum ubi, in senili corpore cortex nullum praestiterit auxilium.

p. 89. Appendicis loco in hac editione addita fuerunt monita nonnulla chirurgis in exercitu artem facientibus utilia: Non admittendos esse in nosodochia militaria leuioribus morbis detentos, sed eos tantum, qui ex grauiori morbo decumbunt; copiam enim aegrorum, qui in iis detinentur, impurum aerem reddere, et febres leniores in putridas epidemicas mutare. Hoc potissimum in morbis venereis attendi debere, qui, licet mercurii usum exigant, dummodo leuiores sunt extra nosodochium curari possunt, imprimis si salivae fluxus interpositis lenioribus laxantibus impeditur; exhibendum tamen his esse decoctum saturatum sassaparillae, cuius usu non tantum leuiores morbi coercentur, sed graui-



graviore quoque praecaventur. Herniae inter milites frequentes fascia apta muniendae sunt, hoc enim auxilio adiuti labores consuetos subire possunt.

### III.

Riflessioni sopra gli effetti del moto a cavallo di  
GIUSEPPE BENVENUTI Dottore di Medicina aggregato alla Societa Imperiale di Germania et alla Reale delle Scienze di Gottin-  
ga. In Lucca, 1760. 4 pl. 14 nella Stamperia di Jacobo Giusti.

h.e.

Meditationes super effectus equitationis Auctore JOSEPHO BENVENUTI.

**C**orporis exercitia ab iis, qui medicinam gymnastica-  
m coluerunt, inter optima sanitatis tuendae  
et recuperandae praesidia posita fuisse in principio  
libelli declaratur, et citantur multi et veteres et  
recentiores Auctores, qui praestantiam exercitiorum  
corporis et potissimum equitationis declararunt.  
Ab explicatione motus elastici vasorum et muscular-  
is, quibus nimirum sanguis et reliqui humores ad  
aptam circulationem disponuntur, tractationem  
suam incipit Cl. Auctor et ostendit, quomodo ne-  
glectus huius motus varia mala corpori inducere  
et eius functiones laedere possit. Graues enim  
morbi praecaventur, et saepissime curantur, si de  
robore solidorum per apta remedia restituendo sol-  
liciti sunt medentes. In omnibus itaque func-  
tionibus laesis, quae a debilitate et circulatione sangui-  
nis retardata oriuntur, equitationem prae reliquis  
exercitiorum generibus commendandam esse Noster

declarare annitur. Solida enim per hunc motum concussa vibrationem vasorum et inde pendentem humorum motum augent et verum aequilibrium inter partes continentes et contentas restitunt. Equitatione porro venosi sanguinis regressus acceleratur, ex qua causa etiam cor velocius mouetur, et ita elaborationem humorum iuuat, qui ideo in omnibus secretionibus minora vasa maiori facilitate transeunt, id quod potissimum in fluidi neruei secretionem et perspirationem cutanea apparet. Similiter digestio alimentorum et chyli resorptio adiuuatur, cum enim diaphragma et muscoli abdominales hoc motu multum agitentur, haec actio non tantum motum peristalticum, sed etiam difficilem sanguinis regressum in vena portae expeditiorem reddit. Et respirationis negotium et progressus sanguinis per pulmones hoc auxilio adiuuatur, inprimis cum agitatio aeris sub hoc motu magis salutaris inueniatur.

- p. 61. Post hoc examen generale effectuum, quos hoc corporis exercitium in machina humana producit, Cl. Auctor varios morbos examinat, in quibus ex equitatione solatium acquiritur. De variis itaque capitis, pectoris, abdominis et extremitatum morbis figillatim quidem, sed tantum summatim, agit ita, ut tribus saepe tantum verbis ostendat quomodo equitatio causis morborum opponi et ita quoque tristes effectus arcere possit. Sic v. c. dysuria a viscidis humoribus tubulos renales et vretes obstruentibus oriunda, equitatione corrigitur, et forte calculi minores in progressu suo impediti hac ratione simul, promouentur; in calculis vero maioribus mole sua et figura irregulari laedentibus damnum potius, quam emolumentum, ab hoc motu expectandum est.
- p. 93. Subiunguntur tandem monita in applicatione huius praesidii sanitatis attendenda. Equus sit docilis facile



facile regendus et situs corporis et imprimis extremitatum inferiorum aptus eligatur, quo sine insigni equitis defatigatione hoc corporis exercitium continuari possit. In principio motus moderati sint, qui pro ratione virium et naturae morbi augentur vel imminuuntur. Matutino tempore et aliquot horis post pastum hoc corporis exercitium suscipiatur, ventriculo cibis repleto digestio turbatur; debiliores tamen ventriculo ieiuno equum non ascendunt, sed parum nutrimenti fumant. Cibus post equitationem non fumendus est, sed aliqua quies humoribus concedatur antequam ventriculus repleatur. Aeris quoque ratio habenda est, quo sub equitatione commoda in sanitatem conuertenda ex eius puritate acquirantur.

#### IV.

PHIL. FRID. GMELIN. M. D. Botan. et Chem. P. P. O. Tubing. Societ. Lond. et Goetting. Sodalis Otia Botanica, quibus in usum praelectionum Academicarum definitionibus et observationibus illustratum reddidit Prodrumum Florae Leydensis ADRIANI VAN ROYEN, qui plantas terra marique crescentes methodo naturali digessit. Tubingae, in offic. Bergeriana, 1760. 4. Alph. I plag. 5.

**Q**uae Cl. Auctor in his otiis praestare voluit, ex ipso Libri titulo satis clare intelligimus; eumque in declaranda et illustranda ROYENI methodo laudabilem operam posuisse, ac eandem optime illustrasse, per omnem vero librum Botanicae eruditionis egregia dedisse specimina, abunde cognoscimus.

- In *Prologo* varia de herbaria re in genere differit, et inprimis quae ad disponenda, determinanda et denominanda vegetabilia spectant, curiosius
- p. 6. disquirat. Systemata Botanicorum, quatenus vel *artificialia*, philosophica alias dicta, vel *naturalia* sunt, considerans, ubique determinatam aliquam plantae partem sequi, et cum omnis plantae pars naturalis sit, omne systema naturale dici posse, affirmat; in sic dictis vero artificialibus impetui nectendi indulserunt auctores, et sub vna classe, vnoque ordine, immo genere admiserunt facie habituque diuersissimas, et adeo se inuicem discrepantes plantas, ut primus earum aspectus obloquatur manifestam ipsius naturae contradictionem. Naturalia vero, missis principiis a priori desumptis,
- p. 11. pressa pede naturam sequuntur. Hinc qui eiusmodi condere annisi fuerunt, conquiescerunt ex plurimis plantis multas, habitu conspicuo, conditionibus multis visibilibus, iisque constantibus, nullibi fallibilibus, modo e multis partibus plantae simul, modo hac, modo illa sola desumptis, convenientes prorsus, dein rationes illas et condiciones apto, idearum summam continente nomine classico expresserunt, eademque prudentia in eruendis ordinum, generum et specierum notis progressi fuerunt. Et ex illis naturalibus optimum Royenianum esse perhibet, hinc idem in his otiis vberius dilucidare, et classes ordinesque inprimis illustrare voluit. Antequam vero ad ipsam illustrationem
- p. 13. pergit, partim Cl. ROYENI ordinem apposuit, partim rationes eius excitavit, quibus eundem ipse excusat; et plurima ex Praefatione ad Prodrumum Florae Leydensis repetiit. In ipsa vero demum illustratione et observationibus b. Fratris, Clarissimi Botanici, quas per Floram Sibiricam sparsit, passim usus fuit, et quandoque utiles comparationes Methodi Royeinanae cum Systemate Linnaeano instituit.



tuit. Praemisit itaque primo Clauem Classium, et quomodo a cotyledonibus, calice, fructu, staminum differentia et s. p. ordines suos desumferit, paucis summam explicauit, deinde Praeludium seu conspectum methodi, quoad ordines et genera Synoptica Tabula proposuit, et postea explicationem cuiuslibet classis et ordinis addidit.

De *Amentaceis* notauit, nullam classem dari, p. 90. quae diuersos magis flores exhibeat in eadem classe mixtos, quibus tamen non obstantibus maxime naturalis erit, omnesque fere huius classis plantas primo vere florere, quia mares remotas a se feminas excrefcentibus foliis foecundare vix possent, saltem liberior pollinis masculini ad feminas accessus impediretur. Coryli semen, modo albo modo p. 95. rubro cortice tectum suam differentiam in colore amentorum ostendit, sunt enim iuli, cuius nuclei corticem album promittunt, albidiores, vel dilute viridiores, qui rubrum corticem sperare faciunt, fusci magis aut purpurei. De Class. XII, quae *Ringentes* continet, ipse fatetur Cel. Auctor, occurrere passim aliquos, quorum corollae rictum prorsus nullum exprimunt, vt est *Veronica*; attamen scribit: si ab hoc rictu discesseris, reperiās tantum habitus affinitatem et characterum conuenientiam cum plantis vere ringentibus, vt non absque vi naturae illata separari commode possent. De *Polyan-* p. 193. *theris*, quae Classi XVIII exhibentur Cl. Auctor notauit, ROYENVM a LINNAEO recessisse, et *Dodecandrias*, *Icosandrias* ac *Polyandrias* coniunxisse, cum classicum characterem posuerit in staminibus duplicatum petalorum aut corollae monopetalae segmentorum numerum excedentibus, et cum porro excessus ille proportionatus nunquam superet numerum denarium, polyantherae omnes illae sunt, quae plura, quam decem stamina habent. Indice

copioso hoc, quod non tam nouitati rerum, quam perspicuitate Botanophilis sese commendat opusculam finitur.

V.

I. G. STOCKAR DE NEUFORN, Schafhufa Helueti Tractatus Chemico-Medicus de Succino in genere, nec non speciatim de eo, quod nuper in agris Wisholzensibus effossum est, in quo per tentamina chemica natura succini succincte examinatur atque Auctorum de eo opiniones inuestigantur atque examinantur. Lugduni Batauorum, apud Cornelium de Pecker, 1761. 8 mai. pl. 6. \*

**I**ndigitatis auctoribus, qui a priscis iam temporibus ad nostra vsque de succino scripserunt, Noster dein disquirat, cuinam naturae regno corpus istud adscribi forte possit. Ad fossile regnum et quidem ad obuientia in eo bitumina succinum iure refert Noster, idque suaueolentibus inprimis bituminibus accensendum esse, innuit. Omnia enim bitumina, secundum Nostri sententiam, in graueolentia et suaueolentia, haecque vltima in mollia et dura distinguuntur; quare succinum bitumen suaueolens, durum et compactum Cl. Auctori dicitur.

**p. 9.** Varia quidem facie se sistit succinum, plerumque tamen in informes massas concrevit. Species succini diuersae nullae sunt, sique differentia aliqua statuenda, ea vel a vario collectionis modo vel a diuerso colore desumenda est. Ita succinum, quod ope reticulorum aliorumque instrumentorum ex

mari

\* Anno iam praecedenti, 1760, hoc opusculum sub forma dissertationis inauguralis Cl. Auctor edidit Lugduni Batauorum, 4.



mari hauritur, haustile, aliud, quod in littus expulsum reperitur, lectum, aliudue demum, quod ex terra effoditur, fossile nuncupatur; respectu coloris autem succinum vel diaphanum vel opacum est. Sapor succino mundo adscribi non potest, tritum vero vel accensum odore se ab aliis bituminibus distinguit, ita tamen, ut ille, qui ex calefacto tantum nec accenso exhalat odor, specificus vel spiritus rector eius appellari mereatur. Tandem etiam de succino notandum est, hoc illud corpus esse, in quo vis illa, quae corpora, in vicinia posita, attrahit et repellit, quaeque electricitas hodie vocatur, primo fuit observata.

Haec ad externas succini proprietates spectant, p-13.  
 accuratius multo indolem atque naturam eius disquirat chemia, quippe quae mediantibus menstruis variis pariterque ignis ope varias componentes partes elicit. Aqua huic corpori vix ullam mutationem inducit, cum spiritu vini autem et rectificatissimo quidem aliqualis, nec tamen vera, nascitur solutio. Solutum tamen quidquam esse, demonstrat aqua affusa, qua statim turbatur, demonstrat etiam sapor et odor, qui gratissimus succineus esse solet. Ut itaque tinctura, spiritu et corpore succini impraegnata ideoque efficacissima obtineatur, alcohol prius de succino abstrahendum cumque recenti succino diu digerendum est. Nullus sal, si p-16.  
 vitrioli oleum excipias, succinum soluit, cum hoc vero digestum perfecte soluitur. Cum saccharo, cera et sulphure coctum succinum nullam fere aut exiguam subit mutationem pariterque intactum manet, si infra liquefactum plumbum per tempus detineatur. Cum oleis vero et balsamis vegetabilium, raparum inprimis, papaveris, amygdalarum, lini, oliuarum, nucis et lauri oleo coctum felicissime soluitur, cum succini vero et roris marini et caieput oleo mixtum coctumque intactum manet;

quod idem euenit, si cum aliis oleis destillatis solutio tentatur, quippe quae, nimis volatilia, citius auolant, quam succinum penetratur, hinc olea expressa hic praeferenda sunt. Cum balsamo de Copaiua et terebinthina coctum soluitur, massa postea refrigerata solidescit fragilisque euadit. Omnes hae solutiones cum oleo terebinthinae miscelam amant vernicemque, satis cito ficcandam, constituunt, quid? quod eadem solutiones vernicesque eadem cum oleo vitrioli iunguntur, liquoremue homogeneous efficiunt: reliqua acida nihil hic praestant. Cum nitro candenti crucibulo commissum succinum detonat, nitrumque postea in fixum alcali conuertitur. Cum alumine calcinatum Pyrophorum HOMBERGII largitur, qui in aere libero sponte accensus viuidam coeruleam flammam exhibet. Retortae commissum soloque igne disquisitum succinum in varias partes dissoluitur; prodeuntque phlegma, oleum et sal inque retorta carbo relinquitur. De proportionibus harum partium certi quid affirmare non licet, siquidem frustra diuersae admodum puritatis deprehendantur; statuendum interim Nostro videtur, salem, terram, phlegma et oleum in succino se excipere vt 1. 2. 3. 18.

P. 28. De speciali horum productorum examine sequentia notanda sunt. Phlegma, primo prodiens coloris et saporis expers meraque aqua est. Qui hoc excipit spiritus acidulum saporem, cum amaritiae quadam coniunctum, exhibet, cum aqua lactescit, violarum syrupum rubro colore tingit et, lente euaporatus, paucos salis succini crystallos relinquit. Hunc salem alii alcalinis volatilibus, alii autem, rectius quidem acidis accenserunt, in eo autem errarunt, quod vitriolicum seu acidum salis istud pronuntiabant. Depuratus et ab oleo separatus sal crystallos prismaticos et triangulares format atque saporem manifeste acidum prodit. Sal iste  
diffi-



difficillime soluitur aqua frigida, facile autem calente. Adiuuante calore pauca etiam eiusdem quantitas in rectificatissimo vini spiritu soluitur. Cum alcalinis fixis et volatilibus terrisque absorbentibus atque calcariis efferuescit hasque soluit. Muria salis succini, cum lixiuio puro alcali fixi saturata, euaporatione in crystallos pellucidos, eiusdem cum crystalis salis succini figurae, abit, quae frigida aqua soluuntur, prunis iniectae decrepitant, funduntur, fixae tamen et neutrae remanent. Eadem muria, cum spiritu salis ammoniaci saturata, euaporatione in salem ammoniacalem mutatur, qui saporis est amaricantis, linguae refrigerii sensum inprimit inque cochleari argenteo, prunis imposito, fluit subque vaporis forma in auras abit. Nitro, in crucibulo candenti fuso, iniectus sal succini detonat, nitrumque postea in verum alcali mutatur. Cum acidis destillatus, oleosa parte horum acidorum ope exuta, purissimus candidissimusque sublimatur. Cum floribus salis ammoniaci mixtus et destillatus sal succini liquorem acidum flauescentem parua copia expellit, qui in excipulo collectus verus spiritus salis est, omnibus eiusdem dotibus donatus; igne posthac fortiore sal vterque residuus in retortae collo sublimatus deprehenditur, ita, vt sal ammoniacus inferiorem, succini vero sal superiorem partem occupet, inque fundo parua nigri carbonis quantitas remaneat. Solutione et sublimatione ad sextam vsque vicem repetitis, continuo aliquid acidi salis expellitur; inde acidum salis marini a succini sale expelli, colligendum est.

Creta in salis succini muria soluitur, atque solutio amaricantem saporem obtinet: crystallisatus inde sal in aere non deliquescit nec, nisi feruida aqua soluitur. Praecipitatur ex hoc sale creta alcalinis fixis et volatilibus salibus, exque acidis  
acido

acido vitriolico; acidis vero solutam cretam muria salis succini non nisi ex vegetabili acido praecipitat. Idem sal succini cum creta iunctus volatilitatem amittit, nec in destillatione acido aceti nec acido salis communis expellitur. Cum solutione salis ammoniaci vero destillatus sal succini cretam deferit seque alcali volatili iungit. Spiritus nitri cum sale hoc destillatus maximam partem redit omnisque fere abstractus indeque valde concentratus factus cum inflammabili, a sale succini adhaerente, subito detonat, omnemque, vt Cl. Auctori contigit, apparatus disiicit. Tandem cum vitriolico acido destillatus sal succini a creta liberatur et pristina forma sua sublimatur.

p.43. Simplici aqua destillata sal succini solutus adiuvante calore varia metalla inprimis cuprum, ferrum, stannum, zincum et bismuthum solvit, plumbum vero vix rodit, atque argentum, mercurium, platinam regulumque antimonii intacta relinquit. Argentum, mercurium et plumbum, aqua forti soluta, non praecipitat; acido tamen vegetabili solutum plumbum momento, quo instillatur, muria salis succini forma calcis albae, neutiquam tamen in saturnum cornuum conflandae, praecipitat.

p.45. Ex his varia Noster elicit corollaria, quae quidem omni exceptione maiora non esse, forte tamen ulteriores eius cognitionem faciliorem reddere putat. Succini salem acidum esse multa probant, utrum vero iste vitriolicus vel marinus sit? multis adhuc argumentis indiget: Nostro tamen neque vitriolicus neque marinus succini sal esse videtur. Vitriolicum eum non esse, varia experimenta, superius adducta, probant, inprimis si attendamus, succini salem cum inflammabili sulphur non constituere vel per fusionem in idem mutari; nec cum alcali fixo saturatum in tartarum vitriolatum abire,  
nec



nec per detonationem cum nitro falem polychrestum relinquere, nec tandem alcali fixo et carbonibus admixtum post calcinationem in hepar sulphuris abire. Cum acido nitri dictus sal non conuenit, imo prorsus ab eo differt. Diuersus etiam est ab P. 47. acido salis, vt varia, a Cl. Auctore instituta, experimenta euincunt. Dantur quidem, qui acidi marini indolem in succini sale deprehendendam experimentis demonstrare annisi sint, interque hos Cl. BOURDELIN inprimis rem accuratius inuestigare et experimentis, quae tamen manca saepius speciem veri vix primo intuitu prae se ferre videntur, illustrare studuit. Contra hanc igitur sententiam Noster disputat, graua argumenta apponit omnemque rem talibus experimentis illustrat, quae probant certe, succini salem ab acido salis marini differre, Quod si enim perpendamus, salem succini cum alcalinis salibus neutrum salem constituere, longe alium, quam si acidum salis adhibeatur, eundemque salem cum spiritu nitri solutum aquam regiam non efficere, acidumque salis ex solutione \* salis p. 57. ammoniaci eo expelli; cretam in eo solutam iterumque exsiccatam, aqua feruida difficulter solui; plumbum isto sale vix rodi, nec argentum, nec mercurium, aqua forti soluta, eodem praecipitari; haec ergo si perpendamus experimenta, Nostri sententia veritati consentanea esse videtur. Quae-ritur tandem, num forte, vegetabili acido succini sal similis, cum eo comparandus sit. Certe, si hoc esset, sal medius cum tartaro tartarifato tartaroque solubili idem videretur; sed neutri iste similis est.

\* Spiritum in textu legimus: cum vero notum satis sit, Spiritum salis ammoniaci ad alcalina volatilia pertinere, haecque non nisi in compositione salium mediorum cum acidis coniuncta esse, errorem proinde typographicum ibi commissum locoque spiritus solutionem ponendam esse, arbitramur.

est. Praeterea muria dicti salis cretam plumbumque, in aceto soluta, praecipitat. Ex his itaque succini salem acidum a notis istis acidis mineralibus itidemque vegetabilibus diuersum pro singulari sale acido habendum esse, colligendum est.

p. 60. Tertium, quod ignis ope in destillatione e succino elicitur productum, oleum est; cum eo pauca experimenta instituit Noster, cum autem istud cum petroleo, naturae producto, conueniat, amborum proinde conuenientiam tantum ostendere, placuit. Hoc oleum, in destillatione prodiens, maximam partem impurum, spissum et empyreumaticum est, ideoque, si experimentis inferuire debeat, depuratione indiget, quae, secundum Nostri sententiam et recte quidem, cum aqua aut per se aliquoties instituenda reliquis methodis anteposenda est. Depuratissimum oleum non nisi in oleo vitrioli, spiritu terebinthinae, oleis et balsamis vegetabilium soluitur, cum reliquis connubium respuit. Patet itaque ex his, oleum hoc, minerali regno merito adscribendum, cum petroleo eiusdem naturae esse. Licet autem oleum hoc aequae ac petroleum miscelam, quam amant olea vegetabilia, cum alcohole recuset, eamque pariter empyreumatica olea respuant, istud tamen post peractam cum aqua destillationem repetitam, instituta in calore digestionem, cum spiritu vini miscetur ideoque hac in re ab empyreumaticis vegetabilium oleis quam maxime differt.

p. 66. Caput mortuum, seu massa nigra, in retorta residua, terram cum inflammabili principio adeo iunctam sistit, ut per trium horarum spatium in crucibulo, leuiter tecto, fortissimo igne liberari penitus non potuerit, nitroque fluenti iniectum detonuerit. Praeterea massa ista, in puluerem trita, magnetis ope ferri particulas exhibet. Differt itaque succini caput mortuum a residua cuiuscunque vegeta-



vegetabilis massa, et in eo inprimis, quod non conuerti possit in carbonem scintillantem, combustilem, cineres alcalinos et terram puram.

Haec de succini analysi; nunc de generatione p. 68.  
eiusdem agitur. Multi istud corpus, perperam tamen, animali regno adscripserunt; alii vegetabili aliique demum minerali regno accenserunt, atque horum sententia illis anteponenda esse videtur. Succini enim natura bituminosa, locus natalis et chemica analysis id suadent eiusque naturam a vegetabilibus diuersam ostendunt. Sed disceptatur quoque, vtrum maris an telluris productum sit? Telluri, id tribuendum esse, veritati consentaneum est, siquidem succinum non in maritimis solum, sed et a mari satis distitis locis eruitur idemque in maris fundo, stratis terrae, aqua commota ablutis, detegitur inque apicum producitur; quapropter omne etiam succinum fossile proprie censendum est. Quod ad regiones attinet, quibus natale succinum debetur, de sola Europa certo constat, eam succini feracem esse. Inprimis autem tellus Borussica succino abundat, idque ibi tanta copia extrahitur, vt per totum fere orbem diuendatur. Non desunt tamen aliae regiones, quae succinum produxerunt: ita ipsae mediterraneae Daniae et Seelandiae regiones, Saxonia, Electoratus Hannoveranus, Gallia et Sicilia fossile succinum exhibuerunt.

His praemissis ad eam speciem nunc progredi- p. 77.  
tur Noster, quae nuperis annis in agris Wisholzen-  
sibus effossa est. Locus, vbi dictum succinum effo-  
ditur, Wisholz vocatur et duobus circiter millia-  
ribus ab vrbe Schaffusa in Heluetia distat. Suc-  
cinum ibi, casu inter arandum repertum, plerum-  
que in sat magnis glebis effoditur, odoris fragran-  
tissimi, perfecte succinei est et disquisitum eadem,  
quae

quae commune succinum dat, producta largitur, ita, ut nullum dubium sit, pro vero succino id habendum esse

p. 80. Ultimo tandem de usu succini agitur. qui respectu variorum utensilium, quae ex eo efformantur, et vernicis, ex eo parandae, partim oeconomicus, partim vero respectu effectus salutaris, quem edit in corpore humano, medicus est. Cum vero ea, quae de virtute medica hic exponuntur, nota satis sint, et a Nostro, propria, ut candide fatetur, experientia destituto tantum repetantur, hic superfedemus huncque libellum, Nostri in arte chemica peritiam, abunde probantem, utilitate nequaquam destitutum esse, censemus.

## VI.

Locupletissimi rerum naturalium thesauri accurata descriptio et iconibus artificiosissimis expressio per uniuersam physices historiam. Opus cui in hoc rerum genere nullum par exstitit. Ex toto terrarum orbe collegit, digessit, descripsit, et depingendum curauit ALBERTVS SEBA Etzela Oostfrisius, Academiae Caesareae Leopoldino Carolinae naturae Curiosorum Collega Xenocrates dictus, Societatis Regiae Anglicanae et Instituti Bononiensis Sodalis. Tomus I. Amstelodami apud Iansonio - Waesbergios cet. 1734. 2 Alph. 7 pl. tabb. aen. CXI. fol. imp. Tomus II. ibid. 1735. 1 Alph. 22 pl. tabb. CXIV. Tomus III. ibid. 1758. 2 Alph. 13 pl. tabb. CXVI.

**L**argissime semper natura suppeditat, quibus cultorum animus mulceri ac delectari queat,  
ita



ita vt fatiari nunquam possit, qui semel harum rerum gustum ceperit. Probat id suo exemplo Cl. SEBA, indefessus ille corporum naturalium scrutator, qui per vitam suam totus fuit in colligendis vndique ac strenue contemplandis naturae miraculis. Et ea quoque ipsi contigit felicitas, vt omnes fere terrae aequae ac maris mirandi incolae confluerent quasi in suo musaeo, atque natura quosuis suos thesauros ac cimelia in illud effunderet. Nefas vero putabat Vir iste eximius ac post mortem in hoc suo opere celebris, oblectamenti tantummodo gratia tot tantaque memorabilia congefisse, hinc in animum inducebat, publicae vtilitati prospecturus, vastissimi sui apparatus catalogum publici iuris facere, rerumque collectarum historiam tradere vberriam, non quidem vanae gloriolae ac ostentationis spe allectus, sed id modo cupiens, vt cuilibet haec naturae miranda opera mirandi fiat copia. Magno igitur animo ad editionem huius splendoris operis appulsus, nullis pepercit impensis, et regiis fere sumptibus effecit, vt huic et splendore et apparatu vix simile, praestantius nullum futurum confidamus. Prodierunt quidem, vti ex titulo, in fronte adducto, patet, priores duo tomi multis ante annis, suamque dudum apud rerum naturalium gnaros laudem ac plausum meruerunt. Cum autem e vita discesserit Cl. Auctor opere nondum confecto, per triginta quinque annorum seriem eius continuatio fuit interrupta. Comparuit tandem nunc tertius Tomus, qui eadem picturae sculpturaeque elegantia, mira corporum varietate et solida descriptionum industria se commendat, qua priores lectorum oculos ac mentem delectarunt. Vt tamen in genere de opere constet, veniam a lectoribus nos impetraturos speramus, si priorum quoque Voluminum breuem reddamus rationem. Nulli sese adstrinxit Cl. Auctor ordini, quem dicunt, syste-

*Tom. X. Pars I.*

D

matico,

matico, sed in ea, quam casus tulit, apparatus sui digestionem acquieuit. Nec illud vitio ipsi vertamus, cum eius aetas in id inciderat tempus, in quo vera methodus nondum composita vel certe ad eam, qua nunc superbit, perfectionem nondum prouecta erat. Interim tamen omnem ordinem non neglexit, sed quantum per ipsum colligendi modum fieri poterat, similia similibus iungere ac summas classes distinguere annisus fuit. Descriptiones additae omni cura ac solerti industria confectae deprehenduntur, latino idiomate expressae, simul in gallicam linguam, eorum gratia, qui latina nesciunt, translatae.

Primus Tomus exhibet ab initio fructuum variorum, foliorum, radicumque arte maceratarum insignem numerum, quorum icones tabulae quatuor priores habent. Curiosae structurae est *cucullus americanus*, ab ipsa natura ita fabrefactus, ut cuculli loco incolae isto utantur. Subsequuntur plantae integrae exoticae ac indigenae rariores, quibus nitidissime exsculptis nomen ad ductum horti Lugduno-Bataui imposuit, additis tamen quoque BREYNII, COMMELINI, PLUCKENETII denominationibus. Glirium muriumque familia succedit a Tab. XXXI. quorum memorabilis inter caeteros videtur *sylvestris* vel *agrius*, qui fugiens catulos in dorsum recipit et caudarum contortu eos firmatos insidiatori subducit. *Tardigradus* vel *Ignauus*, quem Simiae speciem putat, maximus Tab. XXXIV. depingitur. *Philandrum* vel *Opasum* vel *Carigueian* sistit Tab. XXXIX qui catulos in peculiari sacco, subtus ad ventrem collocato mollique lanugine intus vestito, quem claudere pro lubitu atque recludere potest, abscondit, donec eos adultiores ac grandiores mater abigat. *Nintipolongam* dictam serpentem videmus in tab. XXXVII elegantissimam, marmorei coloris, et

*Ammo-*



*Ammoditem*, quam diuino cultu ethnicae gentes colunt, praecedens tab. monstrat. Varias reperies sexu aliisue qualitatibus distinctas species *Myrmecophagae* vel *Tamanduae* qui aliis *Coaty*, *formica leo*, *formica vulpes*, *formica lupus*, *myrmico leo* dicitur, quorum maximum habet Tab. XL. *Armodili* duas species adfert, aliam scutatam vel scutiferam, Tab. XXXVIII aliam squamis tectam, quam diabolum iauanicum vocat Tab. LIV. Glirium, sciurorum, canium, felium volitantium et ad latus membranaceis expansionibus inter pedes anteriores et posteriores instructorum, quibus alarum loco vtantur, magna copia exstat in tabulis a LV ad LVIII eo forsan animo ab Auctore adductorum, vt faciliior sit ad auium classes, quae sequuntur, transgressus. Monemus tamen omnia haec animalcula vespertiones nobis ex mammarum praesentia videri. Avis *Kakatoeha* dicta eleganti forma praedita in Tab. LIX agmen ducit, cui succedunt ad tab. vsque LXVIII paradisiacarum, ardearum, fringillarum, psittacorum aliarumque magna satis copia. *Phoenixopteri* figuram monstrat Tab. LXVII. Nidos auium mexicanarum pendulos varia figura, multa arte constructos et *colubridis* cum araneae ipsi infensissimae historiam vltima auium tabula exhibet, a qua insectorum, amphibiorum, aquatiliu potissimum animalium series inchoatur. Longus est in ranarum adducendis speciebus, e quarum numero adduci merentur *rana piscatrix* americana, quam pro vero pisce habendam censemus, et *Bufo virginianus cornutus*, quem Tab. LXXII videmus depictum, ac *Pipa americana* ouarium suum in dorso gerens Tab. LXXVII. Fabulosa, certe recentiorum obseruationibus non vlterius comprobata sunt ea quae Cl. Auctor de metamorphosi ranarum Americanarum in pisces protulit Tab. LXXVIII ea autem, quae de ranarum nostratium genesi subtiliter

ac nitide exposuit, plenius nunc experimentis oculatissimi ROESELII sunt descripta. Sequuntur terrestrium marinarumque testudinum cum ouis ipsisque inclusis pullis icones, quibus succedunt lacertarum genera, quae coronidis loco huic tomo addita sunt. Primo inter ea conspiciuntur chameleontes varii, quorum methodum, muscas lingua eiaculata aucupandi, icone declarat. *Liguanae* struma insigni vel tumore maxillae inferiori adhaerente distinctae maxima comparet Tab. XCVIII. Offert Tab. C draconem dictum arboreum volantem, cucullum in occipite gerentem, basiliscum quem multi appellant, rarissimum animal a nemine descriptum. *Cordylus* vel *Caudiuerbera* maxima americana Tab. CI cernitur, ob caudae continuum motum ita nominata; ficta vero vel certe arte aemulata videtur *Hydra hamburgensis lernaea*, septem capitibus praedita, quam Tab. CII ostendit. Finem imponit huic volumini Crocodilorum descriptio, quorum ex ovo genesin multamque varietatem affabre depinxit, ac eos ob maxillae inferioris immobilitatem, quae sterno accreta est, falso ad lacertas ab auctoribus zoologis relatos esse affirmat.

Alter Tomus sistit Serpentologiam maxima ex parte absolutam, et tam sculpturae magnificentia, quam descriptionum soliditate maxime commendabilem. Difficilimi fuisse negotii, Cl. SEBA asserit, conquirere ac colligere tot tantaque naturae prodigiosa portenta, eorumque historiam, affectiones variumque ingenium debita inuestigare attentione. Non solum enim, quae Europae regiones proferunt, Serpentum, Viperarum, Lacertarum genera studiose congerere ac viuis imaginibus depingere curauit, sed ea quoque, quae in ceteris telluris partibus occurrunt, nullis parcens sumtibus, obtinere allaborauit. Et his ipsis, quas summa cura niti-

dissimas



diffimas exhibet, ad naturalem habitum maxime compositis picturis effecit sane, vt placeant et arrideant omnibus bestiae, quae viuentes horrido suo aspectu cernentibus terrorem metumque iniicere merito suspicatur. Additas quod attinet animalculorum descriptiones, in iis conficiendis id sibi curae cordique duxit, vt structuram formaeque characteres ipse examinaret, de genio vero eorum ea, quae a testibus fide dignis acceperit, adferret et superstitiosis fabulosisque narratiunculis remotis, vera tantum ac naturae consentanea adduceret. De venenata serpentum indole, cuius suspicione non carent in vulgus, in praefamine suam sententiam ita exponit: *morsus, inquit, vel tum praecipue nocent, quando uncinatis suis dentibus acutissimis tendinem aut neruulum pungunt atque dilacerant; unde mox oritur inflammatio late proserpens.* Nec praetermisit scriptores zoologos tunc temporis bene meritos, ALDROVANDVM potissimum, sed consuluit eos, et quae certa, quae vtilia in iis reperit, ex iis depromere non erubuit; errores simul ab iis commissos omni fide indicans et, quantum fieri poterat, corrigens. Taxat et vituperat eos auctores, qui aequiuoco ac synonymico nomine serpentes reptilia dicunt, cum multas inueniamus ad reptentium classem referendas bestiolas, quas remotissimas a serpentum familia esse externus habitus abunde satis declarat. Vt statuta igitur sit ac constans vocum significatio, *serpentem* dicit *animal sanguineum ex ovo natum absque pedum adminiculo, vi sola costarum et transuersalium imi ventris squamarum reptitans, sese volutans, obtorqueus et prosiuens.* Reptentia vero vel reptilia nominat animalia quae quatuor pluribusue pedibus sese promouent, vti lacertae, salamandri, reliqua. Nec viperarum ac serpentum familiae, quanquam in summo genere, quod sint apoda, conueniant, confundendae erunt,

cum multa istas intercedat discrepantia. Ex ouis serpentes generantur, quae mater in terram arborumue caua reponit et quae deinceps incubatu folisue calore excluduntur, hinc ouipara animalia sunt. Similis quoque obseruatur generationis modus, in lacertis, salamandris, crocodilis, Iguana cet. Viperæ vero, viuos edunt foetus in vtero conceptos, qui in abdomine iam exclusi sensim sensimque prodeunt. Potest et ex eo quaedam differentia statui, quod viperæ mares testiculos habent extus conspicuos. Et capitis forma in viperis obtusior, in serpentibus acutior; præter ea serpentibus dentes nulli, hinc innoxie morficant, viperæ dentibus acutissimis vncinatis armatae. Quotannis vernatione funguntur serpentes et rugosam aetate pellem, fricando discissam inter vepres se torquendo, deponunt. Plurimas serpentum species ne minimum quidem noxae inferre, contra vulgi opinionem qua virosae creduntur, Noster adfirmat, quin imo prægrandes istas ac eximias, quibus insula Hispaniola tota repleta est, mites esse hominibusque nullo modo infestas contendit. Multum conueniunt cum serpentibus lacertae, quas non inepte serpentes dixeris quadrupedas. Est vtrisque eadem fere organorum structura, partiumque multarum idem vsus. Lingua vtrisque bifida, cuspidata; vtrisque tracheae hiatus supra linguam constitutus; deest vtrisque epiglottis vt tracheae canalis apertus ad pulmones descendat, ne in deglutitione magnarum offarum praefocarentur: ipse quoque corporis habitus, pedes si exceperis, conuenit. Magnam autem differentiam sceleti structura ostendit. Alias adhuc adfert Cl. Auctor discriminis notas vel a capitis forma ac coloribus, vel a sensuum organis deficientibus, imo ab interiorum partium qualitatibus desumi possent, quibus tamen vltius exponendis inhaerere non licet, cum et ab ipso

Auctore



Auctore breuissime tantum de iis sit expositum. Omnes has notas ipse neglexit, bene praeuidens quanta difficultate praematur ordo horum animalculorum systematicus. Hinc Europaeas, Asiaticas, Africanas et Americanas distinxit serpentes, quarum nos quasdam exempli loco commemorabimus.

Tab. I offert *scytalas* duas Africanas, ita ab antiquis nominatas, quoniam rigidae extensae baculum aemulantur: *amphisbenas* vel *caecilias*, oua serpentum cum incluso pullo cet.

Tab. III exhibetur in fig. 2 *dipsas* coerulea, quae morfu suo immanem fitim excitare solet.

Tab. VII repraesentat serpentem nitidissimis flosculorum formis pictam, *Iaculus* quae dicitur.

Tab. XII serpentem ostendit dormientem spirali tractu contortam: solent tum temporis ita procumbere, ut medium centrum caput, gyrum extremum cauda occupet, et hunc in modum per menses saepius, si scilicet pastu repletae sint, somnum protrahere eas Noster asserit.

Tab. XVII. *Serpens corallina amboinensis sedecim taeniis picta* conspicitur, lacertam seipsa vix minorem deglutire annititur, ut mirum videatur, quomodo sine suffocationis vel certe maxillarum luxationis periculo prae grande tale animal deglutiri possit.

Tab. XX. Salamandra Mexicana rarior strumosa. Struma haec scirrhusis tumoribus similis non conuenit cum strumis lacertarum reliquarum quae saccum vel ingluuiem non tumorem sistunt.

Tab. XXX. *Corallina Amboinensis Bitin* IONSTONII, Horrida ac furibunda aspectu, cauda breuissima, crassa, obtusa.

Tab. XL. Curiosum serpentis genus depingitur, quod ipsi *Anguigena* dicitur, vel *anguilla marina tigrina*; corneum rostrum, auium rostri ad

instar protensum, pinnasque in vtraque maxilla gerens.

Tab. XLI. Serpens *Boiobi* s. *coronata*, Lusitanis *Cobra verde* dicta: rara, capite nigro, in cuius occipite sublutea corona fulget.

Tab. L. Viperarum maxima, in arenis habitans, hinc *ammodytes* appellata: LIV *anguis Aesculapii* depicta cernitur.

Tab. LXXXV. Serpentem sistit conspicillo insignitam, cuius aliam speciem collo inflato ac tumido habet Tab. XCVII.

Tab. XCV seqq. *Crotalophorae* vel *Caudisonae* multas species sistit.

Tab. CIII. Salamandra rarissima asteriis picta, *caudiuerbera* vel *cordylus* dicta; cauda vtrinque latis pinnis rubicundis stipata cernitur.

Tab. CIV. Rex serpentum *Lamanda* dictus. rarissimus, elegantissimus omniumque maximus. Pauca haec sufficiant, quis enim auferit arctis recensionis limitibus coercere tantum tot insignium rerum apparatus.

Addit Cl. Auctor Tab. CVI seqq. anatomicam serpentum considerationem, earumque sceleton, atque exuuias, viscera ac intestina describit ac depingit. Lingua bifida in apicem protensa reconditur in peculiari vagina. Epiglottis nulla. Ventriculis ingluuiei continuatio esse videtur. Maribus serpentibus testiculi in abdomine latent, viperis extra illud propendent. Femellarum ouaria eodem, quo marium testes, loco constituta, parturitionis tempore miro ouorum repleta sunt numero. Subiungit ob rei similitudinem in Tab. CX crocodili et salamandrae *Gekko* dictae anatomen; et varias curiosas satis de calculis animantium observationes adspersit a Tab. CXI ad finem vsque.

Tertius



Tertius nunc tandem prodiit Tomus, qui quidem ex ipsius Cl. Auctoris promisso metalla ac fossilia comprehendere deberet, effecit vero musei opulentia, vt ob rerum, qua affluebat, vbertatem tabularum numerus longe vltra terminum prioribus tomis constitutum increfceret. Lapideum igitur regnum et eorum, quae huc pertinent, descriptiones ac icones ad quartum Volumen, postremum quod fore spondent, reseruarunt Cl. Editores, ne tabularum numero et voluminis mole hic tomus a praecedentibus nimium differat. Congestae iam ab ipso Cl. SEBA fuerant, quae ad hunc quartumque tomum perficiendum requirebantur annotationes ac obseruationes, plerasque etiam, quae ad eas illustrandas spectabant, icones aeri iam incidendas ipse curauerat, quin magna satis pars operis iam typis excusa erat, cum morte e vita ereptus ad finem perducere inceptum opus non poterat. Non est, quod fastidiose querantur lectores de serotina ac in longum protracta huius tomi editione, cum materiei amplitudo, elegantia atque varietas longam expectationem large satis compenset. Comparent vero in hoc volumine primo loco a Tab. I ad IX zoophytorum multa genera, *loligines*, *sepiae*, *stellae marinae*, *capita medusae*, *polypi*, *pennae marinae* cet. inter quae prae aliis elegantia ac magnitudine eminet loliginis species maxima Tab. IV depicta, quae *lolium* quibusdam ideo dicta fuit, quia cauda in acumen definit.

Excipiunt *Echini marini* hoc genus zoophytorum, quorum longum catalogum miramque varietatem offerunt Tab. X ad XV. Immixtam ipsis videbis Tab. XI fig. I iconem nitidissimi capitis medusae, *Solem marinum* quod nominat Noster. Sequuntur a tabula XVI ad XXII marina animalia tenuiore crusta ac molliore praedita: *Conchae anatiferae* ramosae fistulis longis concretae, laeues

fistulis breuissimis coalitae et coronariae, quas vulgus serpentum coronas appellat; *penicillorum* quoque diuersae species Tab. XVI depinguntur.

Cancrī, astaci, gammari, squillae marinae seqq. tabb. continentur, qui mire et coloribus testarum et totius corporis sui structura variant oculosque delectant.

*Piscium* tum ordines exhibentur a Tab. XXIII ad XXXIV. Quam quidem operis partem eo cariorem fore lectoribus cum editore et nos confidimus, quia descriptiones piscium, quas adductas inuenimus, tantum non omnes celebri Ichthyologo ARTEDIO debentur, qui per constantes ac certos characteres, nominaque, rite imposita genera horum animalium diuersa in ordinem aptum disposuit ac distinxit. *Histicem marinum* siue orbem echinatum americanum videmus Tab. XXIII. *Ostracia angulata*, vario angulorum numero insignia exhibentur in Tab. XXIV, quibus interdum in capite et ventre prominent aculei. Subsequitur *Chaetodonum* magna varietas. *Pentanemi*, a quinquelongissimis filis, quibus ab inferiori parte pinnarum pectoralium instructus est, ita nominati figura in Tab. XXVIII fig. 2 exstat. *Scombri*, *Cotti*, *Myssi*, *Gobii*, *Blennii*, *Labri* multae species descriptae occurrunt. His ab ipso Cl. SEBA descriptis addidit Editor icones adhuc varias, quibus species quasdam *Carrapi*, *gymnotum*, ob dorsum pinnis nudum, ARTE-  
DIO vocat, delineat, in tab. XXXII. Vltima piscium tabula praeter *Squalum naribus ori proximis*, *foraminibus pone oculos*, *spiraculis utrinque apertis*, *cauda longissima*; variasque alias species habet *torpedinem* vel *gymnotum nigricantem*, *capite plagioplateo*, *cauda curta*, *obtusa*. Omnem piscium agmen claudit singularis quaedam species ab ARTEDIO nominata quidem, verum non descripta, *Anableps* quae dicitur, lineis quatuor longitudinalibus ad vtrumque latus,  
pro-



processu tubulato ad pinnam ani. Consultissimus GRONOVIVS eam descripsit in museo ichthyologico ac delineavit, cum tamen varia de illa dicenda omiserit notatu omnino digna, longa descriptione et satis accurata hic ipsius mentio iniicitur, quam hic apponere ob rei dignitatem ac raritatem non dubitamus, vt simul Lectori copiam faciamus de praestantia descriptionum a Cl. Auctore appositarum iudicandi.

*Americae incola hic piscis in aquis Surinami et p. 108. Essequibo inuenitur. Incertum tamen dulces an salvas aquas habitat. Inter recentiores aequae ac veteres Ichthyographos nemo est, qui eius in scriptis suis ante Artedii mentionem fecerit. Hic autem, vt primum in museo Sebano conspexit, examinavitque, ad malacopterygios in opere suo ichthyologico retulit, ac singulare genus pro eodem constituit nomenque dedit pro more suo appropriatum a singulari oculorum situ, quo piscis iste a ceteris se distinguit, petito.*

Corpus inde a capite ad pinnam usque dorsalem, plagioplateum, paulatim teretem deinceps formam induit; dorso tamen magis in planum depresso, quam ventre, cuius maior aliqua conuexitas est. Squamae, uniuersum corpus tegentes, per ceruicem ad labia oris usque, inque ipsa branchiarum opercula sese diffundunt. Capitis vertex utcunque intropressus, utroque latere emittit orbitas duas osseas, sursum extuberantes, squamosas, oculis continendis dicatas. Labia, squamis nuda, acutis denticulis instructa, vi suorum muscutorum pro lubitu piscis sub anteriore parte palati recondi possunt. Pisce resupinato diceret ex angulis labiorum minutos propendere duos circulos, qui tamen rite examinati non sunt, nisi laxiores plicae eius membranae, quae commissuram labiorum efformat. Dorsum ex fusco nigricat; venter ex albido flauescit: latera, vt huic illiue propius accedunt, alterutrius etiam colore tinguntur, insuperque quatuor monstrant lineas nigrescentes, quae



quae a pectore, secundum piscis longitudinem, parallelo ductu ad caudam usque protensae, huius in radice evanescent. Caput superne fuscum, ad latera ex flavo resplendet. Oculi ex flavo nitentibus globulis similes, orbitis saturate fuscis insident. Pinnae septem numerantur, una dorsalis; pectorales duae; duae ventrales; pro pinna ani processus tubiformis, ac denique cauda pinnata. Dorsi pinna, ab occipite quatuor unciarum intervallo dissita, caudae hinc multo, quam capiti, propior, officulis constat septem, primo simplice, reliquis ramosis. Pectorales pinnae; sesqui lineae distantia ab operculis oriundae, grandes, officulorum sunt 22, primo excepto, ramosorum. Pinnae ventrales, in media fere piscis longitudine sitae, sex gaudent officulis, quorum prius simplex, cetera diuisa. Pinna ani, tribus instructa officulis, indiuisis, aculeatis, oblongo, tereti, membri genitalis fere aemulo, innititur tubulo proxime pone anum emergenti. Cauda rotundo ambitu in ventilabri formam expansilis, 24 officulis constat ramosis, apparatu squameo prope ad mediam usque longitudinem suam contectis.

Atque haec generatim de pisce isto dicta sufficiant. Supereft, ut binae partes perquam singulares, quas sibi proprias hoc animal habet, oculi nimirum ac tubiformis pone anum processus, paulo accuratius exponantur. Posterior certe cum in pisce Gronouiano desit, describi quoque ab Auctore non potuit. Nec vereor dicere, oculos etiam nondum cum cura examinatos proflare. Etenim ARTEDIUS, qui primus nomen pisci a visu sursum directo dedit, existimasse videtur, eo quod globi oculorum sursum valde extuberent, eadem directione visionem quoque a pisce exerceri. GRONOVIVS autem, ARTEDIUM sequutus, notata saltem oculorum de summo capite existentia absque ulteriore indagine, acquieuit. Vnde operae pretium fuerit hoc loco superaddere, quae diligentiore contemplatione istarum partium detegere licuit.

Ad



*Ad latera frontis, primo intuitu, comparent tubera duo, ossea, squamis vestita, interiore praesertim facie, qua sese mutuo respiciunt, hemisphaerica. Has orbitas recte dixeris, eo quod oculos contineant, qui, forma globi, cauo suae quisque orbitae ita insident, ut media fere parte recondantur, altera parte media insigniter protuberent, nequaquam tamen sursum verticaliter directi, sed extrorsum lateraliter. Pars ista globi oculi protuberans duabus constat tunicis corneis, quarum altera ad inferiorem, altera ad superiorem orbitae osseae marginem adnascitur, singulae autem, extrorsum convexae, quartam sphaerae partem aequantes, qua sese mutuo in medio contingunt, interuentu chordulae nigricantis, veluti tendineae, inter se colligantur, sicque uniuersum, quod modo dixi, tuber haemisphaericum constituunt. Extimae istae tunicae admodum diaphanae sunt, ut prope per eas omnem oculi fabricam interiore distinguere liceat. Quodsi superiorem corneam de orbita ac de inferiori cornea resecas, subtus conspicuum se dat globulus flauescens durus, lenti crystallinae piscium coctu induratae similis, qui et ipse spiritu, quo conseruatus fuit piscis ita induruisse videtur. Iste globulus cum per corneam superiorem admodum distincte transpareat, ARTEDIO forte imposuit, ut crederet, oculum sursum versum esse. Verum tamen aperta cornea inferiore, omnis statim euanescit istius opinionis probabilitas. Etenim pone inferius hoc corneae segmentum mox conspicitur membranula, quae, intermediae cornearum chordulae adnata, utcumque conuexa, introrsum sese usque ad fundum oculi protendit, distans aliquantum ab interna superficie corneae, cui subiacet, et cum hac veluti anteriorem oculi cameram efformans. Quin et in medio interioris huius membranulae circulare foramen, quae pupilla est, patet, argentei nitoris margine simbrium, auersa facie, interuentu tenuis membranulae, cum supra memorato globulo coniunctum; Vnde fit, ut, cum per corneam superiorem introspecis, globulum pupillae insidere*



*insidere videas. Quae si quis accurate perpendit, ei manifestum esse debet, longe abesse, ut oculus iste sursum perpetuo directus dici possit. Imo vero valida eius ad orbitam suam adhaesio ne permittit quidem, ut unquam sursum conuertatur. Ipsa quoque orbita ita posita est, ut fere lineae latitudine a perpendicularo verticis extrorsum declinet. Elucescit itaque, omnia hic eum in modum comparata esse, ut non nisi visus obiectorum, quae a latere et infra sunt, concedatur. Haetenus Noster.*

Post tantum mirabilium animantium numerum offertur longa series corporum naturalium colorum elegantia, picturae varietate, structurae regularitate conspicuorum, conchyliorum nimirum. De quibus tamen plura hic commemorare non iuuabit, cum nullo habito ordine descripta ac congesta, atque eiusmodi nominibus a Cl. SEBA insignita fuerint, quae tunc temporis, cum viueret, usu erant recepta. Dolemus tamen in descriptionum confectione id non praestitum esse ab Editore, cum ea omnino nostri seculi sit felicitas, ut abundet systematicis conchyliorum apparatus ordinantibus; id tamen grati agnoscimus, eum nomina nunc vsualia indici indidisse, quam praefationi subnexam videmus. Sufficiat igitur monuisse omnem fere conchyliorum supellectilem in his paginis et iconibus contentam esse, *nautilus, volutas, Strombos, buccina, trochos, porcellanas murices, purpuras, pectines*, aliasque bivalues multas ac raras, *tubulosque* varietate specierum insignes: miramur tamen simul varias deesse conchas, quas ad rariores illa, in qua degebat Noster, aetas referre consueuerat.

Toti operi huic vastissimo ac splendido finem imponunt figurae plantarum marinarum nitidissimae a Tab. XCV ad finem vsque, quae *alcyoniorum, spongiarum, algarum, corallodendri, fucorum, ceratophytorum, madreporarum* cet. mira ac elegantissima exempla



exempla ostendunt. Haec de contentis aequae ac aliis eximii huius operis conditionibus dicta sufficiant, cuius quartum tomum, qui, praeter insecta, res fossiles petrificatas variosque lapides ac metalla complectetur, quam proxime proditurum spondet in praefamine Cl. Editor, quem Cl. GAVBIVM esse ab aliis accepimus.

VII.

*Betrachtung der versteinerten Seesterne und ihrer Theile. Abgefaßt von CHRISTIAN FRIEDRICH SCHVLTZEN. Med. Baccalaur. Nebst einigen Kupferblättern. Warschau und Dresden, 1760. 4 pl. 8 tabb. aen. 3.*

i. e.

Descriptio stellarum marinarum in lapidem mutatarum earumque partium, Auctore CHRISTIANO FRIDERICO SCHVLTZIO.

**I**lla prae reliquis in mineralogia pars, quae petrefacta corpora describit, multis premitur difficultatibus. Occurrunt nimirum in ea multa corpora, quae, quamvis organicam figuram probe ostendant, ita tamen figurata videntur, ut ne coniectura quidem effingi possit, cuinam corpori formam suam debeant. Aliorum archetypus rarissime tantum conspicitur, aliorum nunquam visus prorsus incognitus deprehenditur. Iure meritoque annumerantur prioribus trochitae, entrochi, asteriae. Horum igitur disquisitionem suscepit Cl. Auctor, et ea ratione illam tractavit, ut primo loco veram historiam vel descriptionem figurae praemiserit et tunc varia ad physicam eorum cognitionem originemque

nemque eruendam spectantia adtulerit. Opiniones variorum auctorum celebrium de hisce petrefactis recenset, et quid de eorum ortu perhibuerint allegat prius, quam ea adferat, quae ipsi Cl. Auctori de iis innotuerint.

Trochi vel trochitae appellantur corpuscula fossilia orbiculata, quorum vtraque superficies tam superior quam inferior vel striis vel stellae imagine picta conspicitur. Et altitudine et diametri longitudine mire a se inuicem discrepant, vt plurimum tamen ratio altitudinis ad diametrum est, vt 4 ad 5. Massa earum est verum spathum alcalinum, cuius lamellae cum trochitarum lateribus angulum formant acutum: hinc trochitae nunquam in lamellas orbiculares, sed in rhomboidea frustula disiliunt. Color vel albicans, vel flauescens, vel griseus, vel coeruleescens, rarissime rubescens vel viridescens est, et ab ipsa, cui insunt, matrice ipsis conciliari videtur. Varietates earum non tantum a superficialium pictura, sed et a centri variisque laterum proprietatibus definiuntur. In permultis locis haec petrefacta effodiuntur, de quibus longum catalogum Cl. Auctor adfert, et simul monet, iis interdum p. 7. nomen *nummulum* St. Bonifacii vulgo tribui. Asteriae dicuntur corpora petrefacta plana, angulosa, in vtraque superficie stellae imaginem referentia. Maxima, quae vidit Cl. Auctor, latitudine sua tertiam pollicis partem, crassitie vero vix eius octauam partem aequabant. Colore luteolo, griseo, coeruleacente differunt; reliqua fere omnia cum trochitis communia habent. Ab angulorum numero et figura varietates determinantur.

Ab hisce asteriis probe distinguendas esse monet *astroitas*, quae madreporas in lapidem mutatas sistunt, et *asteriam* vel *astrion* PLINII, quem *astrobolum* AGRICOLA nominat, et qui ad crystallo- rum genus vel et ad opalum referri meretur.

Ex



Ex trochitis sibi impositis ac concretis componun- p. 10.  
tur *Entrochi* vel *Entrochitae*; ex asteriis eadem me-  
thodo conglutinat *asteriae columnares*, quorum  
omnium differentiam ac diuisionem vel a figura vel  
a combinationis modo desumptam, variis aliis addi-  
tis proprietatibus, Cl. SCHULTZIVS enumerat,  
quarum vnam tantum adducere iuuabit, quod alii  
*Entrochi cylindrum*, alii *conum* forment. Rarissi-  
mam speciem efficiunt *Entrochi ramosi*, quorum  
BEAUMONT meminit, et quorum exemplum e-  
Musaeo regio depromptum Cl. Auctor aeri incidi  
curauit.

Multum conueniunt cum *Entrochis lapides* sic dicti  
*trochleati* (*Schraubensteine*) ex discis striatis sibi incum-  
bentibus formati. Falso ipsis tribuitur modo dictum  
nomen cum eorum depressiones non continuo ac  
spirali ductu prorepant, sed singula earum gyrum  
aut circulum constituat. Reperiuntur tales lapi-  
des in lapide martiali fusco circa *Hüttenrodam* in  
principatu Blanckenburgensi. Materies earum  
eadem est ac illa matricis, in qua delitescunt; ferrea  
nimirum fusca. Transiit in centro omnem eiusmodi  
columnam canaliculus, qui interdum cauus adhuc,  
interdum repletus, ita tamen vt a reliqua massa in-  
ternosci queat, cernitur. Coniungitur columna  
talis in utroque fine cum materia matricis, latera  
vero non cum eadem cohaerent, sed vacuum quod-  
dam spatium ibidem relinquitur. Variant et cras-  
sitie et longitudine et discorum seu lamellarum  
numero. Alunt magnam similitudinem cum hisce  
descriptis lapidibus *tubuli concamerati, circulis asperis* p. 20.  
KLEINII petrefacti et martiali materia impraegnati.  
Discrepant autem in eo, quod hi conici, illi vero  
cylindracei sint, atque in his canaliculus supra  
dictus, siphunculus qui appellari consuevit, non  
in medio, sed in margine, transcurrat; hinc peri-  
Tom. X. Pars I. E pheria

phera eorum non exacte circularis, sed in loco quodam leni fissura vel excissione notata.

Ob quandam, exiguam certo, formae analogiam, qua lilii contractum florem aemulari visum fuit corpus quoddam petrefactum *Encrinum* appellarunt auctores mineralogici. Tantum tamen abest, ut lilium sit in petram mutatum, ut potius primo intuitu iamiam quilibet, quamvis harum rerum prorsus ignarus, dissimilitudinem ac discrepantiam duorum horum corporum detegere possit. Tres partes, ut facilior sit descriptio, distinguit Noster in encrino, primam *corollam*, alteram *lapidem articulare*m, tertiam *petiolum* nominat. *Corolla* ex octo, decem vel duodecim radiis componitur qui plerumque contracti, interdum tamen expansi, uti in figura aenea ostenditur, conspiciuntur. Ea pars, quae corollam cum petiolo iungit, *articularis lapis* Auctori dicitur. Gaudet iste ut plurimum figura quinquangulari; hinc *pentagonum* a multis auctoribus nominatur, nec tamen desunt exempla huius corporis hexangularis; hinc *hexagoni* appellati, ex iis encrinis desumpti, qui duodecim ramos vel radios corollae habent. *Caryophyllum lapideum* partem huius articuli esse, ROSINI forsan auctoritate seductus, Noster coniicit, quam opinionem ex eo confirmari putat, quod interdum *caryophylli lapidei* inueniantur quibus articuli quidam lapidei adhaerescant. *Petiulus* ex trochitis concretis componitur ea ratione, ut in media parte trochitae unius eiusdem crassitiei et latitudinis, in superiori vero parte variae magnitudinis cernantur. Longitudine mirum in modum variat petiulus, interdum ad octodecim p. 24. pollices et ultra extensus. Materia Encrini eadem est, quae supra descriptarum glebarum spathoso nimirum alcalina. Effodiuntur in iis locis, in quibus dicta haec petrefacta comparent, interdum informes quaedam massae lapideae, eminentiis ex trochitis



chitis compositis insignitae; quas pro infima parte encrinorum petioli Noster habet. Materia vel matrix horum petrificatorum corporum non eadem, sed calcareus interdum lapis, interdum arenarius, interdum fissilis, quin imo corneus, achatem quem vocant, ipsis refertus deprehenditur. In ducatu Wurtenbergico copiose fissili gryseo vel cinereo insunt, encrini vti Cl. HIEMER descripsit sub nomine capitis medusae, a quo tamen et ob petioli praesentiam, et ramorum non sub angulo acuto diuisione differre iure Noster monet. Refert et huc Cl. Auctor eam achatae speciem, quae circa Chemnitzium eruitur, ob stellas, quibus picta est lapis stellaris, nominatam.

Expositis hac ratione characteribus externis p. 29. harum glebarum, de origine earum detegenda sollicitus, duplicem quaestionem mouet, cuinam nimirum corpori naturali ortum suum debeant? et alteram, num lapides trochleati sint species trochitarum? In omnibus naturae regnis nullum exstat cognitum huc vsque corpus, quod maiorem ostendat cum Encrino conuenientiam, quam zoophytum a b. MYLIO descriptum ac depictum. Est enim ipsi pars superior corollae florum similis, grenis ac incisionibus variis vti encrinus insignita, et in radios diuisa; nec deest petiolus, e frustulis, quibusdam speciebus trochitarum similibus, compositus. Ad stellas marinas petiolatas retulit hoc corpus b. MYLIVS, ad polyporum classem Cl. ELLIS. Analogi huic zoophyto videntur ea, quae OLAVS MAGNVS et GRIFFITH HVGVES descripserunt.

Dubium videri posset ob varias causas, num lapides trochleati trochitarum species constituent? Remouere tamen annititur Cl. Auctor quaeuis argumenta, quae hanc dubitationem excitare valent et commonstrat, esse hos lapides nucleos in trochita- p. 37. rum cauis formatos, trochitarumque massam per

mineralisationem esse destructam, hinc vacuum hocce spatium inter columnas atque matricem. Commemorat quoque lapides arenarios cylindricos ab HENCKELIO iam descriptos, quos etiam pro petrefactis ad hanc classem referendis habet.

p. 46. Accedit tandem ad Stellae marinas nullo petiolo praeditas, sed libere semouentes, quae inter petrefacta interdum occurrunt: quarum classes ac ordines sequentem in modum determinat:

- p. 49.                      Stellae marinae sunt
- |   |  |
|---|--|
| <p>A. Fissae.</p> <p>I. oligactae.</p> <p>    a) trisaetae.</p> <p>    b) tetraetae.</p> <p>        <math>\alpha</math>) falcatae.</p> <p>        <math>\beta</math>) cruciatae.</p> <p>        <math>\gamma</math>) petaloides.</p> <p>II. quinquefidae.</p> <p>    a) pentagonaster reg.</p> <p>    b) pentagonaster semilunatus.</p> <p>    c) pentaceros.</p> <p>    d) astropecten.</p> <p>        <math>\alpha</math>) regularis.</p> <p>        <math>\beta</math>) irregularis.</p> <p>    e) palmipes.</p> <p>    f) coriaceae.</p> <p>        <math>\alpha</math>) obtusangulae.</p> <p>        <math>\beta</math>) acutangulae.</p> <p>        <math>\gamma</math>) pentapetalae.</p> <p>    g) fol marinus.</p> <p>    h) pentadaetylus.</p> <p>III. multifidae.</p> <p>    a) hexactis.</p> <p>    b) heptactis.</p> <p>    c) octactis.</p> <p>    d) enneactis.</p> <p>    e) decaetis.</p> <p>    f) dodecaetis.</p> <p>    g) triscaedecaetis.</p> | <p>B. Integrae.</p> <p>I. Vermiformes.</p> <p>    a) lumbricales.</p> <p>        <math>\alpha</math>) corpore sphaeroideo.</p> <p>            1) lacertosae.</p> <p>            2) longicaudae.</p> <p>    <math>\beta</math>) corpore pentagono lunato.</p> <p>    b) scolopendroides.</p> <p>        <math>\alpha</math>) corpore rotundo.</p> <p>        <math>\beta</math>) corpore pentagono.</p> <p>        <math>\gamma</math>) corpore florido.</p> <p>II. crinitae f. comatae.</p> <p>    a) decacnimos</p> <p>    b) triscaedecacnimos.</p> <p>    c) polycacnimos.</p> <p>    d) caput medusae.</p> <p>        <math>\alpha</math>) arachnoides.</p> <p>        <math>\beta</math>) costosum.</p> <p>        <math>\gamma</math>) scutatum.</p> |
|---|--|



Ex hisce in ordinem digestis stellae variae in lapideam massam mutatae occurrunt. Commemorat Cl. Auctor *astropectinem regularem et pentagonasterem semilunatum*, vtrumque lapidi arenario Pirnaensi impactum, eiusdemque speciei quaedam indiuidua in lapide corneo interdum se vidisse affirmat. Integrarum multas offert fissilis calcareus Pappenheimensis, quas pro araneis petrifactis habent plures scriptores. Capitis medusae arachnoidei et integri et in partes discerpti inveniuntur exempla prope *Dölschen* in valle Plauensi ochrae martiali induratae inhaerentia. In ultimo tandem paragrapho, omnium p. 58. horum petrefactorum corporum, quae in his pagellis descripsit, apparatus in ordinem cogit systematicum, cuius rationem sequens tabula monstrat:

Stellae marinae fossiles sunt

A. Petiolo affixae

1) articuli singuli.

a) orbiculares, *trochitae*.

b) angulosi, *asteriae*.

2) petiolus.

a) cylindraceus, *Entrochi*.

b) angulosus, *asteriae columnares*.

3) Encrinus integer.

α) corolla.

β) articularis lapis.

γ) petiolus.

δ) pars inferior informis.

B. Liberae, quae radiorum numero et qualitate diuiduntur.

Singulae Classi addendi erunt nuclei vel metrolithi, in cauis horum corporum formati; eaeque partes, quae vel martiali vel pyritacea massa refertae sunt, alio loco inter mineras collocandae erunt.

VIII.

Expositio characteristica structurae florum, qui dicuntur compositi, quam cum figuris, ad naturam expressis, eruditorum examini submittit IOANNES LE FRANCO VAN BERKHEY. Lugduno - Batauus. Lugd. Bat. apud Pètr. van der Eyk, 1760. 4. pl. 20 tab. aen. 9.

**I**n compositarum plantarum dispositione accuratius digerenda non VAILLANTIVS tantum et PONTEDERA multum adhibuerunt studii, sed recentissimi etiam botanicorum adhuc defudant; quum vero copiosa admodum illarum exempla esse voluerit natura, characteres etiam non pauci ad distinctionem faciendam requiruntur, quos itaque Cl. Auctor nunc singulari cum attentione peruestigans, concinno non tantum ordine explicare, sed etiam idoneis et elegantibus propria manu delineatis illustrare iconibus annisus est. Omnis in viginti quatuor capita diuiditur tractatio. Primo itaque loco compositae classis nomen definitur sic, vt tandem  
p. 4 ex Cl. LINNAEI, ROYENI, BOERHAAVII, definitionibus inter se collatis, *compositus flos* sit ille, *qui ex multis flosculis monopetalis, suo quoque proprio ovario innatis, proprio pistillo antheras in cylindrum coalitas perforans, in uno receptaculo communi est compositus.* Hinc aggregatas BOERHAAVII, vtpote antheras non connatos gerentes, et monogamos LINNAEI, simplices flores habentes, ab his excludit Noster, atque vltioris disquisitionis fundamento characterem, a Cl. ROYENO datum, classificum proponit.

**P. 7.** Occurrit in hoc *calyx communis multiflorus*, qui secundo capite peruestigatur, seu talis, qui in sua basi, foliis vel squamis calycinis circumdata, multos flosculos



flosculos recipit, exempla ex Hypochaeride, Osteospermo et Carthamo desumta, in figuris nitidissimis exprimuntur, iterumque Lobeliae specimine probatur, monogamas huc non pertinere. Calyx autem structura differt, atque simplex, imbricatus, vel auctus esse deprehenditur. *Simplex* p. 16. ex Tagete demonstratur, *imbricatus*, squamas suas ex interiore disci margine crescentes recipit, easdemque alternatim minores obtegunt: specimen ex centaureae specie datur: In hieracio hedyphnoide LINN. medium inter imbricatum et auctum calycem describit Noster, qui calyx auctus, in capite p. 19. quinto consideratus, ea propter auctus appellatur, quod ad basin calycis communis squamulae quaedam vel foliola accedunt, quare etiam eundem *duplicatum*, *calyculatum* et *simplicem basi imbricatum* compellari posse credit, exemplis calycum Coreopsidis, Senecionisque suam definitionem illustrans. Varias sunt praeter has, licet iam dictas primarias iudicantur, calycum denominationes, quarum aliae synonymicae sunt, aliae ex squamarum, calycem componentium, habitu et figura desumuntur, his considerandis destinatum est caput sextum et tabula secunda, in qua nitide triginta et unum genus squamarum differentium sistitur. Singulus porro flosculus in compositis calycem pro p. 31. prium habet, seu partem aliquam, quae inter summitatem seminis et finem tubi inuenitur, aliquando distinctis foliolis constat, aliquando pappus est, aliquando utrumque adesse videmus, quae cuncta multa iterum per exempla corroborantur.

Corolla deinde varia, ut calyx, modo discrepat, p. 34. et composita est vel propria, composita omnes in communi receptaculo contentas corollas complectitur, et est vel imbricata, plana, uniformis, difformis tubulata, radiata, globosa, ut in Echinope. Propria autem monopetala est, vel *tubulosa*, quae p. 38. tubum

tubum longum, limbum campanulatum, quinquefidum, laciniis patentibus ostendit, vel *ligulata*, limbo separato, expanso instructa, cuius et prioris variae species describuntur et delineantur, vel *tubo destituitur*, vt in tussilaginis quadam specie.

p. 51. Distinguit etiam flos compositus se ab omnibus per stamina, quae ex corollulae collo proueniunt, filamenta capillaria atque breuissima, libera sunt, antherae in cylindrum coalescunt, singulis ad latera sibi applicatis, et cylindrum quinquedentatum efformantibus. Inter has foramen siue os superest, per quod stylus transit, differentiae autem ligulorum et tubulorum florum hic studiose explicantur.

p. 56. Pistillum deinde, ceu alter sexus, tribus constans partibus, germine, stilo et stigmate, in germine characterem classis habet, quod flosculi receptaculo sit subiectum. Stilus, respectu decursus staminibus longitudine par est, intuitu autem insertionis longior, sed dum ille antherarum cylindrum perforat, stigmata adhuc coniuncta habet, tunc demum a se inuicem secedentia, quando ad summum antherarum cylindri deuenerint. Pauciora autem exempla sunt, vt in othonna et hermaphroditi silphii flosculis, vbi stigma simplex conspicitur, in reliquis vix non omnibus bifidum apparet, et diuisiones patentes reflectuntur, quae autem in hac re diuersitates occurrunt, omnes accurate deline-

p. 71. antur describunturque. Pericarpium semina nullum habent, licet enim calycis foliola squamae et paleae receptaculi eadem contineant, et crusta coriacea semina obuoluantur, verum tamen pericarpium illa dici nequit.

p. 74. Ipsa deinde semina plerumque oblonga sunt, aliquando aliam figuram habent, et hinc duo genera constituit Cl. Auctor, vel enim vna eademque forma in thalamo inueniuntur, vel in hermaphroditi,



ditis, femineis et neutris differunt, huius rei iterum multa exempla delineata descriptaque extant. Semina autem coronantur pappo, quo illa volitant, p. 90. et radios faciunt, simplices, radiatos vel ramosos (licet pappi nomen aliquando aliter interpretari soleant) instructos pappis sessilibus aut stipitatis. Sed aliam coronam semina habent, quae perian- p. 96. thium est, quo nomine Nostro venit vestigium proprii calycis, siue hic e pappo siue e sessilibus foliolis confiterit, exemplum ex Arctotide desumptum rem declarat, quod, ubi tam exiguum est, ut p. 100. aegre animaduertatur, dicitur semen corona destitui. Dum ad maturitatem deueniunt haec semina, receptaculo nouam quandam faciem dant, ut itaque possit illud seminibus coronatum corona composita stipitata, sessilis vel nuda vocari et semina explodere, quae itaque explosio per pappos fit vel per simpliciter decidentia terraeque se infingentia semina. Haec in receptaculo communi deprehendenda, ceu p. 111. disco, variam figuram et formam, nec non superficiem nudam, villosam, vel paleaceam habent et distinguuntur.

Ex his etiam ordines plantarum compositarum, p. 129. quorum quatuor sistit Cl. ROYENVS, intelliguntur, in quibus ad formam et componendi modum corollarum respicitur, de quibus et Ill. LINNAEI ordinibus vltimis differitur capitibus. In his autem aequae ac praecedentibus tractationis sectionibus dicta et diuersitates per egregias, numerosas et adaptatas delineationes omnia illustrantur, ita, ut commendanda maxime sit Cl. Auctoris industria, et elegantem in Cl. ROYENI de plantis compositis definitionem exhibeat commentarium, ex qua discen- tes discrepantias naturae perspicere et ex difficilis classis tricis se expedire possint.

IX.

De diuisione animalium generali praefatus ad  
solemnia magistrorum creandorum inuitat  
IO. DANIEL TITIVS Math. Prof. Witeb.  
et collegii Philosophici Decanus, 1760.  
2 pl. 4to.

**A**utor in hoc schediasmate duplex propositum  
est exsecutus. Primo enim classes animalium  
ab ill. LINNAEO formatas corrigit, quaeque sibi  
in adhibitis animalium characteribus minus accurate  
exposita videntur, palam facit. Deinde, facem  
praeferente KLEINIO, distributionem animalium  
aliam suppeditat, cognitu admodum facilem. Quod  
ad primum attinet, nolumus in excerptis iis,  
quae Autor ad LINNAEI regnum animale modeste  
annotat, esse prolixiores. Sufficit nobis generatim  
indicasse, eum nunc distributionis a LINNAEO  
vsurpatae fundamentum aut penitus desiderare, aut  
reperire multiplex, varium et inconstans, nunc cha-  
racteribus ab ill. LINNAEO adhibitis denegare veri-  
tatem, amplitudinem, lucem; et peracta generali  
regni animalis Linnaeani contemplatione speciatim  
enarrare, quae modo in quadrupedum, modo in  
auium, modo in piscium, insectorum, vermium  
partitione inesse putet vitia. Quantum ad alterum,  
breuiter indicabimus, qua methodo Auctor in distri-  
buendis animalibus vsus sit. Haec nempe, motu  
suo a vegetabilibus aliisque rebus creatis differunt.  
Ergo motus id praecipuum esse videtur criterium,  
ad quod fieri eorundem dispositio debeat. Elementa,  
in quibus viuunt et mouentur animalia, duo Auctor  
constituit, aquam et terram. Nam quae supra  
aut subter terram viuunt, in aere simul viuunt et  
mouentur, adeoque nullum animal in aere viuit,  
quin



quin alio in elemento, vt plurimum, simul degat. Quo fit, vt aues volatu suo aera ferientes ad terrestria, et pisces in vnda respirantes ad animalia aquatilia referantur. Constitutis duobus generibus summis, tertium solet addi, amphibiorum, quod genus Auctor Noster amphibolon ait esse, neque nomine satis cognitum, de quo nemo habeat, vt adeo sollicitus sit. Caret caractere constanti et essentiali, neque geminum similiter victum in terris et aquis seruat, sed alterum semper prae altero naturae eius conuenientem, a quo denominandum atque partim ad terrestre animalium genus, partim ad aquatile referendum est. Interim in praesens amphibiorum classem Noster retinuit, non quod ignorabat eius ambiguitatem, sed quod arbitrabatur lectorem, si parum habet vtilitatis, facile eam in reliquas duas classes cogere posse. En vniuersalem animalium distributionem a Cl. Auctore propositam:

Animalia viuunt et mouentur I. vel in terra  
 1) pedibus solis, vt a) quadrupeda, pedibus nunc cheliferis, nunc digitatis; b) vt polypeda, scil. insecta pedata, 2) pedibus et alis a) pedibus binis, vt aues, pedibus nunc digitatis, nunc palmatis, b) pedibus quaternis, vt quadrupeda volantia, c) pedibus pluribus, vt insecta alata, alis membranaceis, alia diaphanis, suntque anelytra et coleoptera, alia obscuris et coloratis, vtpote papiliones; 3) musculis solis pedibus destituta, vt herpeta seu angues et vermes. II. vel in aqua  
 1) pinnis solis, vt pisces, spirantes nunc pulmonibus, nunc branchiis occultis, nunc branchiis apertis, 2) dermatum testis et valuis, vt ostroeci et ostracodermata, 3) motu indeterminato, vt plurimum non locali, qualia sunt zoophyta. III. vel vtrobique, 1) pedibus praecipue, a) duobus, b) qua-

b) quaternis, c) pluribus, 2) pedibus nullis, sed costarum musculorumque ope.

Per eam occasionem Auctor ad concelebrandam PHILIPPI MELANTHONIS, communis Germaniae Praeceptoris, et literarum bonarumque artium per vniuersam fere Europam restauratoris, memoriam inuitauit. Is enim ante CC annos, eo plane die, in quem solennitas creandorum Magistrorum incidebat Witebergae functus vita est; cuius adeo memoriam bifaecularem renouare ordo Philosophicus praeunte TITIO Nostro, in animum inducebat. In qua solennitate Collegii Decanus, TITIVS, orationem habuit *de meritis PHILIPPI MELANTHONIS in Physicam et Mathematicam*, quam postea in syllogen scriptorum celebrandi nominis Philippii causa publice propositorum, atque a se 12 plagulis in 4to editorum, p. 19-29 inferi curauit. In ea Auctor, quoad satis est, ostendit, quomodo faciem Physicae tum temporis tristissimam, MELANTHON nouo et prorsus singulari splendore ornauerit, docendo physicen accurate, componendo egregium physices systema, scribendo commentationes physicas alias de cathedra publica propositas, editasque postea sigillatim.

# X.

Vestigia fluxus et refluxus in mari baltico, praesertim ad vistulae ostium reteggit d. 19 April. 1760. Praeses IO. DAN. TITIVS, Respondente *Adolpho Iuliano Bose*. Witebergae, literis Schlomachii, in 4. pl. 4 $\frac{1}{2}$ .

Sunt, qui fluxum et refluxum in mari baltico prorsus negant, sunt alii, qui eundem in dubium vocant. Hunc adeo locum physicae intantum



Etum Auctor tetigit, atque ex observationibus Gedani per decennium super vicissitudine maris institutis luculenter effecit, aestum alternantem in baltico mari non solum dari, sed esse quoque satis sensibilem. Notum est, *NEVTONVM* maribus tantum apertis et magnis computum suum admo-uisse, eorumque in apricum deduxisse aestuationem; reliquis, clausis et minoribus, nempe caspio, baltico, nigro aestum aut nullum tribuisse, aut maxime insensibilem: quod eorum latitudo ad suscipiendas lunæ atque solis vires non patens satis, et nonaginta gradibus longe esset minor \*. Quod igitur *NEVTONVS* ipse, super actione lunæ in maria minora, atque hinc eorundem aestu deducendo, addubitavit, id Cl. Auctor extra dubitationis aleam posuit, tum per aquae motus in fretis orofundicis, in oris balticis et circa Sueciam observatos, et ab illustri academia scientiarum Suecica semel atque iterum declaratos, tum vero maxime per observata Gedanensia decem continuis annis in dies facta, quorum tabulas ad calcem dissertationis adiecit. Merito igitur cum Auctore laetamur, excellentem *NEVTONI* aestus alternantis doctrinam experimentis confirmatam et rationibus completam esse certissimis, eo quidem in loco, quem, quominus vacuum relinqueret, argumentis ipse verosimilibus et saepe complevit effectis.



XI. Ele-

\* Princip. Phil. Nat. Math. Prop. 37. Cor. I.

Elementa Physiologiae Corporis Humani Auctore ALBERTO V. HALLER, Praefide Societatis Reg. Scient. Götting. Sodali Acadd. Reg. Scient. Paris. Reg. Chir. Gall. Imper. Berolin. Suecic. Bononiens. Bauar. Societ. Scient. Britann. Vpsal. Bot. Flor. Helvet. In Senatu Supremo Bernensi Ducentumuiro. Tomus Tertius. Respiratio. Vox. Lausannae, Sumptibus Sigismundi d'Arnay. 1761. 4to mai. Alph. 2 pl. 16.

**N**on absque voluptate magni istius, ab Ill. HAL-  
LERO eximio studio elaborati, nec vnquam  
fatis laudandi operis physiologici summam Lecto-  
ribus Nostris exhibemus, indubitanter sperantes,  
fore, vt non suaues solum dulcesque sed et salutares  
adeo inde decerpant fructus. Tertius hicce To-  
mus, qui in manibus nunc Nostris versatur, ex  
duobus tantum libris constat, quorum prior omnem  
respirationis historiam, posterior vero vocis expli-  
cationem tradit. Ille in quinque iterum sectiones  
diuiditur, harumque prima de thorace, altera de  
partibus thorace contentis, tertia de aere, quarta  
de respirationis phaenomenis et quinta demum de  
vtilitate eiusdem agit. Posteriores librum quatuor  
sectiones constituunt, quarum prima de larynge,  
altera de organis loquelae, tertia de tonis vltima-  
que tandem de loquela sermonem facit.

p. i. Quod ad primam prioris libri sectionem spectat,  
varia ibi, quae ad ducendum aerem pertinent, in-  
strumenta describuntur primoque loco vertebrae  
considerantur. Hae totius organi fundamentum,  
vnamque columnam, ab osse sacro incipientem  
inque capite terminatam constituunt, quae, in foetu  
rectior



rectior, in adulto incuruatur. Ex his dorsi vertebrae, duodecim homini datae, peculiariter ad respirationis officium pertinent, quarum singulae binae, lamina elastica, in adulto cartilaginea, interposita donatae, omnesque ligamentis inter se inuicem unitae et firmissime reuinctae aliquem tamen motum admittunt. Cum his vtrunque duodecim p. 5. interdum tredecim coniunguntur ossa, costae dicta, in quarum singulis magna diuersitas deprehendi solet. Septem primae, ad os pectoris peruenientes cumque vertebriis firmiter coniunctae verae dicuntur, harumque prima breuissima durior et transuersa magis, quam ad perpendicularum posita est. Secunda, aliquanto longior, cartilagine sua primae partis sterni coniunctioni inseritur. Tertia, denuo longior, cartilagine longiori adscendit. Quarta, ad perpendicularum posita, ad sternum adscendit. Quinta longiori cartilagine inferiori secundi maximique ossis pectoris immittitur. Sextae et septimae longiores magisque curuas habent appendices, haeque ad ossis sterni secundam secundique cum tertio coniunctionem se immittunt. Verae hae costae, excepta prima, conuexo capitulo cum sterno coniunguntur, ita tamen, ut euidens satis conspici possit motus. Quae ad sternum non perueniunt costae reliquae, spuriae vocantur, harumque octaua, nona et decima ad sternum quidem non perueniunt, septimae tamen adhaerentes cum sterno committuntur. Undecima et duodecima costa recta fere breui cartilagine in musculorum carnibus terminantur. Interualla costarum, posterius exigua, prope sternum vero latiora semper sunt earumque firmitas adeo diuersa est, ut duae imae mobilissimae tresque superiores spuriae stabiliores, verarumque costarum infimae maiori aliquanto firmitate donatae sint atque reliquae, quo magis sursum spectant, eo  
magis

magis firmiores fiant, ita vt suprema non nisi toto cum pectore moueri queat.

p. 11. Anterius costae sterni neſtuntur, quod totum leue, molle, ſpongioſum os eſt, cuiusque tres plerumque in adulto homine diſtinguuntur partes, quarum ſupremae, vtcunque octangulae, clauicula, costa prima atque ſecunda ſe immittunt. Alteri ſterni parti longiori et vtrinq̃ue planiori, ſemicirculari fere ambitu terminatae costa tertia, quarta, quinta et ſexta vera inferitur, ſeptima tamen, aut in hanc partem aut in eius cum tertia coniunctionem recipitur. Infima ſterni pars linea, vix vnquam euaneſcente, a priori ſeparata inter coſtas descendens reliquisque minor eam partem adnexam habet, quae xiphoides hodie et enſiformis dicitur, et cartilaginea eſt. Ad hocce ſternum, ad clauiculas et ad vertebraſ vinculis firmanſur coſtae et hae ipſae etiam variis inter ſe neſtuntur ligamentis, quae, ab vna quidem ad alteram producta, ſaepe tamen coſtam tranſiliunt inque remotiorem aliam ſe immittunt. Quod ad vniuerſam thoracis compagem ſpectat, ex oſſibus et cartilaginibus compoſitam, ea quidem dolium vtcunque ſed anterius fiſſum et imperfectum refert, circa quod coſtae ceu circelli, imperfecti tamen, ſe ex ordine circumiiciunt. Cum autem nulla coſta ſuae ſodali penitus ſimilis ſit, atque coſtae ab omni geometrica curua linea remotiſſimae ſint aliaque perpetuo thoracis latitudo et profunditas priori ſuccedat, nunquam proinde figura thoracis, nec etiam ſpatium, eo comprehenſum, deſiniri ſatis poteſt. Ex hac autem compage immenſa naſcitur thoracis firmitas, nec vnquam ſternum ad vertebraſ comprimi poteſt, quin cartilagineſ depreſſae abrumpanſur, vel eadem in articulatione, qua oſſibus neſtuntur, a coſtis ſecedant.

Mouetur



Mouetur thorax, sed totus tantum in validis et p. 23.  
 subitis et maximis inspirationibus eleuatur. Ad-  
 scendunt partes costarum posteriores multo magis  
 quam anteriores, vixque aut rarissime costarum  
 prima adscendit, neque etiam descendit fere, cum  
 firmitas eius repugnet. Ast reliquae costae, situm  
 mutantes, et vnaquaeque inferior ad superiorem  
 adscendens, eo facilius sursum mouentur, quo  
 mobiliiores ipsae esse solent; vna porro alteri pro-  
 prior accedit, et interualla earum increfcunt eoque  
 maiora fiunt, quo mobiliiores sunt costae et quo  
 magis eadem adscendunt, inde etiam fit, vt me-  
 diae costae quidem adscendant, sed interuallum  
 earum vix diminuatur. Adscendunt etiam imae  
 costae, duodecima, vndecima et decima, licet ad  
 adscendendum minus aliquanto aptae reperiantur.  
 In hac actione costae circa punctum inflexionis ro-  
 tantur, parsque earum intima descendit, sicque  
 angulus, cum sternum deorsum factus, non minuitur,  
 sed augetur. Eodem tempore costae antrorsum  
 sternum ducunt sursumque, quod tamen, quoties  
 costae mediae vehementissime adscendunt, vt in  
 vehementi inspiratione fit, non eleuatur, sed de-  
 pressum descendit. In expiratione omnium horum  
 contraria fiunt; costae imae deorsum trahuntur, a  
 superioribus magis recedunt, et interualla earum  
 increfcunt.

Vires, quae pectus in respirando regunt, dia p. 28.  
 phragma inprimis et intercostales muscoli largiun-  
 tur, hi quidem principes costas eleuant, illud vero  
 amplius in inspirante pectore spatium efficit. In-  
 tercostales externi, a labio exteriori marginis co-  
 stae cuiusque superioris orti, oblique descendunt,  
 inque labium exterius orae superioris costae infe-  
 rioris cuiusque terminantur. Ab his, origine di-  
 uersi, leuatores costarum, a processu transuerso  
 enati, oblique extrorsum descendunt, intercostales

externos tegunt inque costarum angulos desinunt. Interni intercostales, a labio interno marginis inferioris costae cuiusque incipientes inque labium internum orae superioris costae inferioris descendentes, sedem reliquam costarum tum osseam tum cartilagineam, quam externi deferunt, tenent. Ab his parum, nisi usu, diuersi, infra sextam costam reperiundi et infracostales dicti, non proximae sed alteri secundae tertiaeue inferiori costae inserti, magis plani et transuersi sunt. Tandem etiam internis intercostalibus similes sunt sternocostales, quos alii pro vno triangulari sterni musculo, quatuor capita constituyente, describunt.

p. 35. Sed videamus, quatenam sit horum musculorum actio? De externorum quidem intercostalium aequae ac leuatorum musculorum officio vix magna vnquam, maior contra de internorum musculorum intercostalium actione fuit dubitatio. Inter veteres in primis GALENVS, costas musculis istis deprimi, asseruit, quem complures posthac secuti sunt, praefertim autem sub finem seculi prioris FRANCISCVS BAYLE sententiam hanc confirmare studuit. Cum enim iste cuiusuis musculi interni intercostalis finem superiorem a vertebrae remotiorem, inferiorem autem propiorem videret atque mobilitatis inde gradus uti distantias ab hypomochlio se habere, crederet, cumque demum de eo, quod a quouis musculo pars mobilior ad eam, quae firmior sit, adducatur, certus esset, iste, proinde intercostales internos costas superiores deducere, conclusit. Hancce sententiam posthac amplexus est HAMBERGERVS et argumentis vltro ornauit, praecipue autem continuo motu ab externis musculis, inter costas positus, sternum eleuari, ab internis vero deprimi, statuit, insimulque costarum intervalla in eleuatione dilatari, in depressione vero a dictis musculis diminui osseasque demum costarum partes coniungentes ab inter-



intercostalibus deprimi, asseruit et, quo suam de hac re sententiam illustraret, instrumentum adiecit. Ast re ista accuratius examinata, costas istis musculis leuari, patet. Non noua quidem haec sententia fuit, sed a FABRICII tempore iam inualuit, ab aliis postea Cl. Viris confirmata. Primarius error HAMBERGERI fuit, quod costas primas pariter eleuari crediderit, cum tamen omnium firmissimae essent. Quodsi itaque firmitas haec reliquis maior sit, necessario sequitur, costam mobilem ad immotam ascendere. Sique costa superior multo firmior, quam inferior sit, totum illud intercostalis interni primi priuilegium, quod ipsi ad deprimendam costam primam tribuunt, euanescet omnino. Habebit enim vires deprimentes vt 20, vires vero eleuantes vt 380, ideoque decies nouies maiores. Praeterea minorem etiam a centro motus distantiam nec vnquam, quod tamen HAMBERGERVS tradidit, musculi intercostalis interni primi insertionem inferiorem centro motus propiorem reperiens. Si que demum costae primae firmitatem vndecies maiorem quam secundae, huiusque iterum ad tertiae firmitatem vti 4 ad 3 deprehenderis, costam igitur primam et secundam a musculo intercostali interno tertio multo minus deprimi, iudicabis. Tunc enim primae costae firmitatem auctam habebis, quam ab eo musculo superari oporteret. Tandem etiam Hambergerianae sententiae fundamentum ob id etiam ruit, quod iste asseruerit, musculos intercostales internos, dum agant, longiores fieri, cum tamen omnes musculi, dum agunt, breuiores fiant, atque actio et contractio in musculo semper sint synonyma. Confirmatur sententia de actione p. 41. musculorum internorum, costas leuantium, experimentis. Si namque fila costis admouentur et ad modum intercostalium internorum adfiguntur haecque postea, manu inferius posita adtrahuntur,

costa quaeque inferior ad superiorem accedit, et costarum intervalla diminuuntur. Sed magis fortasse confirmaberis, si ad ipsas viutorum animalium sectiones accesseris. Nam, denudatis musculis internis, adparet, costas cleuari, rotari, marginem inferiorem conuerti ad priora et exteriora, sternum eminere, diaphragma descendere aliaque inspirationis phaenomena sequi.

- p. 43. Sed obiici forte posset, costas inferiores aliquas non raro tempore inspirationis introrsum trahi, hancque sedem pectoris arctiorem potius reddi. Verum si ad diaphragmatis motum tunc attendatur, actionem istam ei tribuendam esse, animaduertimus. Aliter agunt sternocostales, siquidem isti, cum sternum costis firmiter sit, costas deprimunt, quod etiam pari ratione praestare solent, sic dicti costarum depressores, quorum finis euidenter a vertebis remotior ideoque alia horum musculorum
- p. 45. quam internorum intercostalium conditio est. Praeterea et alii quoque muscoli reperiuntur, qui costas leuant, quique quidem non omnes costis ipsis, sed eiusmodi tamen partibus inseruntur, quae cum costis connexionem alunt, earumque motum regunt. Inprimis autem actio eorum facile statim cognoscitur, si ortus eorundem, qui plerumque carneus a costis distat, et insertio in costas tendinea perpenduntur. Ita subclavius, cuius caro claviculae adhaeret, cuiusque tendo costae primae inseritur, costas leuat. Inter scalenas ei inprimis, quorum tendines in costas inseruntur, has leuant, neque tamen reliqui et ab hoc officio excludendi sunt, quoties ceruix firmata penitusque stabilita est. Porro sternomastoideus et cleidomastoideus huc quoque pertinent, quorum quidem officium frequentius in alterna capitis ad latus conuersione consistit, interdum tamen et costas leuant, si ceruix et caput per suas vires confirmatum est.
- Cervi-



Cervicalis descendens costas retinet, ne ea tot depressoribus deducantur easque leuat, quando ceruix bene firmata est. Inter ferratos plerique costas leuant, quando cum ceruice dorsum prius firmatum est. Inprimis autem posterior superior, subiectos musculos coercens, costas leuat, neque ita posterior inferior, qui potius costas deprimere videtur. Serratus anterior inferior, scapulis eleuatis et firmatis, costas eleuat; idem etiam officium praestat ferratus anterior superior, qui quidem, cum tendineus in scapulam inferatur, proprie scapulam deprimat, qua vero firmata, manifeste costas leuat. Pectoralis maior, qui costarum parti anteriori adhaeret inque humerum terminatur, humero cum scapulis eleuato, costas sternumque leuat; quae actio manifestior multo fit, si ad musculi huius morbos, rheumatismos v. g. attendamus. Eadem fere ratio latissimi dorsi est, qui, cum humero costisque inferioribus connexus, costas eleuat, quoties humerus firmatus est. Tandem etiam ad leuandas costas in respiratione inprimis difficili, aliquid faciunt extensores dorsi et ceruicis et capitis, qui, vertebrae suas firmantes, actionem suam vnice tunc in leuandis costis impendunt.

Sed consideremus quoque costarum depressores, p. 58. quorum aliqui ex iis huc referendi sunt; qui paulo ante descripti habentur. Ita ferratus inferior et posterior, nec non ferratus maior, minus recte anticus dictus, costas deprimunt. Deinde quadratus lumborum, in costam infimam insertus, eam deprimat. Porro sacrolumbalis, in principia costarum totius dorsi terminatus, costas detrahit, tum etiam longissimus dorsi, qui quidem plerisque tendinibus ad vertebrae dorsi tendit, caudas tamen habet, quarum aliquae cum leuatoribus costarum coniunguntur, aliquae autem in tuberculum costae cuiusque immittuntur, quarum ope costas deprimat. Tandem

etiam muscoli abdominis idem istud officium praestant et costas potentius detrahunt et longe manifestius operantur. Primus eorum obliquus maior superior aut externus dictus ad costas octo inferiores adhaeret, seque in os pubis immittit, dumque operatur, anteriorem abdominis conuexitatem ad posteriorem reprimat, omnia peritoneo contenta viscera sursum compellit, sternum firmat costasque ob adhaesiones inferiores in os ilium et os pubis detrahit et retrorsum ducit. Obliquus adscendens, minor etiam et internus dictus, a processibus aliquot vertebrarum lumborum et ossis sacri, nec non tota crista ossis ilium prouenit, seque fibris aliquot in inferiores costas immittit, tendinemque amplissimum format, qui duplex ante et retro musculum rectum pergit inque lineam albam terminatur. Musculus hic costas deprimit, easque retrorsum ducit, abdomen contra vertebrae reprimat atque adeo diaphragmati resistit rectumque denique musculum coerces. Transuersus abdominis musculus, totum medium hominis corpus ambiens, ab obliquo descendente, osse ilium, ab aliquot processibus et costis inferioribus oritur, cum nonnullis musculis sternocostalibus et intercostalibus etiam confluit, inque linea alba cum sodali intricatur. Musculus hic viscera abdominis ad vertebrae compellit et sursum premit, si diaphragma laxum fuerit, deorsum vero, si idem istud descenderit: relaxat etiam diaphragma, dum costas retrorsum ducit et dextras a sinistris detrahit. Rectus denique abdominis musculus ab osse pubis incipit inque costam septimam, sextam et quintam imo etiam interdum altius inseritur, et costas insimulque sternum detrahit et restituit, si quando a viribus contrariis eleuatum fuit, aut demum, quoties opus est, ultra deorsum ducit.

Progre-



Progredimur ad diaphragma, quod in quadru-  
 pedibus calidi sanguinis thoracem ab abdomine  
 diuidit: antèius istud a sternò et costis, posterius  
 vero, vbi nomen musculi inferioris alias obtinet,  
 vel vbi carnes eius appendices vocantur, quarum  
 vtrinque fere tres, non raro tamen quatuor sunt, a  
 lumborum vertebris oritur. In medio hocce mu-  
 sculo perampla nascitur aponeurosis, cuius figura  
 trifolii, quale in chartis lusoriis pingitur, similis est,  
 multiplici fibrarum ordine donata. In septo hoc  
 transuerso varia reperiuntur foramina, per quae  
 oesophagus, aorta, vena caua, aliaque vasa et nerui  
 in abdomen transeunt. Si actionem diaphragmatis  
 consideremus, istud in inspiratione descendit, cum-  
 que eo pulmones, viscera abdominis omnia deorsum  
 et antrorsum pelluntur, thoracis longitudo augetur,  
 abdominis vero minuitur, sed minus aliquanto de-  
 scendit pars septi tendinea, inde fornix deprimitur  
 et planior fit, in violentissima autem inspiratione  
 deorsum versus abdomen conuexum redditur dia-  
 phragma, quod in statu hoc violento per exspira-  
 tionem vicissim adscendit, tuncque deorsum cauus  
 nascitur fornix. Interdum quoque in maximis ex-  
 spirationibus diaphragma ad abdomen descendit  
 vicissimque in inspiratione eleuatur. Praeterea  
 hocce musculo in inspiratione et oesophagus com-  
 primitur, et impeditur ideo, ne quidquam de ven-  
 triculo exeat, tandem etiam et caua vena stringi-  
 tur, deorsum ducitur et inanitur. Nerui diaphrag-  
 matis varii sunt, horumque inprimis phrenicus  
 dictus notari meretur, cui multiplex origo est va-  
 riique rami sunt, quorum alii in superiori sede  
 manent, alii vero, carne perforata, ad inferiorem  
 penetrant cumque ramis intercostalis splanchnici-  
 que nerui commiscetur. Experimenta, quae cum  
 hoc neruo instituta sunt, ostendunt, neruo isto  
 puncto aut irritato diaphragma conuelli, eodemque



neruo compresso, ligato aut resecto, diaphragma quiescere, respirationem supprimi, ideoque vim, qua respirationem diaphragma adiuuet, potissimum  
P. 94. ab eo neruo pendere. His expositis diaphragmatis arterias et venas, nec non intercostales arterias, nervos et venas describit Noster, ex quibus autem ea, quae vena sine pari nuncupatur, notari inprimis meretur. Haec princeps vasorum intercostalium truncus, vnicus et perpetuus in venam cauam superiorem constanter se immittit inque venam cauam posteriori loco finitur variosque ramos edit, quorum princeps hemiazyga seu intercostalis vena sinistra inferior dicitur et plerumque in venam renalem sinistram finitur. Cur vnica eiusmodi vena facta fuerit, is videtur esse finis, vt alueus esset et receptaculum, in quod sanguis tempore inspirationis se receperat; ita BOERHAAVIUS olim: addit Noster, *esse praeterea canalem deriuatorium, qui partem sanguinis thoracici in magnum sinum venae cauae abdominalis referat, ut ea organa minimum inflammationis periculum subeant, in quibus id periculum maximam ad vitam tollendam efficaciam habet.*

p. 114. His de thorace explicatis, partes nunc thorace contentas atque primo quidem thymum, glandulam, considerat Ill. Auctor. Composita haec est glandula fitque ex numerosis lobulis, tenui membrana clausis laxaeque telae cellulosae ope ita reuinctis, vt vnā et continuam massam constituent. Fabrica eius cellulosa est, vt aer flatu impulsus ostendit, ita tamen, vt vera cauea non nascatur. Habet ea arterias, venas, nervos vel nullos vel paucos sane, et vasa lymphatica, quae quidem vltima Ill. Auctor non vidit, reperta tamen esse, cumque ductu thoracico aut cum subclauia vena coniungi, testibus credit. Ductus excretorius nullus in ea reperitur, estque ea glandula coeca. Vtilitatem eius in foetu maiorem,



maiores, quam in adultis, et eandem esse, quae aliis conglobatis glandulis adscribatur, putat. Internarum thoracis partium altera pleura est, p. 119. quae superius descripta, internum pectoris velamentum dicitur. Interius ea tota humore aliquo madet, qui collectus in aquam coit et ex arteriis pectoris exhalat perque venas resorbetur. Praeter hunc densior, albus, vnguinofus succus in morbis de pulmone saepe sudat, qui, pleurae adhaerens, eam saepe crassam et coriaceam in morbis reddit. Prior etiam frequentissime in fibras laminasque abit pellucas, albas et ligamentorum aemulas, quae pulmonem ad aliquam pleurae partem in minus sanis corporibus reuinciunt, ita, vt veteres pro constante particula habuerint et ligamenta pulmonis dixerint. Caeterum aqua haec pulmonem oblnit, frictionem eius minuit et resorpta sanguinem venosum de pulmonibus reducem diluit. Litem iste humor non mouit, magis vero aer, cuius praesentia inter pleuram et pulmonem ab aliis affirmatur, negatur ab aliis. Aerem adesse, variis argumentis variisque experimentis comprobare allaborarunt. Primo quidem membranam pulmonis externam sua habere foramina, inflato aere pariter ac iniecto mercurio manifesta fieri et exemplo auium vltro probari, asserunt. Deinde ferramenta non raro per caueam pectoris traici neque tamen pulmonem laedi, innuunt. Aerem porro ex his vulneribus pectoris, ab incisforibus perfossi, non sine vi prorumpere et turundas magna vi expelli, monent. Tum etiam alii dissecti catelli parte, ad quam thorax diaphragmate clausus pertinebat, sub campana disquisita, pectus, cum aer de campana subduceretur, dilatari et diaphragma descendere, et reddito sub campanam aere, pectus denuo subsedisse, perhibent, alique hunc respirationis mechanismum machinis adeo declarare

studuerunt. Tandem pulmonem a pleura non vndique contingi et spatium, aere non vacuum interponi, dicunt, hancque animali sub aqua merso pleuraque aperta erumpere bullarumque specie per aquam se prodere, dicunt.

p. 127. At vero, licet haec robore suo non destituta esse videantur, talia tamen eaque quidem ponderosa magis magisque accurata atque veritati propius accedentia Ill. Auctor opponit experimenta, quibus demonstretur, dari in hominibus inque quadrupedibus inter pleuram et pulmonem aerem omnino nullum. Primo quidem ad id respondetur, quod aduersarii vrgent, quoue ceu argumento vti solent: ex eo nimirum, quod in auium pectore aer sit, coniiciunt, eundem quoque et in hominibus quadrupedibusque reperiundum esse. Verum si cum auium pulmonibus hominis quadrupedumue pulmones comparaueris, horum pulmones, pleurae contiguas mobilesque, illarum vero ad pleuram filis cellulosis ligatos inque aue adulta penitus imotos insimulque spatium ibi reperies. Fac vero, nudetur in quadrupedibus pleura, caueatur tamen, ne aer per vulnus exiguum intret, pulmonem totum pectus replere, pleuram et costas contingere, nec aerem in pectore contineri, patebit. Aliter se habet res, si pleura in libero aere inciditur atque aer per vulnus intrat, tunc statim pulmo sensim sensimque collabitur, spatiumque inter pleuram et pulmonem nascitur, idque non in mortuo solum, sed et in viuo animali obseruatur, et in hoc quidem respiratio difficilis illico oritur, imo mors superuenit, si vtraque thoracis cauitas aperta fuerit. Exinde autem nullum in pectore aerem esse, insimulque vulnera thoracis periculosa habenda, adhaesionem vero pulmonum neutiquam nocere, colligendum est. Confirmatur denique pulmonis et pleurae contactus aerisque absentia, si  
pectus



pectus animalis quadrupedis sub aqua aperitur, si quidem, vitio nullo admissio, nullus aer exit, qui tamen, si vel minimus adfuisset, bullarum statim forma prodiret; et si aliquando visus fuerit, id sane vitio experimenti tribuendum esse, animaduertitur. Sed obiiciunt, cur reuincti pulmones, poris praediti aeremque continentes, in exsiccatione interdum collabantur? Multae certe causae subesse possunt: ita linum asperam arteriam male constringere vt pulmo, aut aliae partes, collabi potest, si quando humore interno sensim euaporato aer intus contentus nunc in latius spatium diffunditur, quare pulmo, atmosphaerae cedens nec adeo, vt antea, humore, intus contento, distensus constringitur et collabatur. Cur autem ferramentum pleuram inter et pulmonem transeat neutramque partem laedat, id ex eo etiam declarari potest, si ad ea, quae abdomini interdum infliguntur, vulnera attendamus. Cur denique aer, pectore vulnerato interdum erumpat, mirum non est, si perpendamus, in viui animalis thoracem densiorem et frigidiorē atmosphaeram perinde irrumpere, vt venti solent, qui in partem aeris, a sole rariorem, irruunt.

Pulmones, quos nunc considerat Noster, dex-  
trum et sinistrum pleurae saccum replent, et duo  
viscera similia sunt, vt tamen dextrum constanter  
maius sit. Totus pulmo, si vasa pleuraeque plicam,  
inferius ad pulmones accedentem, excipias, vndi-  
que liber est et ex aliquot lobis componitur, quorum  
in sinistro duo in dextro tres inque animalibus ple-  
risque numerosiores sunt. Quod ad fabricam  
pulmonum attinet, primo loco tubus iste, cum  
pulmonibus coniunctus, asperaue arteria dictus, a  
Nostro consideratur. Iste tubus ante oesophagum  
medium per collum descendit, ad tertiam aut inter  
secundam et tertiam dorsi vertebram in duos ramos,  
bronchos dictos, dextrum breuiorem sinistrumque  
longio-

p. 139.

longiorem, diuiditur et pulmonem intrat. Aspera haec arteria ex annulis cartilagineis componitur, qui in aliis animalibus brutis perfecti, in aliis imperfecti circelli sunt inque homine molli arcu perficiuntur, ita, vt duplex horum circellorum interuallum sit, quorum posterius fibris carneis, ligamenta quidam dicunt, transuersis, ex fine cuiusque annuli dextro natis inque finistrum finem insertis, coniungitur. Alia interualla, quae secundum tubi longitudinem a superiori quouis annulo ad inferiorem descendunt, fibris carneis, breuibus a quouis annulo ad proximum descendentibus, perficiuntur. Praeterea longissimae et rectae reperiuntur fibrae, quae secundum interuallum descendunt, inque pulmonem vsque excurrunt. Tandem quoque fibrae deteguntur, quae totam conuexam fibrarum longarum faciem, praeter interualla, replent, et transuersae itidemque carnae sunt. Praeterea tubus iste superius latior inferius autem angustior est intusque velamento obducitur, quod, ab ipsa cute continuatum, per os perque laryngem in asperam arteriam et pulmonem demum descendit, et epidermis insensibilisque membrana est, omnesque aeri obnoxias vias oblinat. Huic circumiicitur vera cutis, neruea membrana etiam dicta, ex stipata cellulosa tela fabrefacta, mollis, extensilis valdeque sensibilis, ita vt ne aquae quidem illapsae stimulum ferat. Circa cutem nerueamque membranam cellulosa tela circumiicitur, cui iterum musculosa fabrica, ad pharyngis et intestini similitudinem, componitur.

p. 149. Harum tunicarum prima, quam ab epidermide Noster deducit, foraminibus vndique pertunditur, quae mucum fundunt, qui epidermidem obducit, cuiusque fontes glandulae sunt, quarum ductus excretorii intimam membranam perforant. Aliae glandulae, et quidem conglobatae, circa bronchi diuisione-



diuisionem, circa eius ramos aliasque adiacentes partes sunt, quae succo sature caeruleo et pene nigro turgent, quaeque de lymphatico genere sunt et cum vasis aquosis, a pulmonis superficie aduenientibus manifesto coniunguntur. Excretorius ductus illis non esse videtur, licet viae sint, per quas coeruleum istud pigmentum in bronchorum caueam intrat. Asperae arteriae ramis, ad suum quemque pulmonem peruenientibus, visceris carnem vterque subit, inque ramos ramulosque iterato diuiditur. Fabrica eorum trunco similis est, vt tamen circelli cartilaginei paulatim degenerent, annulique magis obliqui et plus membranae inter duos annulos intercedat, donec nihil cartilaginei superfit et membrana extima vniatur intimae. Bronchia haec arterias suas suasque venas habent. p. 154. Arteria pulmonalis in adulto homine, aorta paulo minor, ex suprema cordis sede anterior exit et sursum sinistrorsum et retrorsum se sub arcum aortae occultat. In foetu ea aliter constituta et aorta aliquanto maior est, atque trunco suo in aortae truncum descendentem se immittit; quae vero arteriae pulmonalis pars in foetu inter originem rami pulmonalis sinistri et aortam est, ea ductus arteriosus vocatur, totus post partum in ligamentum abiens.

Quodsi nunc his perpenſis propriam pulmonis p. 171. fabricam disquiramus, istum carnem mollem spongiaeque similem esse, remota tunica exteriori in lobos secedere, interualla eorum cellulosa esse, eosque lobos in plures sibi impositos lobulos separari, inque minoribus lobulis pellucidas, reticulatas, profundas lineas, tenerrima cellulosa tela plenas, aere inflato conspicuas reddi, animaduertimus. Aere inflato vesiculosa haec fabrica adfurgit, ita tamen, vt in validis animalibus aer, vesiculis impulsus, non exeat in lobulorum interualla, idemque, in

in lobulorum interualla impulsus, in vesiculas non transeat, contra in tenerioribus inque ipso homine per bronchum inflatus in cellulofam telam inter lobulos erumpat, velamentum, pulmoni exterius circumiectum, a vesiculosis lobulis separet, interualla atque alios et alios lobos distendat totumque demum pulmonem turgere cogat. Clarior fit haec cellulosa pulmonum fabrica, si quadrupedis cuiusdam ouipari v. g. ranae pulmones disquiramus. In ea enim duo lobi seu vesiculae cauae sunt, quarum quaelibet septis inaequalibus diuiditur, cuiusque parietes cellulis fiunt multangulis, per cellulofas lineas diuisis. Haec nudis oculis cerni possunt, alii vltra progressi, fabricam nudis oculis non conspicuam et solius mentis coniectura adtingendam, alii musculosam, alii vesiculosam alique demum mere cellulofam pulmonibus adsignarunt. Verum Nostri sententia est, nullum inter lobulorum interualla et vesiculas commercium liberum esse, nec in aliquam singularem ampullam quemque ramum bronchi terminari, sed cellulofum in humano pulmone opus esse, cuius cauernulae imperfectae inter se libere communicent, donec aeris iter lobuli cuiusque vagina moretur prohibeatque, ne de lobulo in vicinum lobulum transeat.

p. 179. Sectione tertia consideratur aer, elementum, cui summa et perpetua fluiditas est, ita tamen, vt aptitudo ad penetranda corpora minor sit, quam a summa fluiditate expectari potuerit. Ita namque plura corpora et imprimis membranas animales penetrare nequit, quas tamen facile alia fluida, vt aqua, oleum, mercurius etc. penetrant. Admiscet se aer corporibus fluidis et licet aegre sibi viam aperiat, sensim tamen penetrat et longa mora et in liquores omnes, saltem plurimos, inque solida corpora pleraque subit. Aer, in liquorem se abscondens magnam partem suarum dotium deponit inque



inque fixum ex elastico statum transit, nec compressilis ultra pondere resistit. Et solidis quoque corporibus inest aer, ita ut nullum corpus solidum dissoluatur, quin una aer exeat. Restituitur aer fixus, et elasticam rursus naturam obtinet per putredinem, fermentationem aliaque, isque aer exsolutus multo fere maius spatium occupat, quam totum corpus fuit, ut varia experimenta probant. Cum autem aer non omnia corpora penetret exque elementis corporum educi possit, aerem hinc abesse, spatiumque vacuum e. g. sub antlia pneumatica et super mercurium in barometro nasci, dicunt; sed tale vix obtineri potest, siquidem iste ibi tantum dilatatur rariorque euadit. Alia qualitas aeris est gravitas eiusdem, cuius rationem ad aquae pondus ROBERTVS BOYLE uti I ad 853, aliique aliter aestimant. Ob vaporum tamen, ventorum, caloris frigorisque varietates diuersamque inprimis locorum altitudinem aeris pondus insigniter variat, ita, ut in subterraneis cryptis aer grauior inque montibus contra leuior in humanum corpus incumbat. Cum autem aer grauis sit, corpora proinde in aere contenta, ideoque etiam hominis corpus premit, cuius pressionis vero quantitas difficulter determinari potest, cum magna sit aeris varietas, isque vel leuissimus, vel grauissimus esse soleat. Pressionis huius effectus in corpus humanum insignes sunt et manifesti redduntur, quando de antliae pneumaticae campana aeris columna remouetur. Primo quidem totum corpus in minus undique spatium vrgetur, hinc aere subtracto animal tumet omniaque humorum genera spumant. Est tamen aliqua diuersitas inter aerem, qui per vapores rarescit, atque inter aerem, qui ob loci altitudinem tenuis levisque est; siquidem in tali commode etiam viuitur. In vniuersum autem densus aer utilis est, et vires corporis auget, cum sanguis per  
magis

p. 192.

magis pressa humani corporis vasa maiori cum frictione vrgeatur, idemque aer pulmones melius inflet et cordi sinistro stimulum addat, vt efficacius constringatur. Sunt tamen et huic commodo sui fines, nocetque aeris densitas, si nimia fuerit, quoniam respiratio impeditur et tanta cordi resistentia nascitur, vt sanguinis circuitus fere supprimatur. Leuior aer semper fere incommoda creat, siquidem pulmones non expanduntur deque vasis corporis vniuersi pressio demitur, quae proinde cordi minus resistunt et facile rumpuntur. Quanta autem sit aeris in pulmones pressio, quaeque vera eiusdem haberi possit mensura, determinari vix certo potest, siquidem incertissima superficiei aereae pulmonis mensura lenisque in singulas vesiculas aeris pressio est, licet in totum pulmonem ea magna esse soleat. Tandem etiam de hac aeris qualitate, pressione nimirum in genere, notandum est, aerem, qui densior et ponderosior est in eius aeris locum succedere, qui rarior est et male resistit. Hinc in inane spatium, si datur accessus, celeritate irruit aer; inde frigidus aer, vt densior, semper in sedem aeris calefacti, obque calorem rarioris, irrumpere solet.

p. 203. Alia et princeps quidem qualitas aeris est elater, qui in eo consistit, vt pressus aer in minus spatium vrgeri se patiatur, idemque sublata causa vrgente, in prius volumen sponte se restituat. Mensuram huius facultatis in densitate quaeres, ita, vt tanto maior sit aeris elasticitas, quanto grauior est; densatur autem in eadem ratione, qua comprimitur, seque in spatium eo minus recipit, quo pondus incumbens maius est. Quaecunque autem fuerit compressionis vis, aequilibrium certe inter aeris elaterem et potentiam prementem adsit, necesse est. Hinc semper inter atmosphaerae pondus et elaterem aeris, ab ea compressi, aequilibrium est.

Aer



Aer praeterea et a frigore densatur inque volumen minus cogitur, augeturque eiusdem elater densitate aucta, sed praeterea calore addito, si nimirum ille clausus sit nec diffundere se possit, alias a calore rarefcit et expanditur. Amittit aer elaterem per p. 206. respirationem animalis, haecque causa est, quare in aere non renouato animalia vitalia superesse nequeant, sed omnia, ne insectis quidem exceptis, pereant. Verum ex numerosis quidem experimentis patet, a respiratione aliquam partem elateris aeri decedere, neque tam facile ideo dictu est, quare inde homines et animalia pereant. Causa namque in destructo aeris pondere esse non videtur, siquidem hydrargyrus, quando animalia pereunt, multo minori proportionem descendit, quam quidem a mutata tempestate frequenter subsidet. Sed neque etiam a calore mors est, cum in eiusmodi aere, ad respirationem inepto, thermometer non mutetur. Quod si vero ad elaterem, in ipsa respiratione amissum, attenderis, sine quo ad dilatandos pulmones aer ineptus est, causa mortis probabilior videbitur. Destructi vero elateris causa est aquea anima, ad quam aer admiscetur; exinde tamen citae mortis causa explicata non est; forte destructus elater et noxii vapores coniunctim causam dabunt, vel alia omnino suberit nondum satis nota.

At vero multo potentior est vis, elaterem p. 210. aeris frangens, in variis vaporibus, quam in animalibus respirantibus. Ita sulphur aliaque corpora accensa, factitius ille ex solutis metallis aliisque corporibus generatus aer, vapor, inflammabilis saepe ex fodinis subterraneis exurgens atque cauernarum vapor, halitus specuum, quae acidularum Pirmontanarum, Swalbacensium et Ribariensium vicinae sunt, vapor cadauerum, aut aquae, aut cloacae putredine generatus, exque mari adfurgens vapor foetidus, odores suaueolentium, Tom. X. Pars I. G stagnans



stagnans, nec diu reuouatus aer tandemque fulgur, elaterem aeris minuunt destruuntque. Ex his facile quisque perspiciet, aerem nusquam purum haberi, variisque corpusculis, in atmosphaera obuolitantibus, inquinari. Ita enim aqua, ignis, frigus, acidum primigenium, quod, variis corporibus admixtum, varia salium genera producit, vapores porro efferuescentium salium, odori plantarum spiritus, putrescentium aquarum animaliumue effluuia, terrea etiam elementa, imo adeo metalla aut metallorum saltem pars, semina plantarum et foecunda insectorum oua aeri continuo admiscentur. Cum itaque tot varii generis ponderosa corpuscula per aerem volitent, dubium inde subnascetur, num verum elasticum aeris elementum pondus habeat reliquum. Aerem tamen, ab omni vapore purum, suum sibi pondus seruare, dicunt; certumque est, in rarissimo excelsorum montium aere, cui dimidium fere pondus, ab aqua tantum et crassis corporum vaporibus proueniens, decessit, commode homines respirare.

p. 224.

Consideremus nunc ea, quae sectione quarta de respiratione, organorum haecenus cum aere descriptorum actione vnita, Ill. Auctor proponit. Inspiratio, vtpote expiratione potior vitaeque effectus et signum, primo, posthac exspiratio declaratur, hisque duabus periodis tota continetur respiratio. Inspirationis initia in infante, nuper ex vtero excluso inque aerem recepto, quaerenda sunt; causae itaque adsint, necesse est. Nunquam respiratio, vt aliqui statuunt, ab arteria pulmonali, per vires cordis dilatata nascitur, neque etiam pulmoni aliqua innata vis est, qua dilatari possit et constringi; nunquam etiam, vt CARTESIVS finxit, dilatatum pectus aerem proximum, is autem remotiorem impellit, donec, absoluto quasi circulo, aer, pectori vicinior, in laxatum thoracis spatium descen-



descendat: hic enim experimenta contradicunt. At veriore causam, aerem in pectus ducentem habebis, si ipsius aeris naturam perpenderis, quippe qui, cum in omne spatium succedat, in quo fluidum quodcunque rarius minusue elasticum est, in pulmonem proinde continuo descendit, si pulmone et pectore insimul dilatato aer in amplius spatium diffusus rareseat. Inde etiam fit, ut pectore aperto respiratio destruat, siquidem frustra tunc pectus dilatatur, et pulmo admissa atmosphaera compri-  
matur.

Sed quatenus sunt, quae pectus dilatant, vires? p. 232.  
Ad hoc explendum officium plurimum confert diaphragma, ut experimenta et solius diaphragmatis vitia, respirationem vehementer laedentia docent. Imo plus adeo, quam costae, ad inspirationem facit diaphragma, cuius vero mensura, licet varii eam definire allaborarint, cum pectus circula-  
re sectionem minime nactum sit et ne quidem ellipticam, neque diaphragma planum sit, obtineri inde nequit. Diaphragmate itaque deorsum ducto aer in pulmonem, aere nunc rarefacto plenum, subit, insimul autem cum diaphragmate viscera et pulmo cumque eo etiam cor descendunt et mediastinum tenditur. Verum huius dilatationis causam non vnice suppeditat diaphragma, aliquid etiam conferunt muscoli intercostales. Pectus enim et costas retinent, ne a musculis abdominis nimis deorsum ducantur, imo vere easdem eleuant, in homine quidem sanissimo aeremque liberrime ducente vix euidenter, validius tamen et manifestius in variis morbis inque homine sano, quoties ob quamcunque causam celerius respirare cogitur. Inde etiam fit, ut diaphragmate resecto, costae tamen eleuentur et respiratio exercentur. Contra musculis iis destructis, aut vitiis ibi enatis respiratio laeditur, imo intercipitur. Tandem quoque aliae vires  
G 2 aliunde



aliunde accedunt, quae thoracem in inspiratione, quoties intensior necessaria est, dilatant. Referas huc musculos, qui superiores costas, clauiculas et scapulas leuant. Hi enim musculi punctum firmum septo praestant, vt totis viribus deorsum duci possit; insimul autem et costas eleuant et supremas firmant, ita, vt tota vis musculorum intercostalium in eleuationem conuertatur. Ex his autem, cum a tot musculis inspiratio producat, hancideo expiratione laboriosiore esse et longiori tempore fieri, colligendum est.

P. 243. Patet etiam ex his pulmonem ab inspiratione mutari; aere enim admissio dilatatur, inde vasa sanguinea omnis generis cum adtensis bronchiis extenduntur, sanguis in arterias pulmonales facilius celeriusue irrumpit inque spatium aereum, quasi nullam resistantiam inueniret, facilitate summa irruit, hinc immeabilis pulmo, quando collapsus, meabilis redditur, quoties aere inflatur. Hinc celebre illud, *HOOKIO* inuentori adscriptum, experimentum obortum est, quod tamen alii iam ante huius viri tempora instituerunt. Cum autem saepe successisse viderint, et in submersis hominibus istud instituendum suadebant. Verum spem felicitis successus Noster imminuit, siquidem animalia sub aquis suffocata suscitare nullo modo potuit: causam autem in tenui illa et aeri impulso resistente spuma quaerit, qua absente et respiratione, per debilitatem tantum sublata, felicem etiam huius experimenti euentum fore, arbitratur. Causa, cur pulmone inflato vita restituatur, ea est, quod pulmo sanguini peruius redditur, vt ex dextro corde in sinistrum transire possit atque huic natius stimulus reddatur, quo ad motum ex quiete redeat. Eadem spes et in aliis suffocationis generibus concipienda est, in quibus sanguis in pulmones congeritur. Redeunt huc et alii modi, qui ad cor sanguinem reuocant, vt pressum



pressum abdomen, clysteres tabaci iniectioni, sternutatio etc. A foramine ouali, in cuius apertione nonnulli spem seruandorum submerforum posuerunt, expectandum nihil est, siquidem hoc foramen apertum fuit, neque tamen vitam seruauit. Licet autem ab inspiratione sanguinis in pulmonem com-  
meatus expediat, tamen si paulo diuturnior continuatur, anxietas vel etiam adeo mors subnascitur, quod sanguis in pulmonem quidem adueniat, ibi autem congestus exitum inuenire nequeat. Causam huius congestionis et stagnationis in non renouato aere, pulmonibus recepto, Ill. Auctor ponit. Receptus enim aer elasticam suam naturam amittit et pulmones dilatat; cum vero naturalis quaedam vis contractilis pulmonis sit, haecque, sublati viribus pulmonem dilatantibus, agere pergat, vesiculae aereae comprimuntur, vasa sanguinea breuiora redduntur, in plicas se colligunt sibiue incumbunt, atque tunc sanguis, cum aer ob plenum pulmonem non admittatur, per pulmonem transire nequit, sed in vasa pulmones, auriculam cordis dextram venasque proximas congeritur et anxietas oritur.

Cum itaque tanta mala ab inspiratione diu pro p. 260. tracta enasci possint, necessitas expirationis succedit. Nouum tunc pulmonis statum aliqui ex contractione musculorum intercostalium externorum, ab internis tractorum et molestiam inde percipientium declarare allaborarunt, alii causam in venae sine pari elisione, alii porro in nerui phrenici compressione alique demum in sanguinis, ad cerebrum tendentis impedimento quaesierunt. Verum causae hae Nostro verae esse non videntur, sed aliam proponens ad voluntatem et animae imperium recurrit et totam respirationem et in homine et in brutis voluntate regi, docet. Cum itaque voluntaria respiratio, ex Nostri sententia, et voluptate et



dolore regatur, inter doloris autem genus anxietas relata minime tolerabilis sit, homo proinde, anxietatem percipiens, intolerabili hocce incommodo exspirando se liberat. Diu itaque et vltra pauca minuta homo et animalia calide absque respiratione vivere nequeunt, et si etiam obiciant, fuisse homines, qui, aquae diu submersi, reuixerint, tunc certe alia causa suberit. Minime enim diu sub aqua haeserunt sed, ob leuitatem mox innatantes, respirarunt. Sed ne ipsa quidem amphibia et ceti absque aere diu vivere possunt, vt variae obseruationes ostendunt. Strangulatorum hominum exempla, qui post satis longam moram refocillantur, huc non pertinent. Parum enim vel nihil saepe in iisdem laeduntur respirationis organa, et si grauius laedantur, v. g. si cartilagine frangantur, omnino pereunt. Aliter autem se habent animalia, quibus exigua pars sanguinis per pulmones transit, quae diutius absque respiratione viuunt et sub aqua aut fero aut prorsus non enecantur.

p. 272. Perpendamus vires, quibus haec mutatio obtineatur. Primo hic occurrunt muscoli abdominis, qui, abdomen comprimentes, viscera sursum contra diaphragma impellunt, hocque ex planitie in fornicem cogunt sicque, diaphragmatis et intercostalium musculorum vires superantes, costas eleuatas detrahunt, sternumque, costis connexum, deorsum ducunt. Praeter has elastica costarum natura ad expirationem quidquam confert, quippe quae, per intercostales musculos in inspiratione ex naturali statu emotae, musculis istis, a contractione remittentibus, ob appensas cartilagine elasticas ex violento statu in naturalem resiliunt. Porro quoque contractilis vis asperae arteriae et bronchiorum hic attendenda est, et duplex quidem in hac contractione potestas consentit. simplex nimirum elater et naturalis in fibra animali contractio, ad quam  
muscu-



musculosa etiam aliqua, etsi parum oculis conspicua, pulmonis fabrica, quidquam confert. Tandem etiam aliunde vires hic concurrunt, quae in maximis tantum inspirationibus observantur. Ita longissimus dorsi, sacrolumbalis et lumborum quadratus cum musculis abdominis efficaciam suam coniungunt, imo etiam flexores cervicis costarum depressioni fauent. Aliae causae longe minores, quas auctores aliqui adducunt, vel nullae sunt vel parum admodum contribuunt.

Progredimur ad expirationis effectus: primus p. 278. eorum est aeris de pulmone exitus. Nunquam totus pulmo aere euacuatur, quem recipit, quod experimenta confirmant, siquidem nunquam effici potest, ut mergatur. Inde fidum omnino signum habetur, num vivus in lucem editus fuerit infans, nisi putredo pulmonem iam occuparit, aut, quod tamen in infantibus rarum est, scirrhi alique morbi pulmones infestarint, aut foetus ob debilitatem non respirarit, licet vivus omnino prodierit. Alius expirationis effectus est vasorum sanguineorum compressio; hac enim mutatione sanguinea vasa cum retractis bronchis breviora fiunt et angustiora et vesicularum concidentium membranacei parietes in minus spatium redeunt. Inde venae pulmonis in cor sinistrum se deplent et arteriae, pariter compressae, sanguinem a suo cordis ventriculo non recipiunt. Inde etiam mors oritur animalium submersorum aut in spatio inani inclusorum, ita tamen, ut animalia calida citius, quam frigida pereant et aere reddito conualescant, nisi alias spatium perfectius inanimatum, nec ita diu animal absque respiratione fuerit. Verum non solum sanguis difficulter recipitur inque auricula dextra et utraque vena caua stat, sed et retropremitur inque cerebrum vrgetur totumque viscus turgere cogit. Itaque nova inspiratio necessaria est, quo nimirum pulmo



dilatetur et sanguis ex corde dextro in id viscus transire possit. Cur autem in animalibus, post longam intermissionem, per teporem inspiratio renascatur, causa in calore quaerenda est, quippe qui sanguinem expandit et per venas cordi ministrat, inde anxietas et, ob hanc, inspiratio enascitur. Tempus, quod in vna respiratione consumitur, varii varie definierunt, plerumque tamen ad quatuor pulsus vna fit respiratio, variat tamen hoc tempus, prout vitae conditio variare solet. Licet autem concentus aliquis inter pulsum et respirationem adesse videatur, iste tamen multis modis et vel solo voluntatis imperio et morbis turbatur. Ex tempore, quo vna respiratio absoluitur, definitur sanguinis ex corde per pulmonem transeuntis copia, quae ad vncias quinque cum dimidia numerari potest.

p. 292. His de respiratione absolutis aliae etiam, sed rariores, species respirationis commemorantur, quarum aliae ad inspirationem, aliae ad expirationem, aliae ad vtramque demum pertinent. Ita suspirium, oscitatio et suctio ad inspirationem; vox, cantus et loquela ad expirationem, anhelitus autem, nixus, tussis, risus, fletus, sternutatio imo adeo singultus et vomitus ad inspirationem, cum expirationis viribus coniunctam, pertinent. *Suspirium* Ill. Auctori dicitur *lenta et diuturna inspiratio, qua aequabiliter pectus extenditur et plurimo aere repletur*. Hinc ab eo pulsum accelerari et sanguinis de vase aperto saltum altiorem esse pulsumque in minora vsque vasa produci colligendum est. *Oscitatio longa et lenta est inspiratio, qua multus in pulmonem aer adducitur*. Differt ea a suspirio, quod in oscitatione maxilla inferior lente et quam maxime diducitur et inspiratio et diuturnior et maior est. Causa in lentiori per pulmones sanguinis motu quaerenda est, ita nimirum, vt cum solitis inspi-  
rationis



rationis viribus circumire per id viscus nequeat. Inde ista actione plurimus aer hauritur, quo pulmo distenditur sicque sanguini iter aperitur. *Suctio inspirationis genus est*: qui enim fugit, labia instrumento, liquorem adducenti, applicat et inspirationem molitur; exoritur inde in ore spatium, in quod atmosphaerae pondus aut elater aeris, vase contenti, liquorem impellit. *Anhelitus est frequentior series brevium inspirationum cum brevioribus pariter expirationibus, alternas vires tenentium.* Causa eius in sanguinis, celerius reducis, copia posita est, inde inspirationes crebriores, quas pariter excipiunt expirationes, quo sanguis per difficultates pulmonis commeare possit. *Nixus est diuturna inspiratio et diaphragmatis maior descensus cum longa aeris detentione.* Premunt in hac actione muscoli abdominis et diaphragma abdomen, viscera in pelvim vrgent, abdominis vasa sanguinea arctantur, venae cauae sanguis exprimitur et versus cor compellitur, inde iste in pulmonem hinc in dextras cordis caueas venasque colli capitis colligitur inque cerebro retinetur; quae mala cuncta in grauiori nixu maiora metuenda sunt. Cessante hac virium vnione diaphragma sursum redit, euacuatur pulmo, sanguine se deplet, inde sanguis, ante ventriculum dextrum haerens, in pulmonem venit, tuncque cerebrum se deplet.

Tussis actio voluntaria est, validas vires inspi- p. 300.  
rationis et expirationis coniungit et finem habet, molestia liberare, quam teneri in bronchiis aut aspera arteria nervi patiuntur. Causa est stimulus quicumque, qui aut in diaphragmate aut in pulmonibus eiusque partibus aut in ima pharynge haeret. Defatigat ea, calefacit, sanguinem incitat, pulmonem vehementer distendit pariterque comprimit eique nocet. Tussi fere similis est sternutatio, violentior tamen maximamque habet inspirationem,



quam excipit exspiratio vehementissima. Stimulus, ob quem excitatur, in naribus residet, alio tamen quoque loco interdum haeret. Sanguis hac actione vehementer exagitur, humores vniuersi corporis vehementius concutuntur, neruique acius incitantur; inde violentissima sternutatio periculo non caret, et haemorrhagias, conuulsiones, imo adeo mortem producit. Cur stimulus, in naribus perceptus, adeo remotos musculos respirationis in consensum cogat, aliqui per neruorum sympathiam declarare annisi sunt, cui vero sympathiae Ill. Auctor valde parum tribuit.

*Risus incipit ab inspiratione, quam expirationes aliquae minores et imperfectae excipiunt.* Concurrit hic diaphragmatis et musculorum abdominalium actio; risusque causa vel moralis, laetitia nempe, vel a varia neruorum irritatione ideoque corporea est. Effectus eius plerumque salubris est et expeditur de liene et hepate et vniuersa portarum vena lentius means sanguis; si tamen diutius durat, nocet; sanguis enim plurimus in pulmonem venit, in vena caua et cerebro congeritur, inde nonnunquam mors producitur.

Risui adfinis fletus est, et ab inspiratione maiori incipit, cui succedunt imperfectae et crebrae expirationes. Vires in risu et fletu eadem sunt, in fletu tamen omnia moderata magis sunt et plus iuuat totus, quam nocet. Leuatur enim pondus, quod in tristitia respirationem opprimit, et sanguinis circuitus expeditur. Causa eius sola tristitia, nec vquam corporea est. Singultus, in quem non raro desinit fletus, a voluntate non dependet et incipit a valida et subita inspiratione, cui, aere resorpto inque glottidem constrictam impingente, sonitus cum expiratione succedit. Causa plerumque in oesophago aut ventriculo haeret, et interdum a neruis ad diaphragma propagatur. Tandem etiam aliqua-



aliquatenus ad respirationem pertinet vomitus, licet ipsius potius ventriculi actio sit. Nixus enim est, idque cum tussi commune habet, vt diaphragma descendat et ventriculum quasset, dum interim musculi abdominis anteriorem eius receptaculi faciem ad posteriorem compellunt. Remisso itaque diaphragmate valida ab iisdem musculis producitur exspiratio, cum qua cibi prorumpunt.

Sectione quinta de respirationis vtilitate agitur, p. 313. et primo quidem disquiritur, vnde respirationis sit necessitas. Haec, vt Ill. Auctor in adulto homine iam definiuit, est in ineuitabili illa dilatatione et compressione alterne pulmonum, sine quibus nequit sanguis per id viscus transire neque ad aortam tantum eius venit, quantum ad vitam sustentandam venire oportet. Alia causa necessitatis in infante est. *Nihil, inquit Ill. Auctor, mihi prom- p. 318. tius videtur quam credere, foetum ideo respirare, quia eundem dudum sibi familiarem nixum edit, quo in amnio suo alentem humorem absorpsit.* Si, pergit Noster paulo infra, *animal in utero deglutit, si idem nixus, extra uterum editus aerem inuitat et haurit, crediderim causam inuentam esse, quare animal in lucem editum respiret. Cibum quaerit, in quo natabat, aerem inuenit, in quem se nunc demersit.* Sed quaeritur, num dentur animalia, quae absque aere viuere continuo possint? Omnia fere animalia, haecenus nota, aere indigere, Noster autumat. Licet enim de nonnullis tradant, per multos annos absque aere in lapidis arborisue intimis vixisse, dubium tamen manet, anne rima forte adfuerit, per quam intrabat aer. Alia iterum quaestio est, num aer elasticus sanguini admisceatur? Multi certe id affirmantes, apertam aeri ad sanguinem viam esse, ostendunt, eamque exemplo insectorum, in quibus aer ad omnes partes venit, demonstrare allaborant, imo experimenta proferunt, quibus aeris praesentiam in viuo



viuo animali calidi sanguinis atque etiam in cadauere probare, student. Aerem porro de sanguine in cellulofam telam secedere, per morbos varios ostendunt. Instituerunt etiam experimenta in spatio inani, ex quo aerem communem eduxerunt atque inde omnes partes tam fluidas, quam solidas intumescere, exque iis elasticum aerem expedire viderunt. Dicunt insuper, floridiorem in vena, quam in arteria pulmonali, sanguinem esse, eumque ruborem ab aere prouenire, huncque in istis vasis a tepore rarefieri, in capsulis articularum manifestum aerem contineri, qui notissimum illum strepitum edat.

Quod ad vias spectat, quibus aer in sanguinem veniat, plerique scriptores elasticum aerem, in sanguinem venientem, per pulmonem, multi per chylum, alii per cutis poros aliique demum per nares in ventriculos cerebri recipi statuerunt.

P. 331. Exinde vero, quod aer elasticus in sanguinem recipiatur, varias vtilitates sperarunt. Ita elatere suo sanguinis motum excitare, alii particulas actiuas, spirituofas, aethereas, seu spiritum vitalem de aere in sanguinem venire, inde spiritus generari seu ens aliquod vitale ex aere resummi dicunt. Alii iterum salinum elementum ex aere introduci, inde sanguinem a putredine conseruari et addensari et fibram animalemi roborari, tradiderunt. Alii etiam nitrum verum, prismaticum in aere falso affluentes, in pulmonem venire, alii nitri tantum acidum halitum seu, quod rectius paulo, acorem vniuersalem in pulmones introduci, affirmarunt.

P. 336. At vero, nulla harum sententiarum veritati consentanea esse videtur, militantque potius varia phaenomena pro ea sententia, quae nullum in sanguine aerem elasticum demonstret. Adest aer in sanguine, sed dissolutus; siquidem nec vlla compressio nec etiam expansio, in sanguine reperitur:  
nulla



nulla etiam adest via, per quam aer elasticus in pulmones transire possit. Qui vero bullarum specie in viuorum animalium sanguine visus aer est, is per vulnera subiit, quia aer in cadauerum venis deprehenditur, is putredinis effectus esse solet: putredine enim aer ex fixo habitu in elasticum restituitur. Sed experimenta adeo in vacuo spatio instituta dissolutum aerem in humoribus nostris reperiri, ostendunt, siquidem sibi relictus sanguis cum sua arteria aqua grauior est et fundum petit. Innataisset enim aquae, si elasticus in vitali hoc humore fuisset aer. Quod ad sanguinis venosi et arteriosi diuersitates spectat, quae a colore sumuntur, eae sane nullae sunt, iamque ab Ill. Auctore refutatae; ad ruborem tamen aerem quidquam conferre posse, experimenta ostendunt. Intrat itaque aer eique per omnes humorum inhalantium vias ad sanguinem patet via cumque vapore pulmonali, chylo et cutanea inhalatione aer intrat; eoque facilius cum vapore pulmonali resorbetur, quod ab animali exhalatione quacunque elaterem amittat inque fixum statum redeat. Tandem etiam cum humore, per venas pulmonis resorpto, aliquid acoris, per aerem nantis, ad sanguinem venire posse, minime negat; nitrum vero in aere obuolitare inque sanguinem transferri, huncque ab illo refrigerari, negat, siquidem nitrum ex animalium excrementis in libero aere tantum generatur, inque frigore parando nitrum ab aliis salibus peculiare nihil habet.

Alia quaestio ventilanda est, num scilicet aer p. 342.  
sanguinem refrigeret? Sententiam hanc, quam veterum nonnulli protulerunt, inter recentiores HEL-  
VETIVS inprimis et HAMBERGERVS defendendam suscep-  
erunt, inde autem sanguinem et rubi-  
cundiores fieri et densiores, cumque densitate  
fluiditatem augeri, colligerunt. Certum est, aliquo  
gradu in pulmone sanguinem refrigerari: sangui-  
nem



nem enim, dum aerem, in pulmones receptum, calefacit, aliquid de calore amittere, hincque refrigerari, statuendum est. Verum non ideo refrigerationem sanguinis naturae, pulmonem creantis, finem esse posse, Noster putat, siquidem in sinistro cordis ventriculo sanguis, non frigidior est, ex quo autem Noster colligit, sequi ex ipsa pulmonis natura. in sanguine generari calorem, qui hoc refrigerium compenset atque adeo pulmonem non refrigerando sanguini paratum esse, vt potius eam calefaciat. Sique demum animalia in aere aequo calido, quam sanguis est, imo in aere, qui sanguinis calorem superat, viuere perpendamus, sententiam de refrigerio eo magis collabascere, animaduertimus. Pari etiam ratione de addensatione sanguinis, quae ab aere fit, dubitandum est, siquidem sanguis, ne ab ipso gelu quidem, vix mutatur nec in pulmone sanguis unquam refrigeretur. Sed quaeritur, cur ergo venae pulmonales suis arteriis arctiores sint? Causa valde simplex et ea Nostro esse videtur, quod nullum obstaculum harum venarum euacuationi obstat, eaeque sanguinem suum expedire queant. Aliter se habent venae cauae et auricula dextra, quae ampliores sunt, quam pro aortae portione necesse videtur; siquidem istae venae in nixu aliisque causis, retardantibus sanguinem, a toto corpore recipiunt, nec tamen expedire possunt, quare intumescunt et ampliores fiunt.

P. 351. Refutatis his de vtilitate pulmonum sententiis, veras nunc eiusdem visceris vtilitates proponit Ill. Auctor primamque in inhalatione ponit. Cum nimirum in pulmonis cellulas venae bibulae suis osculis hiant, hasque in cellulas aer intret, fit inde, vt aer, qui naturam elasticam in pulmone amittit, facileque inde in vapore et aqua resoluatur, hac etiam via in sanguinem venire videatur. Alia pulmo-



pulmonis vtilitas est exhalatio, quae manifesta et magna satis est, idque, quod exhalat aqua, oleoso volatili halitu praegnans, neque salis expers, deprehenditur.

Alia rursus pulmonis vtilitas in motu consistit, p. 355. quo sanguinem promouet. In inspiratione enim vasa laxantur ideoque sanguis in spatium perpetuo laxius se effundit, facilitate maiori, quam in vlla alia corporis parte fieri solet. In expiratione autem pulmones comprimuntur et venae pulmonales in sinum sinistrum euacuantur. Effectus itaque, quos hic a motu expectes, in arteria et vena iidem sunt, qui in aliis corporis partibus in arteriis solis obtinentur. Praeterea in pulmonis arteria dissimilium particularum separatio in vena vero diuersorum humorum miscela locum habet. Num autem, vt alii statuunt, circuitus sanguinis in pulmone celerior sit, Noster dubitat, eique potius, respectu celeritatis, aequa pulmonis et reliqui corporis causa esse videtur. Tandem et suam in ab- p. 360. dominis sanguinem et viscera exercet efficaciam respiratio, et sanguinem quidem in vniuerso venarum systemate contentum superius vrget, ita tamen vt paulo post, diaphragmate musculisque abdominis laxatis idem sanguis reprimatur; quare respiratio vis tantum accessoria vocanda est; causamque tamen ob id sistens, qua potentius nulla stagnationi sanguinis in liene inque hepate resistit. Praeterea ad digerendos cibos, ad euacuationem bilis et vrinae et faecum aluinarum, ad excussionem foetus, ad promouendum chyli, in cisterna contenti, iter, et ad excitandum olfactus sensum respiratio viscera haec comprimens, plurimum omnino confert. Inter omnes tamen, quos respiratio praestat, effectus potissimus vox est, cui primum fere locum dat Ill. Auctor, imo pulmones ideo factos esse, arbitratur, vt animal vocale sit.

Itaque



- p. 366. Itaque nono libro de voce et loquela illisque partibus Noster agit, quae ad producendas istas actiones necessario requiruntur. Prima hic consideranda pars larynx dicitur, qui homini cum quadrupedibus communis, cauus est, superne in os et fauces, inferne vero ad asperam arteriam patet exque cartilaginibus, musculis, ligamentis et membranis componitur. Retro epiglottidem primum est laryngis ostium, quod vero glottis non est. Ex cartilaginibus arytaenoideis ligamenta exeunt, quae in scutiformem cartilagine[m] se immittunt et rimam inter se relinquunt, quae vera glottis praecipuumque vocis organon est, inque animalibus, auius imprimis et frigidis quadrupedibus adeo accurate clauditur, ut nihil intrare, nec aer exire possit. Inter haec ligamenta supra glottidem membrana, laryngem vestiens, descendit inque sinum deprimatur et venticulorum nomine insignitur. Praeter haec et alia ligamenta a cartilagine ad aliam procedunt, quae cartilagines inter se inuicem coniungunt, quorum alia ex splendidis fibris tensisque constant, alia tantum membranacea sunt. Totus itaque larynx sic coniunctus eleuari quidem et deprimi potest, num autem cartilagines omnes motum aliquem admittunt, dubitatur. Mobilissimae sunt cartilagines arytaenoideae et epiglottis, scutiformis autem cartilago non sola mouetur, sed dum eleuatur et antrorsum ducitur, tota laryngis machina sequitur. Praeter hasce partes et muscoli, qui totum laryngem aut partem aliquam mouent et membranae et glandulae et vasa et nerui laryngi dati sunt. Proprium quidem perichondrium habent cartilagines, interius vero membrana, a faucibus producta, inuestiuntur, quae cellulosa[m] telam circumfusam habet, in qua simplices folliculi sedent, humorem fundentes, qui cutem istam iungit et a siccitate praecauet. Similis etiam mucus adfunditur laryngi,



laryngi, qui in glandulis epiglottidis, dorso infidentibus praeparatur, quive per foramina exit. Arytaenoideae glandulae, in conuexa harum cartilaginum facie sedentes, ductus suos porosque nec tamen communem excretorium ductum habent.

Thyroidea glandula, quae ex maximis humanip. 394. corporis glandulis est, anterioribus thyreoideae cartilaginis et cricoideae et superiori annulorum asperae arteriae affidet variisque musculis tegitur; vnica est, rarissime in duos diuisa, rubra in foetu, in adultis autem rubra est aut expallescit. Constat ea ex lobis rotundis, qui ex acinis numerosisque cellulis compositi sunt. Ductus excretorii seu ostiola, per quae humor aliquis exire possit, detecti adhuc non sunt, inde etiam vtilitas eius obscura habetur, quae tamen ob insignem copiam sanguinis, ad hanc glandulam venientis, obque eiusdem in animalibus quadrupedibus constantiam exigua expectanda non est. Haec glandula proprium, a quo sustentatur, habet musculum, qui, plerumque sodali destitutus, sinistrum latus occupat, ab osse hyoide oritur, super anteriorem faciem glandulae se diffundit et inuolucro eius adhaeret atque glandulam, ne pondere suo detrahatur, sustentat. Arte-p. 401. riae laryngis, quae et thyreoideae glandulae simul sunt, plerumque a carotide externa et subclauia proueniunt, venae autem in venam iugularem terminantur. Inter neruos laryngis, qui arteriarum sodales sunt et a pari vago proueniunt, recurrens inprimis notari meretur, quo quippe in vno latere vincto, aut compresso aut resecto, dimidium vocis perit, in vtroque autem latere id si factum fuerit, tota vox cessat, quod pariter etiam obseruatur, si experimenta similia cum pari vago instituuntur, cor vero nihil inde pati, experimenta docuerunt. p. 405.

p. 410. Accedimus ad loquelam, quae linguae motum et narium orisque meatus requirit. Os hyoides, quod linguae quasi et laryngis fundamentum est, supra marginem anteriorem cartilaginis thyreoideae ponitur et anterius linguae, posterius epiglottidi obuertitur, basique constat et cornubus et sua etiam ligamenta habet, quorum ope et cum lingua cumque aliis partibus colligatur, caeterum liberum est, facile mouetur et linguae et laryngis et pharyngis motui obsequitur et musculis suis regitur.

p. 421. Ad linguam accedit Ill. Auctor, de qua autem ea tantum hic profert, quae ad musculosam eius fabricam ideoque ad loquelam pertinent. Mouetur ea variis musculis, exterius ei adhaerentibus, tum etiam propriis fibris, ipsum linguae corpus constituentibus, ita intricatis, ut impossibile Nostro videatur, eas in homine teneras, adipe obuolutas seque trahentes separare inque lacertos disponere. Mira interim mobilitate gaudet lingua, quae vero ab externis musculis deriuanda non est. Ad posteriorem partem linguae et supra eam locus apertus, faucium nomine notus, in conspectum venit, qui in duas caueas ducit. Inferior, quae aperiri et claudi potest, inter linguam et fornicatum palatum mobile aperitur; altera autem super velum ad nares patet, perque has vias vel per alterutram vel per vtramque exire potest aer. Quae ad loquelam propius pertinet via, os dicitur, sub quo nomine ea hic intelligitur cauea, quam pene totam lingua replet. Vuulae historiam velique palatini Noster omittit, cum nihil ad producendam vocem ea facere, arbitretur, licet vox vitium ex uvulae magnitudine aucta aut diminuta capere soleat. Altera via, per quam aer exit, supra palatum osseum et molle ad nares ducit et caueam vastam, multifor- mem, multis sinubus recessibusque auctam, osseam totam sistit, in quos, quoties muco pleni non sunt,  
aer



aer ex glottide emissus irruit, osseos parietes percellit totamque narium capacitatem in nouos tremores ciet.

Sectione tertia vocem nunc declarat Noster, p. 434. subque ea aeris sonorum per glottidem iter intelligit. Oritur ea a tremore, ita nimirum, vt aer in glottidis parietes incurrat, quo hi ipsi et laryngis cartilaginee et ossa capitis et pectoris et vniuersi corporis tremunt. Patet inde cur organa ista cartilaginea sint, cum cartilago ad tremores maxime idonea sit; patet etiam, cur in morbis, cartilaginibus muco obductis vox exigua vel nulla sit. Inprimis autem glottidis ligamenta tremunt tensa et elastica, ita, vt, toto larynge remoto solisque his ligamentis seruatis, aere inflato vox per experimenta producat. Atque haec ipsa glottis est, quae sola characterem specificum cuiusque animalis voci impertit. Causa, cur vox acuta et grauis oriatur, in vibrationum numero et laryngis eleuatione aut depressione quaerenda est; acuta enim oritur, si ligamenta glottidis celerius vibrant et larynx eleuatur, grauis vero, si tardius vibrant et larynx deprimitur. Vocis varietates ex longitudine variata instrumenti vocis deduxerunt; acutas autem voces ab arctiori glottide alii, alii contra a tensis ligamentis glottidis prouenire, autumarunt. Verum glottidis amplitudinem tonos non mutare, tensionem vero ligamentorum variam mutare utique, experimenta vere ostendunt.

Itaque ex solis breuibus ligamentis omnes in tonis, in gratia, in robore vocis varietates fieri, probabile videtur. Robur voci multus insimulque p. 452. cum velocitate expulsus aer, amplior aspera arteria et arctata glottis conciliant, sed praeter haec alia roboris causa a resonitu dependet; multa vero sunt, quae tremunt et vibrationes has elasticas sono primum producto addunt, Ita resonitus in aspera  
H 2 arteria,

arteria, in larynge, in ventriculis laryngis, in ore et potissimum in palato osseo fornicato duroque, tandemque in cauea narium est, quae vires coniunctae vocem intendunt, fortemque et grauem cantum producant. Praeter haec vocis organa lingua etiam ad palatum varie adplicata et labia contracta mutationem aliquam in voce producant, ita, vt vox modulationem et varietatem admittat, vti alia et alia rimae labiorum laxitas et latitudo fuerit. Ex his itaque, aerein viribus expirationis ex pulmone per bronchum et glottidem varia et copia et celeritate expelli sicque sonum aut fortiolem aut debiliolem nasci, liquet. Inde, cum nullus pulmo, nullum aeris receptaculum, nec glottis piscibus frigidis sit, nulla quoque eisdem vox est; cumque ad robur vocis multus aer pectore recipiatur, ad acumen glottis arcta teneatur adque diuturnitatem cantus diuturna pariter expirationis poscatur, ideoque sanguis in pulmonem, venas iugulares et cerebrum congeratur, ratio inde patet, cur acuti soni pulmonibus cerebroue adeo noceant. Ratio autem cur grauior sonus, quam fabrica laryngis admittit, edinequit, eo deducenda est, quod ligamenta glottidis ob laxationem neutiquam tremunt, rima vero dilatatur et ratio luminis bronchi ad lumen rimae nimis parua est et aeris iter per rimam non ea est celeritate, quae ad ligamenta in oscillationem cienda sufficit. Cur demum cantores frequenter bibere cogantur, id a siccitate membranarum dependet; aere enim siccantur, hinc dolent, minusque flexiles, ad officia sua ineptae fiunt. Licet autem homo aliorum animalium voces discat imitari et auiculae tibiaram sonum satis apte exprimant, tamen cuicunque animali et sua homini vox est, imo inter homines cuique sua vox est, quam animalia domestica facile distinguunt. Diuersitatem autem vocis, qua



qua v. g. gaudium, ira, dolor etc. exprimuntur, in solo tantum animi motu quaerendam esse, putes.

Quod ad cantum denique pertinet, eius diuer- p. 459.  
fitas a loquela in undulationibus consistit, ad quas manifestiores producendas larynx continuo mouetur. Ad gratum autem cantum egregia vis auditus et perfecta organorum symmetria requiritur, ita, ut ii, quibus harum dotium aliqua deest, nunquam liquide canant. Vnde vero puerorum vox sub pubertatis tempore fusca et inaequalis fiat, id ex eo deducendum est, quod fibrae glottidis perfecto corporis incremento crassescunt, neque tamen vna et pariter mutantur omnes. Cum denique cuique animae adfectui sua quoque vox sit, causa etiam patet, cur in excitandis animi adfectibus musica tam admirabiles edere soleat effectus.

Sectione quarta loquelam considerat Noster, per p. 461.  
quam vocis in litteras et vocabula ex litteris compositam formationem seu potius vocis ex glottide expulsaе, a lingua, ore naribusque in eiusmodi elementa formationem, quibus animae sensa cum aliis mortalibus communicantur, intelligit. Itaque elementa loquelaе litterae sunt, quarum aliae vocales, aliae consonantes sunt. Vocales octo sunt a, eta, e clarum. ε. Graecorum, i. o. u. ö. ü. Generantur istae vario a motu potissimum linguae. Num autem alia in lingua praeter hasce vocales aliae reperiantur, Noster dubitat; consonantium tamen alias et alias gentes plures habere paucioresue, concedit. Generantur eae ab allisu linguae aut aliarum partium oris multisque modis diuiduntur. Ita surdae siue mutae sunt h. ch. sibilantes f. sch. Germanorum; ch. g. aut j. Gallorum; f. blaesum siue th. Anglor. Efflantes f. v. w. 2) Explosiuae, quae a spiritu sunt, qui in oris aliqua parte coaceruatus, exclusus a narium meatu per os exploditur; sunt b. p. H 3 d. t. k. g.

d. t. k. g. 3) Nafales quarum fonus aliqua certa pars per nares tranfit; funt m. n ain Hebraeor. n ante g plerarumque nationum, n finale Gallorum ng. finale Germanor. Liquidae, quae per os solum tranfeunt, et femiuocales orales dicuntur, funt l et r. Reliquae confonantes literae notae ex prioribus componuntur, iisque celeriter fe confequentibus, funt x. z. ψ. Graecorum; tſch. Ruffis vnico ſigno expreſſum, e adſpiratorium Graecorum.

p. 470. Ex his nunc patet, qua culpa quaeque littera malignius exprimat. Ita absque lingua loquela quidem non penitus tollitur, libere tamen loqui homo non poteſt. Nimis magna lingua blaefos reddit; nimis adſtriſta r et l male pronuntiat; nimis breuis lingua ad th Anglor. inepta eſt; nimis ponderoſa aut nimis flaccida r vetat liquide eloqui et l laedit: nimis libera peccat in l; longiſſima non laedit. Verum et aliae partes vitium habent; ita vuula nimis magna aut duplex rancidam vocem facit; naribus obſtructis m. n. ng male efferuntur. Absque vuula graue vocis vitium patiuntur et a naribus nimis patulis k. t. p male efferunt et interdum etiam l. s. r et ch non recte pronuntiant. Palati defectus in labio leporino aut oſſium maxillae abſentia ingrataſcuſcamque vocem facit et labiales litterae corrumpuntur. Ex dentium defectu aut dentibus nimis raris aut nimis denſis. f. f. et i male pronuntiant: a labio inferiori nimis exili litterae f pronuntiatio tollitur. Praeterea et neruorum funſtio impedita loquelam tollit, quae tamen, vt exempla docent, nouo motu in obſtructos neruos impulſo, reſtituitur. Corrigi etiam poſſunt vitia loquelaе, quando cauſa mali cognoscitur. Ita iis, qui d et t pro k pronuntiarunt, AMMANVS lingua digitis depreſſa, ne ad dentes allideret, exprimentae legitimaе vocis facultatem aliisque alio modo reſtituit. Sed magis admirabile artificium eſt, quo

homines



homines a prima natiuitate discunt loqui. Inter omnes, qui primus artem hanc exercuit, primus est PETRVS PONTIVS, monachus benedictinus, quem varii postea secuti sunt: omnium vero, qui furdos loqui docuerunt, famam suis meritis superauit IOH. CONRADVS AMMANN Scaphusinus, qui in Belgio vixit. Quod ad artem hanc exercendam attinet, furdi primo docendi non muti, qui non furdi fuerunt; deinde octennibus non minores sint; porro digitis discipulum primo tremorem laryngis iubeat magister percipere et imitari tuncque litteras, quas recte didicit, rapide sibi subiungendo syllabas componat. Aliud denique artificium, furdos edocendi in eo consistit, vt mediante aliquo instrumento, cranio imposito, tremores sonori ossibus capitis imprimantur, quo ad neruum audientem absque tympani ambagibus venire possint.

## XII.

Dissertatio inauguralis botanica de Blasia. Praef. D. CASIMIRO CHRISTOPHORO SCHMIDELIO. Respondente *Ioanne Christophoro Zimmermann*. Erlangae, 1759 in 4. pl. 3 $\frac{1}{2}$ . tab. aen. I.

**A**MICHELIO primum inuenta plantula ex Algarum numero atque in BLASII amici sui memoriam BLASIA dicta a DILLENIO, propter capitulorum puluerulentorum simile quid, inter Mnia collocata, a LINNAEO demum pristinum in locum restituta est. Praemissis iis, quae ad habitum, crescendi vegetandique modum totius plantulae laxius pertinent, a *globulis*, ceu primo, p. II. quod in prouectiori paululum plantula, penes marginem constanter, in conspectu, auersa magis

- frondium superficie, eleuatur, exorditur Cl. Auſtor, quorum ſubſtantiam ſolidam ſatis ex veſiculis ſuc-  
coſis glutinoſisque conflatam oculo armato depre-  
hendit, et contra MICHELIVM monet, ſe nec  
vnquam attentiffima obſervatione reperiiffe  
p. 15. aliquid ex eorum ſubſtantia dimitti, quod ſemini-  
bus ſimile dici poſſet. *Tuberculum* porro frondis  
neruo ſuperſtruſtum, figura inuerſe ouata, granula  
recondit, incerti numeri, quae cylindrico tubo ex  
latiori eius baſi ſucceſſu temporis producto per  
truncatam ſuperiorem eius partem eruſtat, et cum  
eadem haec granula glutinoſo humore illita ſunt  
cacumini vuarum ad inſtar adhaerent breui dilapſu-  
ra. Granula haecce commodum in nutritionis  
locum delapſa breui mutatione ordiri et in nouel-  
p. 16. las excreſcere obſeruauit Cl. Auſt. Alium praeter  
ea propagandi ſeſe modum recenset. Puncta  
nimirum ad extrema ramorum eleuantur, quae  
ſenſim mole auſta, nexu ſuo ſoluta, ambientem  
terram arripientia, continuato ibi augmento, no-  
uam plantam ſiſtunt. His uſus et officium harum  
p. 24. partium ſubneſtitur. Atque *tuberculum* foeminina,  
globulus maſculina organa ſunt Auſtori, quorum  
foecundandi illa rationem, migrationi impraegnan-  
tis ſucci per frondis ſubſtantiam, eo fere modo ac  
p. 28. in *Hippuride* contingere ſolet, adſcribit. Modus  
autem, quo ſemina euoluuntur in hac et ſimilis  
ſtruſturae plantis, per meram expansionem partium  
abſolui atque granula ex frondis apice prodeuntia,  
partus uiuos eſſe Cl. Auſtor contendit. Quibus  
omnibus dextre recensitis, characterem huius plan-  
p. 30. tulae ita definit, vt ſit Algae genus, cuius  
maſculinus ſlos, antherae ſolitariae per frondis ſub-  
ſtantiam diſperſae, ſeſſiles ſubglobosae  
foemininus, calyx monophyllus inuerſe ouatus,  
tubulatus, tubo cylindrico truncato.

Corolla



Corolla nulla  
Semina intra calycem plurima, nuda, libera subrotunda compressiuscula.

XIII.

De Iungermanniae caractere Dissert. Praef.  
D. CASIM. CHRISTOPH. SCHMIDELIO.  
Resp. *Christophoro Andrea Paue*. Erlangae, 1760. 4 pl. 4 tab. aen. 1.

**E**x numerosa satis muscorum grege Iungermanniae genus, a COLVMA et Cl. BAVHINO primum sub Lichenis titulo productum, a RVPIO dein, et IOACHIMI et LVDOV. IUNGERRMANNI in memoriam, hoc nomine salutatum, a variis abhinc Cl. Auctoribus in hoc quoque plantarum ordine coördinando egregie operam navantibus, varie, modo in plura discerptum modo coniunctum denuo est. Atque cum a nonnullis plane omissa, a quibusdam vero penitus non exhausta esset partium, ad figendum generis characterem descriptio, egregium Auctor coepit consilium, exacta, quantum fieri potest, organorum fructificationis disquisitione et inde petita nota characteristica componendae varietati sententiarum consulere. Et primo quidem p. 13. loco calycem non solum in omnibus praesentem, vel in emortuis iam stirpibus haud raro residuum, sed forma et habitu in speciebus ita differentem asserit, ut non alienum foret hunc inter differentias specificas collocare, id quod aliquibus exemplis illustrat. Corollam ab vno DILLENIO, vna tantum p. 14. in specie, *Lichenastro nimirum imbricato maiori* indigitatam, singulis monopetalam tribuit, nunquam, quamdiu globulum adhuc recondit, stylo vertici imposito, non coronatam, quae crescente globulo aliquando transuersim, interdum in aliquot

H 5                      lacinias,

lacinias, frequentissime in duos lobos rumpitur. Comprehendit corolla corpus opacum ouatae figurae, pedunculo suffultum, quod Auctori *globulus*, aliis vero *stosculus* audit: absque dubio ex forma, in quam is cacumen suae maturitatis adeptus mutatur.

- p. 17. Dissilit enim tunc in quatuor plerumque lacinias, a centro verticis ad basin, flaque protrudit capillaria, vtricularis structurae, pollini globulari insertionem concedentia, qui accessu aeris liberioris breui ex nexu soluitur, et abhinc fila sponte sua contrahuntur.
- p. 19. Corpuscula, quae porro in his plantis deprehenduntur, modo vesicularis, modo glomeratae, fungillos aemulantis, modo farinosae, modo globularis structurae, situ et colore vario, inter generationis organa referuntur, haecque praecedentibus priora esse vel ad summum ea comitari enunciat Auctor. Atque cum *Mnium Trichomanis facie foliis integris* DILL. plane tunc cum ramulorum apices glomerulos habent, et capsulas et calyces ad basin latentes ferat, id ipsum solo hoc ex commate veram
- p. 21. *Iungermanniae* speciem pronunciat. His sedulo expositis, egregiis argumentis contra reliquorum vix non omnium, qui haecenus quicquam de hac stirpe habent, sententiam de harum partium usu euincit: posteriora haec masculina, priora foeminina
- p. 25. esse organa, idque experimentis in *Iungermannia epiphylla* LINN. speciosiore reliquis, nec non *reptante* eiusd. captis confirmat. Sub calcem dein Diss. characterem, sic struit.

*Iungermannia* est Algae genus, in cuius masculino flore varii situs, vel in eodem vel in distincta planta aut ramo:

*Calix* nullus.

*Corolla* nulla.

*Stamen* Antherae nudae vesiculares vel farinosae absque filis.



Foeminino flore:

*Calix* multiformis, monophyllus aut bilobus.

*Corolla* monopetala, limbo varie secto, frequenter bilabiato.

*Pistillum* germen ouatum vel subrotundum, Corolla tectum, stylus corollae impositus, rectus, stigma simplicissimum.

*Pericarpia*, vasculum pedunculo recto, vltra calycem et corollam eleuatam subrotundum vel oblongum, vniloculare, filamentis repletum, quadriualue, valuis patentibus.

*Semina* plurima minuta subrotunda.

#### XIV.

Programma academicum, quo Capsam Petiti-  
nam pluribus cruris complicate fracti casibus  
aptandam proponit, simulque Philiatros ad  
lectiones suas hybernas inuitat IOANNES  
TRAVGOTT ADOLPH, Medic. et Chir. D.  
Anat. et Chir. Prof. ordin. Helmstadii, 1760  
literis viduae P. D. Schnorrii, in 4 pl. 4.  
Tab. aen. I.

**E**x copioso machinarum et instrumentorum ad p. 7.  
fracturas cruris praesertim complicatas inuen-  
torum apparatu selecta tria quasi summa genera  
constituit Cl. Auctor, a quibus primitiuis reliqua  
suos deinde duxerunt natales. Primum genus p. 8.  
*fascia libriformis* est, cuius virtutes omni laude ma-  
iores decanere non opus esse putat. Alterum est  
*lectulus stramineus*, Gallis *fanons* dictus, quem vt  
facili negotio parabilem commendat, sed variis p. 9.  
rationibus et experimentis confirmatus, iis tantum  
casibus relinquendum arbitratur, vbi alterutrum  
cruris os diffractum, et fractura talis, cum vulnere  
externo

- externo complicata, leuiorem hunc deligandi modum admittit; vbi malum paene desperatum firmiorem deligationem respuit; vbi denique chirurgo, praesertim militari eligere non licet, quod optimum, sed quod ad manum est. Aliis autem cruris collisi casibus, methodo magis conuenienti
- p. 10. consulendum esse existimat. Itaque in indagatione apparatus, difficillimis etiam cruris fracturis apti, occupato Cl. Auctori cum non satisfaceret lectulus stramineus; animum ille ad tertium illud genus, *capsas* nempe cruri continendo aptas adiecit. Cum vero et illae capsae, quae membrum fractum arcte et per longiorem eius tractum complectuntur, magnamque non modo lintheaminum congeriem requirunt et circulum liberiores suffocant, sed etiam extensionem et contraextensionem sufficientem non admittunt, omnino illi displicerent, et hanc ipsam ob causam ingeniosissima ista pedis theca, a Cl. DE LA FAYE in Commentariis Academiae Chirurgorum Parisinae (Tom. II) proposita, minus
- p. 11. arrideret; alium excogitare coepit apparatus, qui et lintheaminum, ad exaequandam cruris longitudinem, constipandorum laborem taediosum tolleret, et extensione ac contraextensione blandiori id conficeret, quod alias membrum inuoluendo, angustando et vndique constringendo impetrare student
- p. 12. chirurgi. In mentem ipsi veniebat *Capsa* illa *Petitioniana*, quam post machinamentum a PUGGIO inuentum et ab Auctore Nostro, cui sero innotuit, ex altera parte laudatum, ex altera vero taxatum, ita
- p. 15. emendare tentauit, vt ea scilicet cruri cuius longiori, tum breuiori conueniat; vt extensionem cruris collisi cum contraextensione possis eadem instituere atque continuare; vt immobilitas pedis diffracti, absque deligatione ipsum circumquaque constringente, simul obtineatur, hacque ratione pluribus cruris diffracti casibus apta euadat eadem
- capla



capſa. Iam machinam hanc ſuam deſcriptione p. 16.  
aeque ac figuris ob oculos ponit, et partes praeci-  
puas eius diſtinguit. 1. Scabelli baſin, 2. Sca-  
belli planum primarium, 3. huius plani columnas  
fulcientes, 4. aſſerem ſolearem, 5. clathra late-  
ralia: hae partes omnes ex ligno ſicciori et duriori  
confici debent.

I. *Scabelli baſis*, ſtragulo aegri imponenda, et p. 17.  
totius machinae fulcrum et fundamentum, longi-  
tudine exaequat 32 pollices pedis Rhenani, latitu-  
dine pollices 15; atque ab iſta PETITI fere nihil  
differt, praeterquam quod trabeculae eius longiores,  
quatuor ſint pertuſae foraminibus, quibus, vtpote  
matricibus, additamento etiam quodam auctis,  
totidem columnae cochleatae inferi poſſint, ita vt,  
hiſce vel intortis vel retortis, planum machinae  
primarium ad lubitum mox attollere mox depri-  
mere queas.

II. *Scabelli planum* primarium, ſuper quo pes p. 18.  
recubat extenſus, in duas iterum diuiditur partes,  
alteram nempe magis horizontalem, alteram obli-  
que inclinatam.

*Pars inclinata* pollices 10 longa eſt, lata 12;  
tres vtrinq̃ue rimas habet, pro totidem loris trans-  
mittendis, quibus femur, ſi e re videatur, ipſi  
plano alligetur; atque cum *parte horizontali* et *baſi*,  
intercedentibus cardinibus committitur, variam eius  
inclinationem ad vtramque admittentibus.

*Pars horizontalis*, ſcamnum hocce a PETITI  
capſa praecipue diſtinguit, et ſi quid praeſtantioris  
bonitatis prae illa habet, iſtud quidem omne ad  
huius plani machinationem redit. Plani autem p. 19.  
horizontalis iterum ſunt duae partes praecipuae;  
altera, certa longitudine ſua immutabilis eſt; altera,  
in longius educi, in breuius item contrahi poteſt.

*Pars*

- p. 20. *Pars longitudinis persistens*, contignatio quaedam est, quae ab utroque latere trabes habet longitudinales, sibi parallelas, 23 pollices longas; interioribus fulcris instructas, in quibus assis mobilis recipitur, et libere prorsum retrorsumque prouehitur; exterius autem in illis trabibus et gradus adsunt, clathrorum lateralium angulis correspondentes, et octo foramina, aequalibus intervallis a se inuicem distantia, clathrorum lateralium paxillos totidem recipientia. Has trabes longitudinales, subscutes duae transuersim iungunt; altera postuma cardines sustinet, quibus planum horizontale cum inclinato
- p. 21. committitur; altera vero, eademque anterior et paene media subscus, loco magis inferiori trabibus iungendis ita subtenditur, ut assis mobilis supra ipsam transire possit, et cochleae matricem in se condit, in qua clauus cochleatus facultatem elongandi contrahendique assis mobilis habeat. Quaelibet subscus habet longitudinem 15 pollicum. Alteram vero partem plani horizontalis constituit *assis mobilis*, sufficientis crassitiei, ab uno extremo cornua ferro armata protendens, quae stabiliendo assis solari in vario positu inseruiunt. Si cornua haecce non computaueris, tunc assis longitudo complet 12 pollices Rhenanos, latitudo pedem
- p. 22. Rhenanum. Latera bis et contrarie angulata habet assis utrinque, quorum ope fulcris illis, in trabibus contignationis longitudinalibus aptari potest. In his fulcris protrahitur retrahiturque cochleae beneficio. Huius matrices duae immerse sunt binis lignis, anteriori posteriorique, distantia 12 pollicum a se inuicem remotis et assis inferius agglutinis; tertia vero matrix insculpta est anteriori contignationis subscudi, et superius iam descripta. Ut itaque hoc modo cochleas matribus istis matricibus intorta assis certa tractione protrahere retrudere possit, cautum est binis clavis quadrangulis, ante-



anteriori ligno immixtis; quippe quibus cochlea  
mas ad collare de industria fulcatum firmiter atti-  
netur. Atque hac machinatione istud efficitur, vt  
asserem mobilem possis, planum versus inclinatum,  
eo vsque retrudere, quo crus paruulorum homi-  
num, 13 pollices longum, recipiat, possis etiam,  
via contraria, ad 18 pollicum longitudinem elon-  
gare. Intercapedo vero, sub asservis, 12 tantum  
pollices longi, retractione oriunda, a lamina auri-  
chalcea, aciculorum ope trabibus contignationis  
affixa, ita obtegitur, vt asser mobilis subter lamina  
repat, si eundem retrudas, lamina autem planitiem  
vtcunque eandem conseruet, neque inanitate sub-  
hiscere sinat, si eundem asservis protrahas. Cor-  
p. 24.  
nua asservis mobilis, superius memorata, verum  
cubile pro crure fracto, vera longitudine non au-  
gent; sed tantum asservis solearem firman-  
t. Vt  
rite firmare possint, cornua fere tota ferro arman-  
tur, quod rimam ostendit, arcui circulari et fer-  
reo transmittendo simulque dirigendo exsculptam.  
Ipse tandem arcus cochleis vtroque intortis  
fixatur.

III. *Columnae* planum horizontale fulcientes, p. 25.  
iam sub N. I. traditae, longitudinem habent 5 pol-  
licum, et locum fulcri petitiiani suppleant, quod  
Auctori displicuit.

IV. *Asser solearis*, a *Petitiano* etiam diuersus, ita  
construitur, vt lignum cruciforme, *solea* nempe,  
extremis suis arcuatis et pedunculatis, similiter  
arcuata fulcorum vestigia legat in quadrilatera con-  
tignatione. Vt vero solea in hac contignatione  
persistat immota, cochlearum, superiori contigna-  
tionis trabi infixarum, altera intorta efficitur. To-  
p. 26.  
tus denique asservis solearis, plano horizontali ante-  
rius per cardines iungitur, qui ab artifice dissolu-  
biles

biles sunt efficiendi, vt aſſer ſolearis poſſit, pro re nata, remoueri: porro idem vtrique firmiſſime ſibi impactum habet arcum circularem ferreum, per rimam cornuum aſſeris mobilis tranſeuntem, et per cochleas vtrobiſque intortas ſufficienter ſtabiliendum, quo ſtabilito totus ſimul aſſer ſolearis optime ſtatuminatur.

p. 27. V. Poſtremo loco *Clathra lateral*ia ſunt deſcribenda. Modum, quo illa, et baſi ſua angulata et octo paxillis, cum contignationis horizontalis trabibus committuntur, iam diximus. Sed vt hoc firmiorem habeant ſedem, trabe tranſuerſali in ſuperiori et medio loco iunguntur, quae nempe, ob ſuas extremitates angulatas, clathra ipſa apte connectit, et facile tamen reſoluitur. Clathra haecce altitudinem 9 pollicum, longitudinem 26 pollicum habent, et diſſepimentis diſtinguuntur, vt, cum leuitate, opportunitatem ſimul largirentur, variorum vinculorum, quae alias ipſi diſſracto pedi illigantur, extra hunc clathris potius innectendorum.

p. 28. Extensionem et contraextensionem cruris in hoc ſcamno impetrari putat Cl. Auſtor, ſi pes extremus *ſoleae* preſſim alligetur, crus autem ad clathra vtrique et ſufficienter reſtringatur. Ad pedem extremum alligandum, ſuadet, faſciam primo quidem malleolis iniicere, dein, ſiue haec dolere coeperit, ſiue per ſe ſola non ſatiſfecerit, adhibere aliam adhuc ſupra malleolos. Alternare niſi intermiſeris, pro re nata, ſaepius laqueos adplicando nunc ſupra, nunc infra malleolos, linteaminibus etiam, appreſſum hinc inde mitigantibus, niſi parcas; tunc omnia illa mala, quae alioquin ex iſtis vinculis forent metuenda, procul aberunt. Ad crus reuinciendum, cingulum aliquod communicatur. Lorum nempe cum fibula, ſuper tribus  
braſteis



bracteis leniter concavis et mollitis, ubiuis continentur retinaculis binis. Bractearum illa, quae fibulam sustinet, sub genu, binae reliquae ad posteriora extremitatis tibiae superioris admouentur, locis his tribus linteamine molliori probe defensis. p. 29. Dein cingulum, quantum satis, constringitur, et fibulae obturaculo recluditur. Per annulos tum bracteis adhaerentes, traiciuntur funes, qui suis duabus habenis adducti, loco clathri maxime commodo innectuntur.

Vltimo loco, ad compendium linteaminum circa p. 30. crus fractum alias congerendorum obtinendum, culcitae saccum, duplo latiore atque est latitudo cruris, longitudine autem cruris longitudinem exaequantem, sabulo ad dimidium capacitatis replere iubet. Haec culcita plano scamni horizontali conuenienter imponitur: linteamen postea multiplicatum cum fascia libriformi superponitur. Reliqua fere peraguntur, uti solemus, dum lectulum stramineum et modo dictam fasciam applicamus, nisi quod arena, postrema quidem opera, ubicunque opus videatur, solerter suggeritur, atque longitudo cruris tantum non tota, culcita utcunque comprehenditur. Quod ipsum ut melius succedat, baculos binos latiores, ad utrumque culcitae latus admouere iubet, utpote quibus arena cruri circumfusa, ne dilabatur, impeditur; baculos etiam, funibus extremi alterius post soleam constrictis, alterius autem extremi funibus super cingulum circumductis, firmare suadet Cl. Auctor.

Negare quidem non possumus, machinam illam ex pluribus partibus forte nimis compositam videri, ex altera vero parte iudicamus eandem egregiam, et utilem etiam, si perita chirurgi accedat manus, et aegrorum non adeo vrgeat copia.

Philosophical Transactions, giving some Account of the present Undertakings Studies and Labours of the Ingenious in many considerable Parts of the World. Vol. L. Part. II for the year 1758. London printed for L. Davis cet. 1759. 4. a pag. 480. ad pag. 876. Tab. aen. a XIX ad XXXVI.

h. e.

Transactiones philosophicae, quae laborum, ab eruditis in variis orbis terrarum partibus nouissime susceptorum, quandam exhibent notitiam. Vol. L. Pars II.

Quam nuper dedimus Voluminis quinquagesimi Transactionum philosophicarum recensio- nem \*, in parte altera nunc continuemus.

P. 48. I 59. *Relatio de effectibus electricitatis in paralyticis ex literis Cl. BENIAM. FRANCKLINI ad Cl. IOH. PRINGLE \*\*.* Ter quotidie electricos impetus membris paralyticis impressit et primo calorem membri, de nocte passim punctorios dolores et maculas cutaneas rubicundas obseruauit, quo facto partes laesae ad voluntarios motus magis aptae erant, et aliqualem etiam vigorem recuperabant, non tamen substitit effectus, sed in pristinum morbum iterum incidebant aegri, licet insignem impetum electricum applicasset Cl. Auctor.

P. 463. 60. *Observationes de cometa mense Septembri et Octobri 1757 Hagae comitum collectae Auctore Cl. D. KLIN.*

\* vid. Comm. nostr. Vol. IX Pars IV p. 667.

\*\* lecta d. 12 Ian. 1758.



D. KLINKENBERG, et in literis ad Cl. IAC. BRADLEY propositae.

61. *Annotationes de temperie aeris in rupe Edy P. 488.*  
*stone diuersa ab ea, quae Plimuthi obseruata fuit a die 7*  
*ad 14 Iulii 1757 Auctore Cl. IOH. SMEATON.*  
 Distantia rupis Edystone, in qua pharus exstructa  
 est, a Plimutho sedecim tantum milliarium angli-  
 corum indicatur, Noster tamen obseruauit tempe-  
 riem aeris longe diuersam fuisse ab ea, quam Cl.  
 HUXHAM eo tempore Plimuthi obseruauit, mirum  
 itaque videtur, quomodo haec mutatio in tam paruo  
 spatio euenire possit, ostendit tamen motus vento-  
 rum sibi saepe contrariorum huius mutationis cau-  
 sam existere.

62. *Relatio de terrae motibus, in insula Sumatra in P. 491.*  
*India orientali mense Nouembri et Decembri 1756 ob-*  
*seruatis, ex literis Cl. PERRY ad Cl. STUKELEY.*  
 Refert nimirum Cl. Auctor die tertio Nouembris,  
 quo mense Lisbonnae quoque terrae motus vehe-  
 mentissimus obseruatus fuit, in hac insula talem im-  
 petum et vsque ad diem tertium Decembris duode-  
 cim alios obseruatos fuisse, qui aedificiis insignia  
 damna induxerunt.

63. *De fluminis cursu accelerato sub pontibus P. 492*  
*Auctore Cl. I. ROBERTSON\*.*

64. *Relatio de terrae motu in occidentali parte p. 499.*  
*Cornubiae die decimo quinto Iulii 1757 obseruato Au-*  
*ctore Cl. BORLASE \*\*.* Varias mutationes in di-  
 uersis partibus huius prouinciae, in qua terrae mo-  
 tus varii obseruantur, recenset.

I 2

65. Ob-

\* Lecta d. 19 Ian.

\*\* Lecta d. 26 Ian.

p. 506. 65. *Observationes nonnullae de somno plantarum et relatio de ea facultate, quam LINNAEVS vigilias florum appellat: addita enumeratione variarum plantarum, quae huic mutationi obnoxiae sunt, Auctore Cl. RICHARD PULTNEY.* Mutationem situs in foliis plantarum noctu euenientem, quam LINNAEVS somnum plantarum appellat, obiter tangit, et se ad illam mutationem, quam idem Auctor vigilias florum dixit, considerandam conuertit. Multae plantae florem euolutum non nisi marcidum factum contrahunt, aliae vero corollam euoluunt et eandem definitis temporibus iterum contrahunt. Praeter ea, quae Cl. LINNAEVS proposuit exempla, de observationibus in quadraginta nouem plantis institutis exponit, ex quibus praecipua quaedam specimina enarrabimus.

*Portulaca oleracea* hora nona vel decima matutina corollam euoluit eamque post horae spatium iterum contrahit.

p. 511. De quibusdam *Mesembryanthemi* speciebus sequentia refert: *crystallinum* flores hora nona vel decima matutina expandit, tertia vel quarta pomeridiana conuoluit, *barbatum* hora septima vel octaua corollam euoluit, quam hora circiter secunda post meridiem contrahit; *nodiflorum* idem hora decima vel undecima praestat et tertia pomeridiana flores iterum claudit; *linguiforme* hora septima vel octaua corollam aperit et hora circiter tertia claudit.

*Nymphaea alba* aquatica planta, quae florem superficiei aquarum impositum gerit, hora circiter septima matutina, qua florem euoluit, pedunculum non nihil erigit et florem magis ex aquis eleuat, hunc situm vsque ad horam pomeridianam quartam seruat, qua accedente flos ad superficiem aquae descendens clauditur.



Ex compositis floribus multas sonchi et hieracii species examinavit, nos vero *Tragopogon pratense* ex iis adducturi sumus; haec planta in lingua anglica *go-to-bed-at-noon*, cubitum eas circa meridiem appellatur, quod quidem nomen ei impositum fuit antequam haec plantarum mutatio a physicis considerata fuit. Flores huius plantae hora tertia vel quarta matutina se evolvunt et ante meridiem hora nona vel decima contrahuntur.

66. *Relatio de morbo pueri cuiusdam convulsivis paroxysmis affecti, et excretionem vermium facta curati,* p. 518.  
*Auctore* Cl. RICHARD ORAM. Puer in infantili iam aetate paroxysmis convulsivis agitato, circa septimum aetatis annum his magis afficiebatur, ita ut non solum variis violentis motibus agitaretur, sed prorsus stupidus redditus parentes ipsos non cognosceret; voracissimus praeterea erat et omnia ferme esculentorum et potulentorum genera avidè deglutiebat, emaciatus tamen et membris varie distortis apparebat. Medicus in auxilium vocatus anthelmintica quidem dabat medicamenta, quae vero, cum nimis debilia essent, sine effectu propinabantur, ita ut ad undecimum usque annum violento illo morbo torqueretur. Mense Iulio 1757 casu fortuito arripiebat vasculum, in quo mixtura ex cerussa et nigro colore cum oleo lini parata et ad colorem nigrum alicui rei inducendum destinata continebatur, et ferme quartam mensurae partem avidè deglutiebat, paulo post vomitu et alui deiectionibus tentatus non solum nigram illam mixturam, sed simul magnam copiam vermium tenuissimorum reiiciebat, quo facto ita convaleuit, ut melius nutriretur, et animi facultates iterum libere exerceret, et mense Nouembri, quo tempore Noster hunc puerum vidit, iam multo melius se habere videretur. Notandum quoque est familiam huius pueri

pueri similibus, sed minoribus, vitae incommodis ex causa vermium laborare, et hanc morbi historiam addito alio testimonio confirmari.

P. 523. 67. *Relatio de aestu extraordinario Iulii 1757 eiusque effectibus ex literis Cl. IOH. HUXHAM ad Cl. WRL. WATSON \**. Maior quidem Plimuthi aestus erat sub initium Iulii, quam Londini, post pluuias etiam copiosas sub finem mensis Iulii et initium Augusti aestus iterum increfcebat vt. cum Cl. Auct̃or in thermometro Fahrenheitiano ascensum supra gradum octuagesimum quartum nunquam obseruasset, dicto anno die octauo et decimo ad 85 et nono Augusti ad 86 gradum vsque ascenderet mercurius.

Quales inde morbi orti fuerint Noster recenset, scilicet hæmorrhagias, cephalalgias cum vertigine febres putridas cet. et in genere monet, continuos et magnos calores acrimoniam biliosam maxime exaltare, tempestiuam et moderatam venaesectionem in his utilem fuisse, profusam minime, speciatim si propius ad statum febris accesserint.

P. 524. 68. *Relatio de femore fossili animalis maioris in Stonesfield prope Woodstock in comitatu Oxoniensi effosso, ex literis Cl. IOSHVA PLATT ad Cl. PETRVM COLLINSON datis excerpta*. Describitur et delineatur os femoris in omnibus suis partibus perfectum, quod in lapide arenario repertum fuit, reliquorum stratorum et corporum petrefactorum ibi reperiundorum quoque mentio iniicitur, et asseritur hoc os cum femore elephantis, cum quo comparatum fuit, non conuenire, sed ad aliud animal forte ad hippopotamum, vel rhinocerotem, cuius anatome non satis declarata est, pertinere.

69. *Differ*

\* lecta d. 2 Febr.



69. *Dissertatio de usu inoculationis in bobus ad* p. 528.  
*praecauendum morbum contagiosum in his oriundum, ex*  
*literis ad Ill. MACCLESFIELD datis proposita a*  
*Cl. DANIEL PETER LAYORD.* Datum nimirum  
 fuerat Cl. Auctori ab Illustri Academia, ut in mor-  
 bum bouum et inoculationem ceu remedium prophyl-  
 lacticum inquireret, ipse itaque consideratis variis  
 aliorum Auctorum sententiis, et obseruationibus  
 collectis, conuenientiam inter luem bouinam et  
 variolas se inuenisse perhibet, et postquam ea, quae  
 Cl. COURTIVRON in duobus commentariis pro-  
 posuerat \* sub examen duxit, omnes, quas in hunc  
 usum collegit obseruationes et varia a se et aliis  
 facta tentamina breuiter recenset.

Morbum contagiosum in eodem animali et se- p. 532.  
 cunda immo et tertia vice recurrere posse Cl. COUR-  
 TIVRON asseruerat, huic tamen sententiae con-  
 tradicit et nullam obseruationem, quae hoc con-  
 firmat, in Anglia factam esse docet. Inter alia  
 huius rei testimonia, quae adducuntur, illud no-  
 tatu dignum est, quod octo vaccae, quae in lue  
 bouum anni 1746 euaserunt, morbo annis 49,  
 55 et 56 recurren- te non affectae fuerint, licet  
 cum aliis contagio affectis animalibus in eodem sta-  
 bulo detentae et eodem pabulo nutritae fuerint  
 halitumque morbosum inspirauerint. Quod si  
 itaque morbus non recurrat, mitior gradus, qui per  
 inoculationem fit, omnino eligendus erit. Tenta-  
 mina etiam hac in re non sine successu instituta  
 fuerunt, fetaceo enim materia maligna vel muco ex  
 naribus animalis aegrotantis imbuto et applicato,  
 morbus quidem, sed longe mitior, excitatus fuit,  
 quaedam vaccae nec abortum passae sunt, aliae  
 nullo amplius contagio laesae fuerunt. Tentamina

I 4 a Cl.

\* vid. Histoire et Memoires de l'Academie Royale des  
 sciences à Paris ad annum 1748 p. 133 et 323 et  
 Comment. nostr. Vol. II, Part. IV p. 592 et 608.

a Cl. COURTIVRON facta, vbi materia contagii vel respirationis auxilio vel per os applicata fuit, vt minus tuta reiicit Noster, cum eadem morbus grauior, quam per inoculationem, excitetur. Neque etiam sanguis mortui animalis nec alia materia contagii eligenda est, sed pus ex abscessibus bene digestis, cuius effectus et in variolarum insitione tutus et praestantissimus inuentus fuit.

P. 538. 70. *Trigonometriae Epitome Auctore* Cl. PATRICK MURDOCH.

P. 543. 71. *Relatio de quibusdam notatu dignis calculis bilariis Auctore* IAC. IOHUSTONE \*. Foemina obesa, sedentariae vitae assueta, antea colicis doloribus cum ictero complicatis saepius vexata fuerat, per octo tamen annos ab his libera die quinto Decembris 1753 subito insigni dolore corripiebatur, qui a latere dextro ventriculi retrorsum versus dorsum se extendebat, quam ob causam vomitu continuo vsque ad alterum diem agitabatur, quo tempore dolor non nihil descendere videbatur, postea vomitu copiosam bilem porraceam reiiciebat, et aluus ex voto respondebat, salinis praecipue medicamentis interea exhibitis. Die septimo Decembris biliosae quoque deiectiones sequebantur, et dolore in parte affecta cessante, post viginti quatuor horas alium dolorem versus intestinum rectum sentiebat, sub quo calculus biliaris insignis magnitudinis cum membranaceis quibusdam tunicae villosae partibus excernebatur, libera postea ab omni grauiori incommodo mansit aegra et mense Septembri 1757 bene valuit.

P. 548. Calculus, qui in icone exhibetur, figurae pyri-formis erat, politus, ad basin non nihil asper, diffractus concentricas laminas alternas et albas et  
flauas

\* lecta d. 9 Febr. 1758.



flauas referebat, aquae innatabat, et ita non intestinalē sed biliarium calculum esse indicabat, pondus erat 126. granorum, longitudo pollicis vnus et trium linearum, diameter septem linearum, hic igitur calculus magno motu per ductum choledochum extensum in intestinum duodenum protrusus fuit. Alter casus sistit foeminam, quae ex abscessu ad hypochondrium dextrum nato plura fragmenta calculorum biliariorum excreuit.

72. *Notatu dignissimus casus de cohaesione omnium p. 550. intestinorum in viro triginta quatuor annorum, cuius cadauer disquisiuit Cl. NICOLAUS IENTY.* Quae in huius viri anatome inuenit, tantum notat Cl. Auctor, cum de eius vitae incommodis nihil addere possit. Omentum intestinis, intestina inter se eodem modo vt variae mesarei conuolutiones coalitae erant, peritoneo in praeternaturalem crassitiem mutato. In thorace quoque pulmones cum pleura et pericardio, ipse etiam pericardii faccus cum corde coalitus apparebat, cor exiguum, aorta maxime distenta, tunicis in descendente parte passim induratis, ubi nimirum abscessus pure pleni conspiciantur.

73. *De optima forma mapparum geographicarum p. 553. disserit Cl. PATRICK MURDOCH.*

74. *Breuis dissertatio de mappis geographicis Auctore Cl. WILH. MOUNTAINE. p. 563.*

75. *Casus de effectu notatu digno vesicatoriorum ad p. 568. refrenandam celeritatem pulsus in tussi cum infarctu pulmonum et febre coniuncta. Auctore Cl. ROBERT. WHYT. \* Vesicatoria emplastra applicata pulmonum*

sum et circulationis vim incitare res nota est, attempta tamen obseruatione Noster didicit interdum contrarium effectum sequi. Foemina quinquaginta annorum tussi et pectoris oppressione laborabat cum pulsu celeri, venaesectio et medicamenta attenuantia et expectorantia parum solatii afferebant, post decem dies Cl. Auctor in consilium vocatus celerem pulsum, minime autem plenum, sentiens venaesectionem repetebat, sequenti tamen die doloribus non cessantibus, dextro lateri dolenti vesicatorium applicabat, ex quo die dolor cessabat, pulsusque celeritas remittebat, ficcata postea cute dolor denuo increfcebat, applicato autem vesicatorio ad nucham, remissio celeritatis pulsus iterum obseruabatur morbo simul toto discusso. Subiunguntur praeterea quatuor historiae morborum, ex quibus patet reiterata vesicatoriorum applicatione et pulsus celeritatem imminutam tussim pertinacem ficcam cum materiae pituitosae et fere purulentae reiectione et dolore coniunctam discussam fuisse, non neglectis tamen aptis aliis medicamentis.

P. 575. Concludit autem ex his Cl. Auctor in peripneumonia vera venaesectionem vnicum esse remedium, et vesicatoria non adeo vtilia deprehendi, licet tempestiue applicentur; in peripneumonia tamen mixta, vbi pulmones non sanguine, sed materia pituitosa infarctae sunt, venaesectionem non adeo conuenire quam vesicatoria et, paucis de aliis vesicatoriorum et fetaceorum effectibus interiectis, vesicatoria pleuritidi magis conuenire, quam peripneumoniae verae ostendit, idque ex vasorum et neruorum in pectore distributionibus declarare intendit.

P. 579. 76. *Exemplum memoratu dignum de quatuor calculis contra communem obseruationem in vesica urinaria humana asperis inuentis et optimo cum successu laterali ope-*



*operatione extractis a Cl. IOSEPHO WARNER. \**

Calculus, aspera superficie conspicuus, ex vesica extractus signum esse videtur, nullum alium calculum in ea detentum fuisse; vrget vero Noster chirurgum post extractionem vnius calculi in hoc signo acquiescere non posse, sed vel digito, si aeger duodecimum annum non superauit, vel instrumento quodam per vulnus immisso, ambitum vesicae disquirere debere, ne post vulnus sanatum aeger ad pristinum morbum disponatur. Refert igitur se calculos quatuor in omni superficie asperos eduxisse, qui in figura addita delineantur, ille etiam praeter hos calculos alios cum societate communicauit, qui singuli extracti fuerunt, attamen superficiem politam ostenderunt.

77. *Observationes de limace cochleato purpuram ferente Auctore Cl. ANDR. PEYSSONELL. Ad Antillas Americae insulas Cl. Auctor inuenit piscis quod-*

*dam genus peculiaris fabricae, quod ob antennas emissiles cum limace conuenire ait, licet in structura sua, imprimis ob laminam osseam vel corneam transparentem triangularis figurae in dorso positam, ad sepiam quodammodo accedere videatur, postquam itaque fabricam externam atque internam imprimis digestionis organa accurate descripsit, de canale aliquo differit, qui liquorem vere purpureum continet. Cauum aliquod separatum ab eo, quod viscera continet, a capite ad caudam animalis extenditur, flauesciente liquore plenum est, et a carnosa animalis parte formatur; hoc cauum apice apertum est et organum, quod purpureum succum continet, vicinum habet. In dorso animalis cauitas est, ex qua canalis purpureo succo repletus exit, et in corpus fimbriatum mesenterio simile fertur, in hoc enim*  
ille

\* lectum d. 23. Febr.

ille succus perficitur et postea in saccum sub lamina cornea transparente positum introducitur, Animal hoc attactu irritatum se contrahit, et, vt sepia nigrum, sic hoc purpureum succum effundit. Succus hic egregio et constanti colore lintea tingit, de ea autem colligendo nondum cogitatum fuit.

p. 590. 78. *Nouae observationes de verme spongiarum formante*  
*Auctore Cl. IOH. ANDR. PEYSSONELL.* Vermiculi coniciduas vel tres lineas longi et tertiam lineae partem crassi, transparentes in spongiis habitant et ex muco suo spongiarum ita formant, vt apes fauos, quam rem in nonnullis spongiarum varietatibus, quas IOH. BAUHINUS Perotias dixit, disquisiuit. Data vltiori huius animalis descriptione, quam breui recensione assequi non possumus, ostendit, mucum cum arena tenuissima ita combinari, vt spongia formetur tenax non destruenda, nisi illa calore solis exsiccata in pollinem fatiscat, vel putredine resoluatur.

p. 594. 79. *Relatio experimenti, quod ostendit sal martis non intrare vasa lactea, additis quibusdam animadversionibus ex litteris Cl. EDUARDI WRIGHT ad Cl. TH. BIRCH* \* Dissertationem de ferrearum particularum progressu in sanguinem proposuerat Cl. MENGHI-  
 NUS \*\* Noster itaque in hanc rem inquisiuit et salis martis vnciam vnā et semis in aqua soluit, et cum pane et lacte subegit et cani esurienti exhibuit, hoc paulo post viuo aperto vasa lactea albo colore conspicua vidit, intestino tenui aperto, mixturam  
 ex-

\* lecta d. 2. Mart.

\*\* Obiter hic indicamus Cl. MENGHI-  
 NVM experimenta non de *progressu* martis ad sanguinem, sed de eius *sede* instituisse. vid. Commentarii de Bononiensi scientiarum et artium instituto atque academia. Tom. II. Part. II. p. 244.



exhibitam ipsam, nullam vero mutationem in colorem nigrum obseruauit, chylo, ligato ductu thoracico, collecto solutionem pulueris gallarum instillavit, color autem, qui in martis praesentia subito mutatur, hic non mutatus fuit, purpureus autem factus, postquam quarta pars grani salis martis admixta fuit. Ex his concludit Noster sal martis non intrare lactea vasa et eius virtutem ultra primas vias se non extendere, his tamen irritatis, ex consensu nervorum in toto systemate solidorum vim roborantem excitari.

80. *Dissertatio de antiquitate vitri ad fenestras ad p. 701.*  
*hibiti ex literis Cl. IOH. NIXON ad Cl. TH. BIRCH.*

81. *Relatio de casu extraordinario efficaciam corticis p. 609.*  
*peruuiani in delirio febrili demonstrante Auctore Cl. NICOLAO MUNCKLEY \** Vir triginta annorum febre continua, magno scilicet aestu et pulsu celeri agitato, post aliquot dies haec symptomata non amplius percipiebat, sed prorsus sanus videbatur, subito tamen delirium sine febre oriebatur, quod Noster cortice peruuiano exhibito ita refrenauit, ut signa coctionis et criseos in vrina, quae antea desiderabantur, protinus sese ostenderent. Qua occasione data Noster porro in laudes corticis peruuiiani excurrit.

82. *Relatio de terrae motu prope Lingfield in comitatu Surriensi et prope Edenbridge in Cantio p. 614.*  
*d. 24. Ianuario 1758 percepto, Auctore Cl. IACOBO BURROW.* Non nisi lectulorum et fenestrarum motus a quibusdam incolis perceptus fuit.

83. *Relatio de prima phalanga pollicis una cum p. 617.*  
*flexore tendine toto auulsa ex literis Cl. ROBERT*

HO-

\* lecta d. 6. Aprilis.

HOME *ad* Cl. IOH. PRINGLE. Paecipuum symptoma erat dolor ad ipsum tendinis auulsi tractum obortus, fomentis tamen dissipatus, et cicatrix post exfoliationem extremitatis secundi articuli formata fuit.

p.619. 84. *Relatio de rebus antiquis, quae nuper in Herculaneo detectae fuerunt, cum descriptione terrae motus ex literis Cl. CAMILLO PADERNI ad Cl. TH. HOLLIS. d. 1 Febr. 1758 datis.*

p.623. 85. *Uterius tentamen ad facilitandas resolutiones problematum isoperimetricorum Auctore Cl. TH. SIMPSON. \**

p.631. 86. *Observationes de alga marina latifolia Auctore IOH. ANDR. PEYSSONELL. Amplam, non tamen absolutam, huius plantae descriptionem tradit, quae ob radicem praesertim notatu digna est.*

p.635. 87. *Relatio de destillatione aquae dulcis ex aqua marina per cineres ligni praestita ex literis Cl. WILH. CHAPMAN ad Cl. IOH. FOTHERGILL. In defectu aquarum Cl. Auctor, qui nauclerus est, vasa quaedam ita adaptavit, quo aquae destillationi inferuissent, hanc operationem ex animaduersionibus libelli cuiusdam de aqua marina dulci reddenda, primo cum sapone suscepit, et aquam quidem ad potum aptam, oleoso tamen et rancido sapore non nihil ingratam obtinuit. Paulo post et cineres ligni simili ratione iunxit et meliorem aquam obtinuit, cum vero accuratam destillandorum proportionem non definierit, haec nouis experimentis eruenda erit.*

88. *Ob-*

\* lectum d. 13. Aprilis.



88. *Observatio Eclipsis lunaris facta Matriti a Reu. p.640.*  
*Patr. IOH. WENDLINGEN die 30 Iulii 1757. \**

89. *Observatio de leni terrae motu sed singulari, p.645.*  
*qui causam magnorum et vehementium terrae motuum*  
*provincias et urbes invertentium indicare videtur Au-*  
*ctore Cl. IOH. ANDR. PEYSSONEL. In insula*  
*Guadaloupe Noster leuem terrae motum observa-*  
*vit, et inuenit causam eiusdem in impetu vndarum*  
*maris positam esse, quae saepius etiam mari tran-*  
*quillo existente versus insulam appellunt, et in*  
*cryptas quasdam subterraneas propulsae aerem ibi*  
*detentum comprimunt et vrgent. Accuratiore etiam*  
*examine didicit, septem vndas successiue appelli et*  
*ultimam demum hunc effectum producere, quo fa-*  
*cto mare iterum recedit et terra tranquillior red-*  
*ditur.*

90. *Catalogus quinquaginta plantarum ex horto p.648.*  
*Chelseano, societati regiae a societate Pharmacopeorum*  
*ad annum 1757 exhibitarum per Cl. IOH. WILMER.*

91. *Historica consideratio generis plantarum, quod p. 652.*  
*Cl. Viri MICHELI, HALLER et LINNAEVS Li-*  
*chenem dicunt. et quod DILLENIVS ad Vjneam,*  
*Coralloidem et Lichenoidem retulit, attentione praeci-*  
*pua ad varium usum habita Auctore Cl. WILH. WAT-*  
*SON \*\*. Paucas, nec satis accurate descriptas, li-*  
*chenis species veteres nobis tradiderunt, recentio-*  
*res autem hoc genus auxerunt, alii ordines va-*  
*rios constituerunt, alii genera diuersis nomini-*  
*bus insigniuerunt, et species et varietates syno-*  
*nimis additis descripserunt; Cl. Auctor itaque labo-*  
*res botanicorum in hoc genere plantarum susceptos*  
*studio-*

\* lecta d. 20. Aprilis.

\*\* lecta d. 27. Aprilis et d. 4. Maji.

studiose perquirat et quo medicos aequae ac oeconomicos usus, ex instituti ratione melius indicare possit, septem ordines proponit et definitionibus concinnis explicat, *Lichenes* scilicet 1. *filamentosos*, 2. *fruticulosos*, 3. *pyramdatos*, 4. *crustaceos*, 5. *foliaceos*, *scutellatos*, 6. *erectos*, *ramosos*, *planos*, 7. *peltatos*. Cum omnia, quae ex tot scriptoribus historiae naturalis Noster coegit, huc referre nequeamus, selecta tantum specimina exhibeamus.

p.662. *Usnea vulgaris loris longis implexis* DILL. *Lichen plicatus* LINN. excoriationibus cutaneis medetur, et a Lapponibus hunc in usum ad pedes applicatur. *Usnea barbata loris tenuioribus villosis* DILL. *Lichen barbatus* LINN. ab incolis Pensylvaniae ad tincturam aurantii coloris producendam adhibetur. *Usnea iubata nigricans* DILL. *Lichen iubatus* LINN. pabulum est ceruorum, rangiferorum et *usnea capillacea et nodosa* DILL. hyberno tempore vaccis et ouibus in Virginia pabulum exhibet. *Usnea* cranii humani in materia medica recepta, ad hoc genus non pertinet et variae species crustacei et villosi lichenis casu in craniis excepti crescunt, nullius ferme usus in medicina.

p.666. Inter *Lichenes fruticulosos* *Coralloides montanum fruticuli specie ubique candicans* DILL. *Lichen rangiferinus* LINN. praecipue attendi meretur, licet enim omnes ferme lichenes pabulo apti sint, et in septentrionalibus regionibus hae plantae in terris desertis crescant, et reliquarum plantarum defectum compensent, nulla tamen frequentius deprehenditur, quam haec species, quae ideo et ceruis rangiferis et aliis animalibus, partim ob gelatinosam, partim ob subadstringentem indolem optimum nutrimentum praebet, ex quo non tantum vitam sustinent, sed etiam pinguescunt. *Coralloides corniculatum fasciculum tinctorum fuci teretis facie* DILL. *Lichen Rocella* LINN. orchel



*orchel* siue *argol* inter plantas tinctorias non vltimum locum occupat, sed a veteribus forte iam in hos vsus adhibita et nostris temporibus eo nomine laudatur, cuius rei multa testimonia hic adducuntur, et ostenditur varias Lichenum species rubrum colorem exhibere.

Alia plura de Lichenum variis speciebus ex optimis scriptoribus excerpta in hoc specimine adducuntur, et in conclusione adiecta simul ostenditur, has plantas nos de virtutibus plantarum neglectarum et oeconomicis et medicis conuincere.

92. *Descriptio sceleti fossilis crocodili, in littore maris prope Whitby in comitatu Eboracensi detecti, in epistola ad Cl. IOANNEM FOTHERGILL, a nauclero GVILLELMO CHAPMANNO data.* Exhibet iconem schisti aluminosi, cui inhaerent ossa animalis cuiusdam non satis cogniti. Conspicitur integra maxilla superior, in quibusdam locis ab inferiori tecta. Reliqua ossicula vertebrae sistunt, quae totum spinae dorsalis tractum ostendunt, quamquam in variis locis vertebrae exemptae sunt, et earum tantum impressiones apparent. Diameter vertebrarum tres imo quatuor cum dimidio pollices exaequant, et spinam componunt decem pedes longam. Deprehenditur in loco a cauda non adeo remoto quoddam vestigium ossium innominatorum, ipsisque vertebrae costarum vestigia adhaerebant, quae tamen friabilia in puluerem dehiscebant. In quibusdam ossiculis periosteum adhuc cernitur. Primum quidem pro piscis cuiusdam exuviis habebat Cl. Auctor hoc petrefactum, costarum tamen, ossium innominatorum et ossis femoris praesentia commotus ad lacertarum genus referri posse nunc autumat et crocodili speciem esse coniicit.

p. 692. 93. *De rariori quadam orthoceratitis specie in Suecia reperta tractatus; in litteris a Cl. NICOLAO de HIMSEL ad WILH. WATSON.* \* Varias particulas orthoceratitarum, quas circa *Kelwickam* prope *Fahlunam* in *Dahlia* reperit, lapidi calcareo cinerii coloris inspersas describit. Diuersae magnitudinis articuli componunt interdum orthoceratites satis longum ad longitudinem duorum cum semisse pedum. Siphon lateralis in omnibus conspicuus, et diaphragmata quoque, mox testa sua naturali adhuc constantia, mox in calcaream vel spathosam materiam mutata comparent.

p. 695. 94. *Uterior relatio \*\* de effectibus electricitatis in cura morborum ex literis Cl. PATRICK BRYDONE ad Cl. ROBERT WHYTT.* Foemina iunior crus dextrum ex valida contractione musculorum, ad femur situm, ita retractum habebat, ut terrae insistere non posset; haec tentatis electricitatis effectibus aliquod leuamen percipere videbatur, cum tamen aliqua debilitas remaneret, ea balneo frigido utebatur, inde tamen in pristinum morbum recidebat. Alia foemina triginta annorum paralyti subito affecta et sensatione quoque in sinistro latere destituta, post applicatos electricitatis impetus subito quoque conualuit. Alia quoque foemina iunior refrigerio et sensus defectu in sinistra manu per biennium iam affecta et manu ipsa ad tactum frigida existente ex effectibus electricitatis conualuit, et licet reciduum pateretur, tamen auxilio denuo applicato egregie sanata fuit.

p. 699. 95. *Relatio de tristis congregatione Oxoniensi ex diariis Collegii Mertini huius universitatis excerpta et a Cl.*

\* lectus d. 11. May.

\*\* vid. Comment. nostr. Vol. IX. Part. IV. p. 692.



IOH. WARD *communicata cum animadversionibus* Cl.  
TH. BIRCH. \* Est relatio de morbo quodam epi-  
demico, mense Iulii 1757 vehementer saeuiente,  
quo multi et singularibus symptomatibus affecti et  
subito extincti fuerunt. licet symptomata non ac-  
curate satis definiantur, cum febre tamen putrida  
carcerum conuenire videtur, quod in animadver-  
sionibus additis ex historicis testimoniis illustratur.

96. *Descriptio et forma urbis Peking, quae metro-* P.704.  
*polis Chinae est, communicata a Rev. P. S. I. GAU-*  
BIL. \*\*

97. *Tentamen emendandi operationem ventilato-* p.727.  
*rum auxilio machinae igneae ex literis* Cl. KEANE  
FITZ-GERALD *ad* Cl. TH. BIRCH. \*\*\* In variis  
iconibus machinam igne motam declarat, cuius  
ope aqua ex cryptis subterraneis educitur, et offen-  
dit quomodo illa simul ad corrigendum aerem sub-  
terraneum applicari queat.

98. *Relatio de quibusdam experimentis diuersam re-* P.733.  
*frangibilitatem lucis declarantibus, Auctore* Cl. IOH.  
DOLLOND. Continet correctiones errorum, qui  
a diuersa refrangibilitate radiorum lucis in vitro obie-  
ctiuo telescopiorum refragentium oriuntur, quibus  
id obtinetur, vt ea telescopia a coloribus peregri-  
nis libera ita distincta inueniantur, vt telescopia re-  
flectentia.

99. *Relatio de quibusdam singularibus effectibus ex* p.743.  
*convulsionibus natis ex literis ad* Cl. IOH. HUXHAM  
*a* Cl. WILH. WATSON. \*\*\*\* Foemina iunior ve-

K 2

he

\* lecta d. 25. May.

\*\* lecta d. 1. Iunii.

\*\*\* lecta d. 8. Iunii.

\*\*\*\* d. 15. Iun.

hementissimis, quas Cl. Auctor vnquam vidit, convulsionibus et vniuersalibus et particularibus agitata, id singulare ostendebat, vt musculi spasmo affecti consopito impetu, paralytici fierent: v. c. musculis deglutitionis spasmo affectis, paroxysmo etiam cessante, post plures horas nec guttulam liquidi deglutire poterat. Oculis affectis remanebat gutta serena completa, ita vt lucis radios dilatatis pupillis sine omni sensu susciperet. Post similem vehementem paroxysmum coecitas quinque dierum successit. Musculis laryngis spasmo agitatibus muta substitit, licet, vti Cl. Auctor monet, loquela motibus linguae et vicinarum partium minime autem laryngi adscribatur. Acquisita iam loquendi facultate, nouus paroxysmus superueniens eam iterum per quatuordecim menses hac facultate priuauit, quam tamen iterum obtinuit et ab eo tempore conseruauit, quo per quatuor horas violentis saltationibus agitata et aestu commota fuit. Tristis et ideo erat aegrae conditio, quod cum loquela etiam scribendi facultatem amiserat, nec hac ratione ideas suas aliis communicare poterat; hanc tamen cum loquela iterum recuperauit. Cum validae conuulsiones saepe subitanam mortem inducere viderentur omnia, quae poterat Noster, applicabat auxilia, sed incassum. Et electricitatis effectus, viribus non nihil confirmatis, tentati fuerunt, sed conuulsui paroxysmi inde excitabantur, nihil itaque agendo expectatione sola aegra ita restituta fuit, vt nunc ab omnibus incommodis libera inueniatur.

p.746. 100. *Relatio de vehementi tempestate cum grandine in Virginia Auctore Cl. FRANCISCO FAUQUIER.* \*

p.747. 101. *Relatio de singulari casu oculi laesi ex literis Cl. DANIEL PETRI LAYARD ad Cl. MATTH. MATY.*

\* lecta d. 9. Nouembr.



MATY. Robustus adolescens tredecim circiter annorum circa paschatos tempus rem quandam vehementissime percutiendo subito dolorem vehementem in oculo sinistro percipiebat, cui non tantum inflammatio vehemens, sed extensio quoque bulbi succedebat. Pluribus remediis sine fructu tentatis, mense Octobri laesus oculus a Nostro et nonnullis chirurgis disquirebatur, qui bulbum oculi ita protrusum iuveniebant, ut super genas ad labium superius propenderet. Bulbo oculi itaque ad angulum externum inciso, eius propendens pars curvis forficibus proxime ad palpebras praescindebatur, cavitas depurata linteis carptis replebatur et epithematibus ex vino rubro et aqua applicatis, morbus brevi, contractis palpebris sanari videbatur. Cum mense Nouembri aeger refrigerium admitteret, dolores recrudescebant, palpebrae distendebantur, et inflammatione cum febre succedente, fungosae excrescentiae oriebantur reprimentibus non coercendae, et cum pus serosum efflueret, caustica sine metu carcinomatis excitandi applicari vix poterant. Febre itaque consopita, sicca diaeta praescribebatur.

Cum mense Februario sequentis anni relictæ post primam operationem tunicae bulbi multum prominere viderentur, et insignis fluctuatio contentae materiae hydrophthalmum indicaret, incisio nondum tentari proterat; mense tamen Iunio, cum cystis ex membrana extensa formata multum prominere et fluctuatio melius percipi posset, incisione facta larga copia feri limpidi odore et sapore destituti profiliebat, et licet cauum linteo carpto repleretur serosus tamen affluxus diu continuabat, fungus autem interea imminuebatur. Vulneri applicabatur unguentum ex gummi elemi, et fungo mixtura ex aqua calcis, rosarum et tinctura myrrhae

illiniebatur, quo facto cystis tandem collapsa forcipe  
haud difficulter extrahebatur et aeger circa initium  
Augusti cum sanitate in gratiam rediit.

p.751. In animaduersionibus additis Cl. Auctor hanc  
morbi historiam cum alia comparat, qua vehemens  
extensio bulbi oculi cum fungosis excrescentiis ex  
tussi pertinaci orta fuerat, venaesectiorem, mo-  
derata purgantia, externa reprimentia melius con-  
venire ostendit, quam fortiora et drastica purgantia  
et topica vinctuosa et emollientia. Si etiam humor  
aqueus ita augeatur vt bulbus extra palpebras pro-  
trudatur, tunc incisio, quae humorem emittit, omni-  
no administranda est.

p.754. 102. *Relatio de calore atmosphaerae in Georgia ex  
litteris Ill. HENRICI ELLIS Gubernatoris Georgiae  
ad Cl. IOH. ELLIS.* \* Incolas Georgiae et inpri-  
mis vrbis Sauannah, quae in colle arenoso inter syl-  
vas sita est, calidiorem aerem respirare, quam in aliis  
prouinciis Cl. Auctor obseruationibus suis confir-  
mare annititur. Thermometrum mercuriale die  
17 Iulii 1758 ad 102 gradus ascendit, et die 28  
Iunii et 11 Iulii similem altitudinem attigit, alias  
saepe ad 100 et interdum ad 98 gradus ascendit  
nocte autem ad 89 descendit. Anno antecedente  
inter 84. et 90 gradus variauerat, et vna tantum  
vice ad 92 ascenderat. In aere libero interdum  
obambulando thermometrum ab umbraculo depen-  
dens ad 105 gradus ascendit, eo ipso tamen tem-  
pore illud, ad summe calidam corporis sui partem  
applicatum ita descendit, vt ex calore corporis  
nunquam super 97 gradus ascenderit. Thermo-  
metrum, quo in his obseruationibus vsus est Noster  
optimum esse monet, illud nimirum, quo in aliis  
quoque prouinciis experimenta instituit, cum qui-  
bus

\* lecta d. 16 Nouembris.



bus has suas obseruationes comparat, et subiungit, non obstante tanto atmosphaerae calore incolis fanitate constanti frui, licet etiam subitaneae interdum mutationes eueniant, v. c. die decimo Decembris anni praecedentis mercurius ad gradum 86 ascenderat et vndecimo ad 38 iterum descenderat.

103. *Inuentio methodi generalis determinandi summam terminorum in serie, quorum quilibet a se secundum ordinem seriei sumtus semper est vel secundus vel tertius vel quartus cet. supposita totius seriei summa cognita* Auctore THOMA SIMPSON. p.757.

104. *Obseruatio Eclipsis Lunae d. 30 Iulii 1757* p.769. habita Olissipone a Cl. IOH. CHEVALIER communicata a IACOBO de CASTRO SARMIENTO.

105. *Obseruatio singularis de pomis Mancanillae* p.772. Auctore Cl. IOH. ANDREA PEYSONELL. \* Effectus venenati arboris Mancanillae, quae est *Hippomane foliis ouatis, serratis* LINNAEI Sp. Pl. no. I. p. 1191. ita noti sunt, vt et guttae pluuiiae ex foliis decidentes cutim pustulis adurant, fructus tamen eius imprimis inter vehementissima venena referuntur. Vir robustus quadringenta quinque annorum magnam copiam horum pomorum comederat, post horae spatium iam venter intumuit cum insigni et ardente intestinorum dolore, quae quidem symptomata nocte subsequente insigniter crescebant, oris labia praeterea ab acri succo exulcerata erant, et sudor frigidus ex corpore manabat. Vnus ex Nigritis decoctum foliorum Ricini, qui Gallis *Medicinier* dicitur, et *Iatropha foliis multipartitis laevibus*

K 4

\* Eadem obseruatio, hic tamen paulo accuratius proposita, vid. in Commentariis nostris Vol. VIII, Part. III. p. 463.

*vibus stipulis setaceis multifidis* LINNAEI sp. pl. no. 4 p. 1006 est, parabat, quo largius hauſto vomitu et deiectionibus aluinis per quatuor horas exercebatur ita, vt moribundo ſimilis eſſet. Halica ex oryza parata, quae eidem copioſe propinata fuit, haec incommoda ita leuabat, vt non tantum venter detumeſceret, ſed aeger conſuetis negotiis ſubeundis par eſſet.

p.774. 106. *Excerptum ex literis Cl. WILH. ARDERON ad Cl. HENRICVM BACKER de magnetiſmo et directione polari cupro luteo (Braſs) communicanda.* Recenſet tentamina de vi magnetica cupri lutei, licet num ipſi metallo ex ſua natura inſita ſit, an cudendo et malleo et lima tractanda eidem applicetur, Noſter affirmare non audet. Neque aſſumi poteſt, ferrum fuſione admixtum hoc praeflare, cum haec metalla vix combinentur et metallum, quod Cl. Auſtor elegit, egregie luteo colore conſpicuum, nec peregrinis particulis mixtum fuerit. Cupro (rubro), plumbo et ſtanno cum plumbo mixto vim magneticam nullo modo communicare potuit. Licet igitur multa experimenta inſtituerit Noſter, aliis tamen hanc rem examinandam vlterius commendat, et tantum monet ad conſciendas pyxides nauticas cuprum luteum ineptum eſſe.

p.777. 107. *Relatio do polypo marino Auſtore Cl. HENRICO BACKER.* \* Polypus marinus octopus, Sepia et Loligo tanquam congenera animalia a Cl. Auſtore ſummatim deſcribuntur, poſtea polypus verus octo brachiis inſtructus in vario ſitu adumbratus deſcriptione addita illuſtratur, haec tamen in multis partibus nobis manca viſa fuit, quoniam animal, cum ex mollium genere ſit, in ſpiritu vini nimis

\* lecta d. 23 Nouembris.



nimis contrahatur et mutetur vti potissimum ex ostii in centro brachiorum positi descriptione patet.

108. *Descriptio sceleti fossilis animalis in schisto p.786. aluminoso prope Whitby reperti Auctore Cl. WOOLLER communicata per Cl. CAROL. MORTON. Eiusdem, quod supra iam commemoratum fuit\*, petrefacti descriptionem cum icone sistit Cl. WOOLLER, id tantum addit et in icone etiam exprimit, esse in vicinia huius sceleti alios adhuc lapillos inspersos, qui conchyliorum petrefactorum ammonitarum nautilitarum cet. figuras referrent. Exuvias hasce quodammodo conuenire contendit cum animali a Cl. EDUARDO\*\* descripto, quod hic appellauit *Lacertam (crocodilum) ventre marsupio donato, faucibus merganseris rostrum aemulantibus.**

109. *Dissertatio super characteribus numerorum p.791. Phoeniciis olim Sidone vsitatis ex literis Cl. IOH. SWINTON ad Cl. TH. BIRCH datis\*\*\*.*

110. *De irregulari motu satellitis a sphaeroidea figura primariae planetae dependente, ex literis Cl. CAROLI WALMESLEY ad Cl. IACOB. BRADLEY\*\*\*\*.*

111. *Observationes nonnullae, quae historiam morbi pueri Nordfolciensis concernunt in literis Cl. I. WALL ad Cl. CAR. LYTTTELTON propositae\*\*\*\*\* Symptomata spastica huius pueri vermibus adscribenda erant, qui*

K 9

mix-

\* vid. no. 92. huius Part et Comment nostr. p. 145.

\*\* vid. Philosph. Transact. Vol. XLIX. p. 639. et Comment. nostr. Vol. VIII. Part. I. p. 165.

\*\*\* lecta d. 7 Decembris.

\*\*\*\* lecta d. 14 Decembris.

\*\*\*\*\* vid. no. 66 huius partis et Comment. nostr. p. 135. —

mixtura ex oleo et cerussa largius hausta fugati fuerunt. Mirandum quidem est, quomodo tantam cerussae copiam sine noxa ferre potuerit, oleum tamen noxium eius effectum impediuit, ita vt forte solo pondere in nidis vermium turbandis utilis fuerit. Olea pressa iam dudum vt anthelminticum medicamentum assumpta fuerunt, quod tracheas vermium obturando eos enecant, forte tamen non semper in ea copia, quae effectum praestare potuerint. Praemissis itaque nonnullis de drasticeis medicamentis purgantibus, vermes exturbantibus, Cl. Auctor tentamina cum olei larga copia exhibita suscepta recenset. Aegro, qui vermibus affectus videbatur, varia tamen anthelmintica medicamenta sine fructu assumerat, exhibuit bis de die tria cochlearia mixturae ex oleo oliuarum libra semis et spiritus volatilis aromatici drachmis duabus, quem ideo addidit, quo saponaceum magis redderet medicamentum, quod etiam effectum suum in vermibus expellendis praestabat. Alia quoque recenset tentamina, vbi medicamenta vel mere oleosa vel maximam partem oleosa exhibuit et largam vermium copiam exturbauit. Est tamen aliqua in oleis differentia. Oleum scilicet nucum, lini et alia, quae in aere libero siccantur, praestantiora sunt, cum poros vermium magis occludant, quam olea nimis aquosa vt oleum amygdalarum, illis tamen olea destillata, amara et aromatica addi possunt. Haec medicamenta tamen ieiuno ventriculo sumantur et in tanta copia, quantum ventriculus fert, interposito interdum purgante rhabarbarino, mercuriali vel aloetico.

Ex citata morbi historia quoque intelligitur, spasmos, licet facultates animae caput afficiendo ad tempus tollant vel supprimant, nullam tamen destructionem, ex qua organa profus labefactantur, inducere, redeunt potius vires intellectus, quod et aliis exemplis comprobatur.

Sub-



Subiungit historiam morbi puellae nouem annorum, quae rodente dolore ventriculi affecta tandem vomitu phlegma copiosum et vermes millepedibus similes reiecit, hi diuersae magnitudinis erant et successiuam generationem et euolutionem probabant; reiecti adhuc vivebant, paulo post mortui, et, his euacuatis, puella conualuit.

112. *Observationes de corona solis marina americana* Auctore Cl. IOH. ANDREA PEYSSONEL. p. 843.  
Insectum hoc marinum seu animalculum ex mollium genere cum flore coronae solis comparat ideoque hoc nomen ei tribuit. Rupibus basi sua adhaeret, haec rotunda est et duos tresque pollices in diametro habet; ex centro prodeunt striae nervosae albae in mollem substantiam, intestinorum in modum conuolutam, quae copiosis glandulis obsita est, ideoque discum quasi floris sistit. In omni ambitu margo carneus eminet, qui cum inuerso praeputio comparatur et irritatus sphincteris instar se contrahit, ornatus tamen est papillis conicis duarum circiter linearum longitudinem aequantibus, quae quasi radii flosculos sistunt. Haec praeterea animalia nec oris nec viscerum vestigia exhibuerunt, ita vt de eorum organis nutritioni inservientibus nihil certi exponi potuerit.

113. *Relatio de variis rarioribus speciebus balani* p. 845.  
*et conchae anatiferae ex literis* Cl. IOH. ELLIS ad Cl. ISAACVM ROMILLY \*. Hic quidem nouas species cum Cl. ELLIS communicauerat, qui ideo eas examinando et cum variis aliis in Museo Britanico et aliis amicorum collectionibus comparando, in tabula quasdam earum delineare curauit, et succinctam descriptionem addidit. Animalculum hoc a Cl.

\* lecta d. 21 Decembris.

a Cl. LINNAEO Triton appellatur, testa autem ad Lepadem refertur. Noster vero sequentem et accuratam ope microscopii aquatici factam descriptionem animalculi sistit et postea species subiungit.

Habet vero animalculum viginti quatuor radios seu cirrhos, ex quibus duodecim longiores ex parte superiori et posteriori animalis antrorsum feruntur et per paria disposita communi basi inseruntur. Hi vt crispae et articulatae pennae ad articulos pilosae apparent, semperque ad praedam capiendam dispositi sunt. Duodecim minores cirrhi sub his in duplici serie disponuntur per paria coniuncti magis pilosi, his manuum ad instar praedam retinent. Proboscis ex media basi cirrhorum maiorum producitur, iis tamen longior est maxime mobilis transparentis et tubulosae fabricae, ex annulis composita in extremo circulo fetis quoque mobilibus praedita. Setae tamen et pili in animali mortuo disparent. In transparente proboscide lingua quoque mobilis haeret, obscuriore colore distincta. Os inter quatuor cirrhos positum bursam contractam refert, in cuius plicis laminae corneae vt dentes vel ferrati vel pilosi haerent, quibus animalcula captam praedam retinent. Sub ore ventriculus et intestina haerent cum fibris, quibus ad testam affiguntur.

p.848. Exposito charactere huius generis, nunc ad species declarandas se conuertit Noster easque in duas series diuidit, in quarum prima eae, quae trunco siue caule instructae sunt, in altera, quae basi testaceae adhaerent, describuntur; viginti nimirum et egregia delineatione et succincta descriptione adumbrantur et explicantur; cum vero nos omnes repetere nequeamus, primae tantum speciei, quae praecipua videtur, descriptionem quandam exhibituri sumus. Est Triton nudum carnosum auritum et ad lepadem referri nequit, quod testa



testa non vestitur, et licet cum fabrica supra descripta conueniat, tamen in summitate duos tubulos aurium ad instar emittit. Adhaesit illud balano, qui pediculus ceti appellatur et in sexta specie describitur, hoc a labio belluae huius marinae anno 1757 captae separatim in spiritu vini conseruatum fuit. Truncus huius animalis ad longitudinem dissectus molli spongiosa et lutea substantia scatet, et contextum cellularem cellulis oualibus conspicuum fibrisque coniunctum sistit, in quo forte sperma huius animalis continetur, id quod etiam in vulgari concha anatifera Anglica obseruauit.

114. *Ulterior relatio de venenatis effectibus Oenanthæ aquaticæ succo viroso crocante* LOBELII Auctore Cl WILH. WATSON. Plantae huius effectus lethiferos iam olim declarauerat Cl. Auctor, eamque, quo magis attenderetur, et icone expressit\*, et cum cicuta vera aquatica comparauit, nunc nouam obseruationem addit. Vir robustus quinquaginta octo annorum medicamentum antiscorbuticum ex pastinaca aquatica, quae est sibi aquatici species, sibi parare suscepit, sed loco huius plantae radices oenanthæ collectae fuerunt, quarum succum expressit et quinque circiter cochlearia eiusdem post horam quintam matutinam hausit. Ad negotia sua expedienda progrediens paulo post non tantum de nausea conquerebatur, sed tanta etiam inprimis crurum imbecillitate afficiebatur, vt non nisi aliorum auxilio adiutus in domum suam redire posset, dolore inprimis capitis insigni affectus, et vomitu commotus, mensuram circiter semillem pellucidi aquo-

\* Vid. Transactiones Philosophicas ad annum 1746 no. 480 p. 227 et Tab. 3 est *Oenanthe foliis omnibus multifidis obtusis subaequalibus*. Linnaei Sp. pl. p. 254 no. 2.

aquosi liquoris rejiciebat, hoc ipso tamen non levabatur, conatu potius vomendi continuo agitabatur. Et stimulos ad excretionem aluinam frequentes percipiebat, nullis tamen subsequenter deiectionibus, in lectulum ideo repositus convulsionibus horrendis tentabatur et sensu penitus priuatus paulo post et ante horam nonam mortuus est. Causa morbi ignota erat, nec medicamenta sumere poterat aeger, vinum enim ex ipecacuanha paratum ob vehementissimum maxillae inferioris spasmus ingeri non poterat. Venae sectione decem unciae sanguinis subducebantur, sed sine ullo leuamine.

p. 859. 115. *Excerptum ex literis Cl. GEORGE FORBES ad Cl. IO. EATON DODSWORTH tradens patellam ad Bermudas insulas iuventam.* Exhibentur duae icones animalis ex testaceorum genere, descriptio tamen nulla additur et ex descriptione patellae, quam Cl. CAROLVS MORTON, a Cl. WILKINS datam, repetit, ideo noui huius animalis vix illustrari potest.

p. 860. 116. *Tractatio de Cinnamomo, Cassia vel Canella Auctore Cl. TAYLOR WHITE.* In definienda cinnamomi et cassiae differentia, in distinguenda vera Ceylonensi planta a Malabarica et Sumatrensi, in diiudicanda vera et essentiali conuenientia harum plantarum magna cum attentione versatur Cl. Auctor, cum autem praeter ramorum et foliorum diuersa specimina, praeter varias corticis partes hinc inde disquisitas, nihil habeat, quod illum in consensu variorum auctorum componendo dirigere possit, cum vera floris et fructus ratio, quae essentialia plantarum differentias non tantum in generibus sed etiam interdum in speciebus definit, ei ignota fuerit, et cultura varia plantarum et praeparationes nonnullae partium multa mutant, nihil omnino inue-



inuenimus, quod veram rei dispositionem ostendat, licet varia hanc controuersiam illustrantia occurant, quae passim excerpta, cum integram tractationem repetere nequeamus, ceu obseruationes notatu dignas cum lectoribus nostris communicabimus.

Varia foliorum figura et oualis et lanceolata vel ad hanc accedens in plantis vnus generis et speciei saepe conuenit, imprimis autem folia, quae ex iunioribus frondibus emittuntur, maiora et latiora sunt. Trineruia folia, quae in nostra planta characterem satis euidentem praebere videntur, incertum tamen eundem relinquunt, cum nec ad basin folii semper incipiat diuisio, sed interdum paulo altius, cum quinqueneruia folia occurant et ex his nervis tamen interdum vnus vel alter deficiat; quae cuncta ex variis foliis in tabula huic tractationi addita, delineatis egregie conspiciuntur. In colligendo cortice cinnamomi non quidem omni triennio corticem deglubunt, sed ramos multos praescindunt et ex his corticem colligunt, quo facto arboris frondes copiosius propullulant. Bataui collectos cinnamomi cortices in arena ficciores reddunt et ita viscositatem subtrahunt, cassia autem ex ramis annosioribus colligitur et viscositatem magis euidentem ostendit et multo quoque crassior est. Si Cassia ex Sumatra, quae experimento instituto ferme tantam, quam Ceylonensis olei copiam dedit, cultura apta tractaretur, ita vt in apto solo remota a maris litore coleretur ad dignitatem Ceylonensis omnino accederet. Maxima igitur cum probabilitate concludi potest omnes has plantas cinnamomi et cassiae non tantum genere, sed specie etiam conuenire, licet, vt in omnibus arboribus cultis videmus, in varietates innumeras et vix satis definiendas secedant.

XVI.

**D.** PHILIPP CONRAD FABRICII, *Herzoglich Braunschweig - Lüneburgischen Hoffraths, Professoris Medicinae Primarii zu Helmstedt, der dasigen medicinischen Societaet Praesidis und der Römisch Kayserlichen Academie der Naturforscher Mitglieds, zweyte Sammlung einiger medicinischen Responsorum und Sectionsberichte. Helmstedt, gedruckt bey Johann Drimborn, 1760. 8. pl. 54.*

h. e.

Secunda collectio responsorum aliquot medicorum cum quibusdam relationibus de sectis cadaveribus, Auctore PHILIPPO CONRADO FABRICIO.

**P**rimam, cuius iam indicamus continuationem, responsorum medicorum collectionem ante aliquot annos laudauimus \* ideoque nunc hanc alteram lectoribus nostris commendamus, quum idem, quod saepius iam probauit Ill. Auctor, de confirmanda artis nostrae doctrina eiusque amplificanda vtilitate studium atque industriam testetur. Septem casus in hac legimus, super quibus Helmstädiensis academiae medicorum iudicia eo tempore postulata fuerunt, quo Ill. Auctor decani munere fungens, maximam in illis exarandis laboris partem conferendi habuit occasionem; quibus deinde duas alias a se, tamquam medico priuato, super cadaueribus ab ipso dissectis conscriptas relationes, tandem vero itidem duas adiecit obseruationes anatomicas

\* vid. Comment. nostr. Vol. IV. P. IV. p. 618.



micas, alio iam tempore in programmatibus sic dictis academicis publici iuris ab ipso factas. In his vltimis aequae ac per aliam, in praefamine libro praemisso enarratam, similis casus historiam extra omnem dubitationem ponit, pulmones infantis recens nati, nondum tamen respirationem experti, per putredinem reddi solere tam leues, ut aquae innatent eodem modo, ac si vere spiritum duxisset infans, donec tandem, putredine ad summum usque gradum aucta, et aëre aliaque particulae elasticae prorsus auolauerint, ideoque pulmones ipsa aqua, cui innatauerant antea, nunc denuo grauiiores facti, fundum ipsius petant. Quod ipsos casus forenses attinet.

*Primus ex illis quaestionem dirimit, num infans p. 1.*  
*uius natus fuerit?* cuius motum grauiditatis tempore perceperat mater et qui iusto tempore facili- que partu, versus finem mensis nouembris ad mediam noctem in camera non calefacta editus, linguam obstetricis digito in os immisso appellens, calidum spiritum edens osque semel aperiens, paulo tamen post, calida, qua corpus ablui potuisset, deficiente, mortuus deprehensus fuerat. Cadaueris neglecta sectio iudicium medicorum omnino difficile reddidit. Interim infantem hunc ex utero matris vere viuum prodiisse a vero propius esse ideo iudicauit medicorum ordo: quod partus fuerit facillimus: nullum antea mortui foetus signum perceperit mater, nec de horrore neque urgente tenesmo conquesta: quod foetus porro perfectus, calidus, non flaccescens, eiusque funiculus sanguine repletus fuerit: nec spuma circa os eius neque tumor in aliqua corpusculi parte obuius oedematosus apparuerit: ipsi denique obstetrici, aliqua ista vitae signa se percepisse narranti, uti feminae iuramento adstrictae, fidem haberi debere.

- p. 6.     *Secundus casus* meretricem damnat, quod *infantis viui nati et conite lethaliter laesi* mater mortem ipsi consciuisse putanda fuerit. Foetum enim ista facillime ediderat: neque antea experta fuerat aliquod infortunium, quod embryoni noxam afferre visum fuisset: foetus ipse quoad omnia membra sanus atque perfectus apparuit: sugillatio autem in suprema cranii parte externa et os bregmatis dextrum depressum cum sanguine cranium inter et duram matrem e vasis misso reperto vasisque cerebri et cerebelli atro sanguine turgentibus, deprehensa de sanguinis circulo in viuo infante et de externa villata, vti et pulmones aquae innatantes de praegressa respiratione, testata fuerant.
- p. 13.     *Tertius casus* historiam *infantis, ob funiculum umbilicalem non deligatum post partum mortui*, exponit. Quamuis nefanda mater primis iam grauiditatis mensibus fatis acribus remediis emmenagogis atque purgantibus vsa fuisset, partum tamen ediderat maturum iusto tempore facilique labore. Foetum clam editum in terram defoderat, ita vt post sedecim dies repertus sectioni demum subiici potuerit. Quum ille tamen propter gelu illius anni temporis a putredine nondum tactus fuisset, signum a pulmonibus aquae innatantibus de vita foetus eiusque respiratione testari posse, iudicarunt medici, matrem vero commissi infanticidii ideo potissimum arguerunt, quod funiculi deligandi curam non habuerit, hic vero cum omnibus vasis maioribus sanguine prorsus vacuus inuentus fuerit.
- p. 20.     *Quartus casus* *infantem viuum natum et culpa matris mortuum* concernit, super quo a medicis lata sententia ideo matrem infanticidii ream facit, quod ista nullam editi foetus curam habuerit, sed ipsum sibi relictum in abscondito loco sepelierit. Quum funiculus quidem umbilicalis circa collum circum-
- volu-



volutus fuerit repertus vasaque cerebri et cerebelli in secto cadauere turgida apparuerint, suffocationis quidem orta fuerat suspicio: eam vero certam fuisse ideo negauit medicorum ordo, quod rubrae striae circa collum deprehensae non fuerint; ventriculus cordis dexter sanguine non tumuerit, liuida stigmata in pulmonibus abfuerint, neque aliqua spuma in ore, trachea aut pulmonibus, reperta fuerit.

In quinto casu status animi in aegroto litteras cambiales scribente diiudicatur. p. 27. Aeger febre ardente laborasse, litteras tamen cambiales rite conscripsisse dicitur, vnde quaestio orta fuit, num mentis vsu tum temporis gaudere potuerit, quam quidem affirmarunt medici, licet ipsi traditum causae statum nimis breuem atque mancum fuisse moneant. Argumenta tamen assertionis suae haec sunt, quod obseruatione constet, in febribus ardentibus mixtam esse posse deliriis animorum tranquillitatem; litteras ipsas ex regulis iuris rite et sine aliquo errore, quin et addita aliqua cautela, conscriptas fuisse ideoque de animi praesentia aegri tum temporis obuia testari, aegrum denique tribus hebdomadibus post demum mortuum esse, ideoque ad delirium acutissimum nec interruptum, quippe quod mors longe citius insequi soleat, concludi non posse.

Sextus septimusque casus denuo infanticidii inuestigationem exhibent, quorum posterior, ob mancam de- p. 30. ponentis potissimum medici relationem, medicorum p. 41. iudicium reddidit dubium; prior autem matrem, propter violentiam infantis capiti illatam, omnino commissae caedis ream damnauit.

Relationem dissecti cadaueris post praegressam p. 48. apoplexiam sanguineam continet octauus casus. Iuuenis viginti quatuor annorum, valde plethoricus et de capitis doloribus interdum conquestus, post cephalalgiam vomitumque praegressum subito extinctus

fuerat. Cranio remoto leuataque dura matre, vasa inter tunicam arachnoideam et piam matrem decurrentia sanguine apparebant turgida; in ventriculorum cerebri anteriorum sinistro sanguinis tenuioris extra vasa missi vnciae circiter octo, in dextro autem aliquot cochlearia sanguinis atrii et spissi vti etiam cerebellum inter quartumque cerebri ventriculum eiusdem sanguinis aliquot vnciae inueniebantur, plexu choroideo dilacerato et hydatidibus sepito. Reliquae partes in calua contentae in naturali statu apparebant.

p. 52. *Nonus vltimusque casus* relationem cadaueris exhibet, vbi subsecutae mortis causam ab acceptis plagis prouenisse suspicio orta fuerat, quam potius tamen dysenteriae, illo tempore epidemice grassanti, adscribendam fuisse *Noster* iudicauit.

## XVII.

*Lettera del Signor Dottore SAVERIO MANNETTI, Professore appresso la Imperial Società fisico-botanica Fiorentina, e Medico del collegio di Firenze al Signor Dottore GIO. LORENZO GUARNIERI Pubblico Professore nell'archiginnasio Romano: Sopra la malattia, morte et dissezione anatomica del cadavere di ANTONIO COCCHI, celebre Professore di medicina in Firenze con diverse annotazioni risguardanti gli studi, perizia medica e opere del medesimo. Seconda edizione riveduta e corretta dall'Autore. In Firenze 1759. 4. pl. 4½.*



h. e.

Epistola D. XAVERII MANETTI missa ad D.  
IOH. LAURNTIVM GUARNIERIVM, de  
morbo, morte et sectione anatomica cada-  
veris ANTONII COCHII, cum variis adno-  
tationibus, ad studia, peritiam medicam et  
opera eiusdem viri pertinentibus. Editio  
altera.

**Q**uum ex anatome morbis mortuorum cadauerum  
haud raro obscurae antea morborum causae at-  
que effectus pateant, eamque semper ac frequentius,  
quam fieri solet, suscipiendam suadeant medici, hoc  
ipso impulsus argumento Cl. MANETTI, ea, quae  
de Cl. COCHII morbo et morte innotuerant,  
candide exponit: ita quidem, vt primo de tempera-  
mento, vitae genere, morbis perpeffis et eo potif-  
simum, quo vita finiebatur, diceret, sectionem  
deinde cadaueris enarraret, et obseruata in eo diudi-  
caret, Immiscuit autem varia ad vitam meritissimi  
viri pertinentia, quae cuncta, vt posteris tradantur,  
digna visa, hic breuiter indicabimus.

Robustum Cl. COCHIO natura dederat cor-  
pus, quod animi corporisque idoneis exercitiis  
confirmatum in iuuentute, variis ab ipso instituendis  
itineribus par reddebatur vegetumque. Cui con-  
seruandae sanitati non parum fauebat moderamen  
in cibo assumendo, quod solo prandio absoluebatur  
et plus vegetabili quam animali victu; nec non so-  
mnus paucus, sed sufficiens, balneorum vsus et  
abstinentia a vita sedentaria. Quae, quum plura in-  
fimo inprimis ventri contrahat mala, stando potius  
studiis, in quibus erat assiduus, vacabat, illum-  
que morem aliis admodum commendabat. Singu-  
laris autem animi adfectus, quo per mortem suae

vxoris commouebatur Cl. COCCHIUS, oppressio-  
ni pectoris, respirationi difficili, tandemque pulsus  
inaequalitati occasionem suppeditabat, nec non  
palpitationi cordis, postmodum remittenti iterum,  
sed subinde repetenti. Quibus quidem diris corpo-  
ris adfectionibus pro medica, quae in eo magna  
erat, scientia, obuiam ire nullo intermittebat tem-  
pore, simul autem studia non negligebat. In mu-  
tatione loci optimum ipsi videbatur auxilium esse,  
sed breui recrudescebat magna non nunquam cum  
vehementia morbus. Ex quo quum pectori in-  
haerens malum non obscure cognoscebatur, data  
hac occasione monet Cl. MANETTI, quod phthisi-  
corum numerus abundet Florentiis et in vniuersa  
Etruria, cuius morbi propagationem indagaturus  
Cl. COCCHI statuit, in consultatione, quae *Ma-  
gazzino Toscano* 1754. inserta legitur, effluuia pu-  
rulenta eiusmodi aegrorum nociua non esse, nisi  
vel per absorbentia vascula cutanea, vel per vasa  
aerea ad sanguinis massam deducantur, volatilia  
enim esse, et ab atmosphaera auferri, hinc eo tan-  
tum tempore nocere, si recentia sint aut in loco  
clauso, atmosphaeram, respiratione attrahendam,  
inficiant. Pergit deinde Cl. Auctor, in recensione  
morbi, illiusque progressus, qui sensim ita augeba-  
tur, vt suffocationis ingrueret metus, oedema cresce-  
ret, et in hydropem degeneraret, qui omnibus reme-  
diis cedere nescius, tandem vitae imponeret finem,  
sub anni huius seculi quinquagesimi octauo auspi-  
cium \*, postquam aetas eius ad sexaginta duos an-  
nos, quatuor menses et dies viginti octo deuenisset.  
Erat enim natus Beneuenti anno praeteriti seculi  
nonagesimo quinto. In academia Pisana anno hu-  
ius

\* vid. Comment. Nostr. Vol. VI. P. IV. p. 716 vbi lo-  
co die mensis Iunii primo lege die mensis Ianuarii  
primo.



ius seculi decimo septimo laurea medicinae atque philosophiae condecorabatur, et in fine eiusdem anni medicus nosocomii, a S. Maria noui, constituebatur, a quo tempore etiam regiae scientiarum Londinensi academiae, post vero multis aliis et tandem societati botanicae Florentinae adscribebatur. Anno deinde vicesimo sexto a magno duce Etruriae in vniuersitatae Pisana professioni medicinae theoreticae praeficiebatur, et anno tricesimo primo Lectoris anatomiae et philosophiae naturalis ipsi demandabatur officium: Anno vero quadragesimo quinto Lector anatomiae et chirurgiae magister in nosocomio S. Mariae eligebatur.

Summa vero in Cl. COCCIO in litteris proficiendi erat assiduitas atque indefessum aliis inferendi studium, quare in nosocomio, quod a S. Maria nouum dicitur, studiosos aequae ac priuatis in scholis eo potissimum ducebat, ut ex bene pensatis causis morborum naturam et recte curandi methodum, quam simplicissimam eligebat, edicerent, magis haec confirmant elegantes ab ipso editi atque confecti libri, quorum catalogum, prout hic adducitur, quatenus illi ad medicinam pertinent, inferere non ingratum futurum esse lectoribus suspicamur. Sunt autem hi.

**Medicinae laudatio.** Lucae 1727. 4. *Oratio inauguralis, quum in academia Pisana Professoris munus obtineret.* Recusa est Florentiae 1761. 4.

**Dissertatione dell' uso esterno,** appresso gli Antichi dell' acqua fredda sul corpo umano, in Venezia 1735. 4. *Inserta quoque fuit dissertationum collectioni quae dicitur Raccolta delle Dissertazioni dell' Accademia Etrusca di Cortona.* Praeterea denuo recusa prodiit Venetiis, in 16.

De usu artis anatomicae. Florentiis 1736, 4. *Oratio habita in academia Florentina, quum Anatomiae et Philosophiae Lector constitueretur. Recusa ibidem, 1761. 4.*

Elogio di PIETRO ANTONIO MICHELI, Botanico dell' A. R. de Sereniss, Granduca di Toscana e Fondatori della Societa Botanica Fiorentina, letto pubblicamente nella Sala del Consiglio di Palazzo Vecchio il di 7 d' Agosto 1737; in Firenze, 1737. 4.

Del Vitto Pitagorico per uso della medicina Discorso; in Firenze, 1743. 4. *Iterum recusatus fuit hic liber Venetiis 1750. 16. et a BENTIVOGLIO in gallicum translatus sermonem prodiit. Geneu. 1750. 8.*

Discorsi di Anatomia di LORENZO BELLINI, col la prefazione di ANT. COCCHI, Tom. I. in Firenze 1741 Tom. II. et III. ibid. 1744. 8. *Prior Tomus deinde 1742 Venetiis quoque recusatus fuit, an et reliqui? ignoramus. Neapoli vero integer hic liber quoque prodiit.*

Discorso dell' Anatomia; in Firenze, 1745. 4 *habitus, quum in nosocomio a S. Maria Lector et Anatomicus constitueretur.*

Discorso sopra l' Istoria naturale, letto da Lui pubblicamente in Firenze in occasione del Ristabilimento dalla Societa Botanica Fiorentina il di 11 Sept. 1734. in Firenze 1748. fol.

Di Bagni di Pisa, in Firenze 1750 '4.

Graecorum chirurgici libri: SORANI vnus de fracturarum signis; ORIBASII duo, de fractis et luxatis e collectione NICETAE ab antiquissimo et optimo codice Florentino descripti, conuersi atque editi ab ANT. COCCHIO, Florentiae 1754 fol. \*.

Con-

\* v. Comment. nostr. Vol. IV. P. III. p. 535.



Consulto medico sopra il Contagio della Tabe Polmonare. *Consilium hoc, cuius Auctor ANT. COCCHIVS est, exstat in Promptuario Hetrusco, quod vocatur Magazzino Toscano d'istruzione e di piacere. Tom. I. mens. Ianuario 1755 p. 468.\**

Discorso sopra i Vermi Cucurbitini dell' Uomo: letto in Firenze nell' an 1734 in una Adunanza della Societa Botanica, in Pisa 1758. 8.

Discorso primo sopra Asclepiade in Firenze, 1758 cum praefatione RAIMVNDI Filii.

*Cuncta opuscula Cocchiana, italica lingua conscripta nuper ANDREAS BONDVCTIVS, typographus Florentinus duobus voluminibus in 4to comprehensa coepit edere, quorum primum iam prodiit volumen hoc titulo:*

Dei Discorsi Toscani del Dottore ANTONIO COCCHI, Medico et Antiquario Cesareo, dedicati a sua Eccellenza la Signora Contessa d' Orford. Parte Prima, in Firenze 1761. *Volumen secundum proxime secuturum iam sub praelo est.*

Praeter haec \*\* autem publici iuris facta opera alia nondum edita in eius scriniis occurrunt, quorum edendorum spem facit Cl. MANETTI.

L 5

Tan-

\* vid. Comment. hor. Vol. VII. P. II. p. 316 seqq.

\*\* Sunt quidem non nulla alia scripta, quae in fronte nomen ANTONII COCCHII gerunt, sed huic Nostro false tribuntur, cum ab ANTON. CAELESTINO COCCHIO, Romano, prouenerint. Hic enim. A. CAEL. COCCHIVS interdum, omisso praenomine CAELESTINI, ANT. COCCHIVS appellatur, quod praenomen et ipse in suis scriptis non nunquam praetermisit, vt itaque hic cum Nostro facile potuerit confundi. Quo vero error hic euitari et Noster ab illo, Romano, facilius distingui possit, scire conuenit, Nostrium solitum fuisse a possessionibus suis et maioribus familiae mugellanis, *Mugellanum*, interdum vero *Florentinum*, denominari, illum vero a loco,

Tantus autem ingenio atque doctrina vir, quum multum passus fuisset a graui, quo diu conflictabatur, morbo, nunc quae in eius corpore fuerunt mutata atque ex sectione eius cognita exponit Noster. In macilento itaque eius corpore pulmo dexter ad pleuram et diaphragma fortiter adhaerebat, intus abscessibus minoribus obsitus, sinister maxime inflammatus et sideratus fere atroque sanguine plenus apparebat. Cor ingens et dextrum praecipue, varicosum quasi, sinisterum naturali magis simile et in sua superficie inflammatum, pericardium sanguinolento humore refertum deprehendebatur. In abdomine omentum, vt totum reliquum corpus pinguedine destitutum, retractum, ventriculus angustatus et inflammatus, a cardia ad pylorum vsque, duodenum praeter naturam angustum, hepar

loco, quo vixit munerique professoris medicinae praefuit, *Romanum*. Hic *Romanus COCCHIVS*, Nostro *Mugellano* nulla cognatione coniunctus, pluribus iam ante hunc annis e vita discessit. Quae sequuntur minora scripta a CL. MANETTI omissa, certo *Mugellano* COCCHIVM auctorem agnoscunt.

Epistola de vsu inunctionis mercurialis in phthisi (Sine loco et anno).

Lettera al Sig. Marchese Rinuccini, Segretario di Stato in Toscana sopra il Poema intitolato l' *Eniade*. Haec epistola in Gallicam versa linguam inserta fuit operibus Celeberrimi VOLTAIRE.

Lettera scritta al Dottore ANT. MAR. BISCIONI sul male detto volgarmente del *Miserevere* inserita nelle note al *Malmantile* p. 137 dell' edizione del 1731.

Interpretazione di un passo di Giuseppe Ebreo riportata dal medesimo sopradetto Dottor BISCIONI nelle note al *Malmantile* (hoc est percelebre italicum Poema) alla pag. 167.

Vita di BENVENUTO CELLINI Orefice e Scultore Fiorentino, scritta da lui medesimo &c. in Colonia (Neapoli) 1728. Epistola dedicatoria et praefatio huic vitae praemissa ab ANTONIO COCCHIO, licet nomen reticuerit suum, sunt conscriptae.



hepar e contrario magnum, in conuexa superficie leuiter inflammatum, cyftis fellea atra bile plena, lien et renes colore difpares, intestina tenuia inflammata et fere gangraenofa, craffa pariter non plane intacta, et admodum anguftata: in duodeno lumbrici, in mefenterio vero et mefocolo inflammationes detegebantur. Sola tantum vesica vrinaria immunis exiftebat.

Quum itaque ex hisce organicarum partium mutationibus morbi grauitas et mortis neceffitas pateat, non tantum Cl. Auct̃or argumenta haecce perpendit, sed etiam rationem, qua propter morbi pectoris varii Florentiis frequentiores fint, in frigoris hybernici gradu admodum magno, in aere humido, nebuloso, ex profundiori vrbis situ, atque in ventorum inconstantia quaerit.

### XVIII.

Dissertation sur le Rapport, qui se trouve entre les phénomènes du Tonnerre et ceux de l'Electricité, qui a remporté le Prix au jugement de l'Académie Royale des Belles-Lettres, Sciences et Arts, par M. BARBERET, Medicin a Dijon. a Bordeaux, chez Pierre Brun. 1750. 4maj. pl. 2.

h. c.

Dissertatio de similitudine, quae inter tonitru et electricitatis phoenomena animaduertitur Auctore Cl. BARBERET.

Cum eae, quae quaestiones, ab Academia Burdegalenfi propositas, ventilarunt et praemium inde reportarunt, dissertationes omnes, vnam si excepe-

ceperis a nobis supra \* indicatam, serius in manus nostras peruenerint, dignae tamen visae, quae a nobis quoque indicarentur, summam nunc earum, quas accepimus in decimo hoc Commentariorum nostrorum Tomo exhibitori erimus. En itaque primam, quae anno 1750 quaestionem de similitudine phaenomenorum tonitru et electricitatis propositam declarauit praemiumque obtinuit.

Innumera sunt phaenomena, quae et ab electricitate et a tonitru proueniunt; omnium tamen vna semper habetur causa, ignis nimirum; qui vero tam varios tamque diuersos producit effectus, ut incautus facile seduci queat, eosque non huic, sed aliis causis tribuendos esse, arbitretur. Ita ab eadem causa mixta separantur, eademque alio tempore uniuntur; interdum corpora attrahuntur, interdum eadem repelluntur etc. Cum itaque ab vna causa tam diuersi producantur effectus, mirum sane non est, cur primo statim intuitu electricitatis phaenomena tonitru phaenomenis diuersa esse videantur. Si quaeras, quam ob rem electricitatis phaenomena minus prodigiosa sint, in promptu erit responsio, si perpenderit, artem multis subsidiis, quibus diues est natura, destitutam esse. Haec enim in magnis exercet rem, quam illa in paruis duntaxat perficit, seu quod melius, quam ars tantum imitari solet. Certum interim est, omne, quod de tonitru obseruatur, de electricitate etiam obseruari, quorum quidem phaenomena praecipua sequentia annotare velis.

- p. 5. Nubes, in qua formatur tonitru, omnibus qualitatibus corporum electricorum instructa est: in vtrisque materies affluens et effluens animaduertitur, quae et corpora attrahit et repellit. attractio haec et repulsio mediante fluido quodam intermedio perficiuntur, quod quasi atmosphaera corporum

\* vid. Comment. nostr. Vol. II. P. I. p. 167.



rum electricorum est, quodque cum Cl. NOLLET materiem affluentem Noster appellat. Hoc corpus electricum penetrat, inque istud omne id secum rapit, quod resistere nequit. Idem istud fluidum, quod corpus electricum penetrauit, illico iterum emanans, repellit etiam corpora, quae antea attracta fuerant, tuncque vocatur materies effluens. Similia quoque in nube obseruantur, ex qua erumpit fulmen. Vndique ad nubem accedit affluens materies, quae innumeras partes heterogeneas eo secum rapit; sed exit quoque ex ea materies effluens, quam oculis auribusque satis percipimus. Si tonitru in nube formatur, materies eiusdem, nondum ibi formata sed vndique diffusa, nostra aliaque corpora ambit; haec grauis non est, si quidem continuo superiora versus tendit, ideoque partium ignearum leuitas causam ascensionis materiarum, fulmen constituentium, suppeditat. Verum, non solum leuitate sua agunt partes igneae, sed crescit etiam earundem motus calore, augeturque eorum nisus superiora versus reflexione radiorum solis, qui eadem via progrediuntur. Leuitate itaque, cum motu accelerato coniuncta, actio istarum particularum augetur ita, vt partes aquosas, salinas, sulphureas et in vniuersum omne id eleuent, quod leue est et impulsioni earum cedit. Atque haec est attractio electricitatis eiusdemque materies affluens, quae in nube obseruatur. Sed magis ea apparet in repulsione, quae ita se habet. Si bullulae istae aereae, aquosae, salinae et sulphureae, ab igneis particulis eleuatae, ad certam distantiam adscenderint, tunc radios solis frangunt, reflectunt solemque oculis nostris subducunt; tuncque nubes est. Quodsi nunc bullulae hae collectae ventis agitantur et ad se inuicem comprimantur, partes etiam, quas continent, igneas comprimunt: hae, vtpote volatilio-

tiliores et expeditiores inque suo carcere agitatione bullularum pressae, ob elasticitatem suam reagunt, vinculis suis se liberant, vicinas partes pariter expediunt, ignemque capiunt, viam sibi per nubem pandunt et vndique ab aere, quo circumfunduntur, pressae in gyros aguntur, figuram globulosam assumunt, seque sub formâ turbinis praecipitant; cumque eadem hae partes aerem circumfusum subito rarefaciant, fit inde, vt fragor ille, quem nos percipimus, exoriat. Nubes itaque ceu corpora electrica, haecque ceu nubes apparent. Ambo innumeras in intimis colligunt partes igneas, nondum manifestas, quamdiu cum iisdem in aequilibrio sunt; quam primum autem vinculis suis liberantur, siue id fiat in nubibus ventorum actione, siue in corporibus electricis frictione, illae statim erumpunt, eo tantum discrimine, vt in nubibus celeritate, rarefactioni aeris proportionata, expellantur, et ob collectionem, subito iterum renatam, maiori cum violentia agant, in corporibus autem electricis partes illae igneae vndique erumpant, earumque consequenter actio non vnita sit.

p. 9. Materies electrica eadem cum tonitru est. Coruscat enim ea et accendit.

Fulmen celeriter agit, seque cum celeritate vix perceptibili communicat, siquidem eodem tempore, dum fulget, percellit. Idem istud in electricitate obseruatur: materies enim, quae e corporibus electricis exit, in momento non perceptibili 950 orgyas percurrit.

Fulmen non solum perpendiculariter sed et ad latera et ab inferioribus versus superiora agit. Materies electrica vndique se diffundit et, fluidorum more, eo cedit, vbi minimum est resistentiae.

p. 10. Fulmen corpora percellit, interius et exterius minimas eorum partes penetrat, metalla fundit et vi-



et vitrificat. Pari quoque ratione materies electrica minimas corporum partes penetrat, metalla fundit et vitrificat, quod exempla chalybis, contra pyromachum affricti, confirmatur: partes enim metallicaе vno momento funduntur et vitrificantur.

Fulmen subito accendit et incendia producit. Materies electrica etiam inflamat sed gradu diuerso; accendit enim spiritus tantum sulphureos. Fac vero, augeatur eiusdem quantitas inque vnum punctum colligatur, nullum inter tonitru et electricitatem habebis discrimen.

Fulmen non semper incendit, sed interdum p. 11. funditus evertit, frangit et destruit absque eo, vt accendat. Si in causam inquiras, adeas chemiam, quae exemplo pulueris sic dicti fulminantis, ex sulphure, nitro et sale tartari compositi, phaenomenon hoc explicat. Et hic quoque electricitas tonitru aemulatur, vt experimentum Leydense, a MUSSCHENBROECKIO institutum, nunquam iterum, cum male se abhinc habuerit, susceptum confirmat.

Fulmen interdum mortem producit absque eo, p. 13. vt manifestum signum exterius conspiciatur, idque pluribus modis perficere valet. Ita ob aeream, in pulmonibus rarefactum, suffocare vel alias vias intrans, fluidum in vasis rarefacere et apoplexiam producere potest. Eodem modo et electricitas mortem producere valet. Hoc experimentum, exemplo MUSSCHENBROECKII monitus, in hominibus instituere periculosum iudicauit NOLLET, cumque duabus auib. suscepit et eadem, quae de tonitru, phaenomena obseruauit.

Fulmen denique odorem sulphureum relinquit, p. 15. quod testatur, vapores acidos, cum phlogisto coniunctos, ibi contineri. Idem odor et in corporibus electricis obseruatur. Metalla enim, fortiter  
per

per communicationem electrifata, odorem istum exhibent, sed minus penetrantem et talem, qui odori phosphori vrinae aliquatenus accedit. Causa autem, cur debilior deprehendatur, in acido quaerenda est, quippe quod, in metallo fixius quam in sulphure, phlogiston proinde fortius retinet. Sed pedem hic figit Noster, licet concedat, plura adhuc adduci posse phaenomena, quae analogiam tonitru inter et electricitatem vere demonstrent. Ex his autem, quae aduxit, vnam semper eandemque causam agentem, ignem nimirum elucescere, putat, sique aliqua differentia in effectibus obseruata fuerit, eam sane ideo, quod omnis electricitatis vis nondum evoluta sit, locum inuenisse, arbitretur.

XIX.

Dissertatio therapeutica inauguralis de Arthritide, Praeside SPIRITU-CLAUDIO-FRANCISCO CALVET, Respondente *Claudio Iosepho Savary*. Auenione 1759 pag. 12.

**A**rthritis Cl. Auctori audit dolor identidem recurrens articulorum et partium eos ambientium, ut sunt membranae, ligamenta, tendines, ab humore seroso, acri salso productus. Morbus hic est vel vniuersalis vel partialis et ex alia differentia vel hereditarius vel aduentitius. Inter symptomata consueta occurrit in nonnullis aestus praeternaturalis, in aliis frigor insolitus cum rigore et horrore interdum coniunctus, qua de causa arthritidis in calidam et frigidam distinguitur. Si post dolorem insignem sudor erumpit, tunc subleuatur aeger; versus vesperam autem impetus recrudesce solet. Metastasis materiae arthriticae frequenter et subito fit:



fit: vbi autem diu commoratur materia ista, ibi articuli plerumque distorquentur atque tophaceis indurantur concretionibus. Sanguis arthriticorum ferofior est ob nimiam salis tartarei copiam, huiusque praedominantis salis indoles ex facili arthritidis in nephritidem transitu cognoscitur. Vina in locis pinguibus et argillofis nata et veneris abusus generationi materiae tartareae maxime fauent. Quoniam vero arthritis partes vitales plerumque non occupat, sine periculo esse videtur: ast quando ad viscera propellitur, lethales excitat affectus. Materia tophacea in nodos iam concreta curationem vix admittit. Haec vt in omni morbo periodico duplex est, alia saeuiente paroxysmo, alia quiescente. Ad priorem diaeta tenuis et venaesectio pertinet, praesertim si febris adest. In senibus autem atque pituitosis venaesectio nocet. Cathartica remedia non nisi mitissima propinentur, emetica nunquam. Clysmata emollientia per omnem paroxysmi decursum aluum optime soluunt. Diaphoretica mitiora materiam morbosam ex articulis blande propellunt. Doloris saeuitiam leniunt somnumque conciliant anodina et narcotica, quae tamen prudenter et cum delectu adhibenda sunt. Topica remedia alii laudant, alii reformidant; absque periculo tamen cataplasmata emollientia de mica panis vel ex foliis hyoscyami et altheae applicari possunt. Haec ad curandi methodum vigente paroxysmo pertinent; extra eum autem id efficiendum, vt subsequens insultus vel avertatur, vel saltem mitigetur. Ad hoc requiritur victus parcus, eupeptus, somnus moderatus corporisque exercitium. Euitentur stimulantia acria, vinum venerisque abusus. Cum regimine hoc coniungantur remedia sanguinem demulcentia et quae materiam morbi euacuant. Lactis usus ante omnia laudari meretur, per plures

menes continendus. Vt alius semper libera sit, clysmata vel laxantia leniora, v. c. decoctum prunorum aut passularum adhibeantur. Decocta tandem ex plantis aromaticis, amaris et antiscorbuticis ad viscera roboranda propinentur. Periculo ex arthritide retropulsa nato omni opera opponenda sunt talia, quae materiam rursus ad sedem consuetam pellunt. Hoc efficiunt vesicatoria larga et acerrima femori applicata, nec non fomenta aromatica tepida sale multo acuata, quae parti antea dolenti admoveantur. Venaesectio deriuatiua non negligenda est; interne autem decocta sudorifera conveniunt.

## XX.

### Noua physico - medica.

**A**grorum cultura, *qua nihil melius, nihil uberius, nihil dulcius, nihil homine libero dignius* dari iam olim sapienter dixerat C I C E R O, vir certe omnium, quae ad rei publicae et splendorem et emolumentum pertinere videantur, peritissimus, haec scilicet artium prima nunc quoque in Gallia suos non solum habet cultores, sed inter procures quoque sui studiosos invenit adiutoresque. Quo factum fuit nuper, ut Potentissimi Galliae Regis iussu in omnibus fere sui regni provinciis earumque urbibus maioribus constitutae sint Societates virorum, qui agros vel possideant, vel certe colant huiusque artis probe gnari sint, singulisque hebdomadibus conveniant ac inter se conferant, quidquid ad augendam vel emendandam hanc scientiae humanae partem vel observando vel meditando vel tentando, inuenerint utile aut animaduersione dignum. Summus deinde reddituum Regis minister, (*Contrôleur-Général des Finances*) ad illum ipsum de rebus istis referet, ut, quae regia aucto-



auctoritate indigeant, ex hac ipsa quoque in publicum usum conuertantur. Quemadmodum autem ex hoc vero diuitiarum fonte multa omnino bona non in Regis solum, sed in cuiuslibet quoque ciuis aerarium, emanatura esse confidimus; ita quoque vniuersae scientiae oeconomicae inde auctum iri putamus vtilitatem, quum plures ideo libri ad illud argumentum pertinentes, a Gallis expectari posse speremus.

Praemium hoc anno 1761 distribuendi opportunitate iterum gauisa non fuit Reg. scientiarum et elegantiorum litterarum academia *Berolinensis*. Illus itaque quaestionis *de entium, quae vita fruuntur, ortu, uti alius nouae iam propositae profus metaphysicae,* \* solutionem ad futurum annum 1763 dilatam se velle declarauit, ita tamen, vt commentarii super isto argumento conscribendi, ante primum diem huius anni tradantur academiae secretario, Cl. FORMEY, vt iudicium ab Ill. academia ferendum, vt consuetudinis est, publicum reddi queat die mensis maii ultimo. Sententia, quam demum proponere velint viri docti, his quidem relicta est libera; vt eam tamen argumentis experimentisque nouis confirmet, ab academia postulatur.

Ab eadem porro Ill. academia de alia quaestione physica eaque valde graui anno 1762 expectamus iudicium, Ab illa nimirum viris doctis datum fuit, vt *auditus theoriam explicent, habito respectu ad modum, quo perceptio soni efficiatur ex ratione interioris structurae auris.* Illam omnino quaestionem satis ideo grauem habendam esse putamus, quum eius explicatio non accurata solum eaque valde subtili cognitione harum partium anatomica inniti debeat, sed etiam quum illam potissimum academia cupiat isti similem,

M 2

qua

\* vid. Comment. nostr. Vol. VII. P. III. p. 552.

qua in opticis lectionibus theoriam visus tradere solemus. Quem ad modum enim obiectorum, visui subiectorum, imagines distincte repraesentantur in fundo oculi eoque effectu fundata est vera perceptionis ratio; ita quoque extra dubitationem positum esse creditur, sonos ad internam vsque auris cavitatem propagari ibique distincto modo simulacra sui propria efficere eadem ratione inter se diuersa, qua in visu inter se differunt ibi depicta rerum simulacra; quae illorum diuersitas tum ab ipsis inter se diuersis sonis, tum a diuersis, ex quibus ei orti fuerant, locis prouenire putatur. Itaque in primis quaeritur, quam in re haec consistant simulacra eorumque in organo auditus repraesentatio? Illae interim satis notae conditiones, sub quibus quinquaginta nummorum aureorum praemium offertur ab academia, obtinent eadem.

Imperialis porro scientiarum academia *Petropolitana* iu publico nuper habito conuentu ex iisdem rationibus, propter quas praemium anno 1760 dictum retinere coacta fuit, alterum hoc anno 1761 \* praefixum adiudicandi caruit opportunitate. Interim tamen se optare declarauit, vt in vtramque illam ab ipso propositam quaestionem inquirere viri docti pergant, ipsique iam destinata praemia adhuc distribuendi suppeditent occasionem.

Illud insuper argumentum *de quibusdam tuborum optidorum imperfectionibus* \*\*, cuius optimae discussioni praemium consuetum centum aureorum sub

\* De vtraque quaestione vid. Comment. nostr. Vol. IX. P. I. p. 167. vbi ex errore typographico quaestionem ad annum 1761 pertinentem, ad praegressum 1760 simul relata esse monemus.

\*\* vid. loc. cit. p. 168.



conditionibus huc vsque obseruatis, anno 1762 se attributuram esse promiserat eadem Ill. academia, eodem tempore publice repetiit.

Illa denique nouam obtulit quaestionem, cuius praemium sub iisdem conditionibus futuro anno 1763 prae reliquis illud merenti viso, se exhibiturum esse pollicetur. *Cum inter omnes artis fusoriae peritos constet, inquit Ill. academia, mineras metallicas plurimas additamentis variis indigere, antequam calcinationi et fusioni committantur, idque eo fine, ut partim heterogeneae mineris adhaerentes partes commodius separantur, partim vero ut ipsa pars metallica facilius praecipetur: Quaeritur, utrum dentur methodi partem metallicam quamcunque ex minera separandi, quae non tantum breuiiores, verum etiam minus sumtuosae sint, ita ut tot variis additamentis in arte fusoria vsitatis supersedere queamus, uno vel altero sufficiente, et aptissima sint haec additamenta ad singulas metallorum species? Huius problematis solutionem rationibus et experimentis fultam et enucleatam academia expectat.*

Regia scientiarum societas *Göttingensis* publicum habuit nuperrime conuentum, in eoque commentarios super quaestione quadam oeconomica olim ab ipsa proposita \*, conscriptos diiudicauit et inter eos omnino plures inuenit, quos, ut publici iuris fiant, censuit. Praemium tamen prae reliquis reportauit Vir Cl. IOANNES FRIDERICVS GLASER, Med. D. Poliater Suhlenfis et acad. naturae curiosorum socius, vir de rei publicae commodis meritis, libro in primis de modis conscripto, quo incendiis subuenire istaque extinguere queamus. Alio iam quoque tempore ipsum laudandi habuimus occasionem \*\*.

M 3

Peru-

\* vid. Comment. nostr. Vol. V. P. IV. p. 722.

\*\* ibid. Vol. VIII. P. II. p. 332.

Perutile quoque in praesenti discussit argumentum, cuius praemio exornatus fuit, de ratione nimirum tigna certis quibusdam liquoribus conspergendi eosque illis illiniendi, ut igne minus facile comprehendi flammaeque resistere queant.

Electoralis Bauarica, quae *Monachii* ante duos annos condita fuit, scientiarum academia, in ultimo nuperrime habito conuentu praemia illis quaestionibus, quas huic anno 1761 proposuerat \*, promissa, optime merenti viso adiudicauit. Accidit etiam, ut vtrumque illud cum historici, tum physici, argumenti reportaret Cl. IOANNES HENRICVS GOTTLÖB DE IVSTI, quem Virum Berolini iam degentem, permultis potissimum huc usque editis scriptis fatis superque inter viros doctos cognitum esse confidimus.

In academia *Kiloniensi* Professionis medicinae extraordinariae munus datum fuit Viro Cl. IOANNI FRIDERICO ACKERMANN, Med. D. quod is etiam suscepit anno superiore 1760 die septembris vicesimo, oratione ideo publice habita *de literarum cultu, ad vitam non solum recte beneque valentem, sed ad summam etiam senectutem prouehendam praestantissima certissimaque remedia afferente*. Illam is deinde typis exprimendam curauit, uti et *prolusionem de incognito apud veteres instrumentarum physicorum usu*, qua lectiones suas academicas indixit.

*Buxovii*, in principatu Suerinensi siti, ante paucos annos nouam condidit academiam Sereniss. Dux Megalopolitanus, FRIDERICVS, ad quam exornandam firmitusque stabiliendam ille huc usque plures ab exteris euocauit viros doctos. Nuper itaque etiam

\* ibid. Vol. IX. P. II. p. 346.



etiam ab ipso professoris medicinae ordinarii munus oblatum esse legimus viro Cl. AVGVSTO SCHAAR-SCHMIDT, med. D. qui medicinam haëtenus fecit atque docuit *Berolini*, studium suum atque de adiu-vanda scientia medica industriam variis iam editis scriptis cum laude comprobans.

Augustissimus, qui iam imperii Romano-Germa-nici summam tenet, FRANCISCVS Imperator, insimulque Magnus Dux Hetruriae, qui dici solet, vt in his ditionis suae prouinciis ars chirurgica, obstetricia in primis, colatur, serio imperauit. Eum itaque in finem *Florentiae* nuper constitutus fuit in nosocomio regio chirurgiae professor, Cl. IOSE-PHVS VESPA, qui antea ideo, vt artem obstetri-ciam colendi frequentiore habere occasionem, in Galliam secesserat, Parisiis per aliquod tem-pus commorans; nunc vero, vt publicum suae, quam in hac arte consecutus fuerit, cognitionis daret documentum, librum de ipsa recentissime in for-ma, quam dicere solemus quartam, ibi edidit sub hoc titulo: *Dell' arte obstetricia Trattato di GIUSEP-PE VESPA, Professore di Chirurgia.*

*Hafnia* iterum relatum legimus, illam doctorum virorum societatem, quam iussu, auctoritate atque sumtibus optimi aequae ac sapientissimi Danorum Regis, iter in prouincias quasdam orientales, Ara-biam in primis, felicem dictam suscepisse, suo tem-pore retulimus \*, per aestatem praegressam com-morata fuisse Constantinopoli, tumque, omni-bus, quae ad iuuandum iter suum pertinere vide-rentur, curatis atque conquisitis, illud nunc per-gentes in Aegyptum, feliciter appulisse Alexan-

M 4

driam

\* vid. Comment. nostr. Vol. VIII. P. II. p. 348 et Vol. IX. P. II. p. 349.

driam. Postquam Cairi et in agris eo pertinentibus per aliquot menses cuncta finibus suis inferuentia inuestigauerit societas, deinde trans mare rubrum in Asiam traiectam, iter suum per Arabiam continuaturam esse percipimus.

Memoria IOANNIS FRIDERICI WEISMAN-  
NI, Consilarii Aulici et Archiatri Marggrauii  
Culmbacensis, Professoris Publici Ordinarii  
Academiae Erlangensis, Ciuitatis eiusdem  
Physici, Academiae Naturae curiosorum, et  
Societatis Botanicae Florentinae Socii.

**S**i verum est, quod aliquis dixit, diu hunc vixisse, qui bene vixerit: multo magis in eos conuenire videtur, quorum vita et longissima, et recte factis ornatissima fuit. Siue enim hic diu vixisse dicatur, qui tantum profuit communi vtilitati, quantum quisque in hac vitae societate collocatus conferre debet, siue is, qui, quam memoriam famamque natura velut decurtare voluit, eam ipse bene factorum multitudine ultra vitae fines propagauit, et posteris etiam commendauit: certe eius conditio multo melior ad vtilitatem aliorum, multoque ad suam ipsius laudem accommodatior videri debet, qui e vitae tamquam statione tum demum auocatus est, postquam fides eius & integritas ita multis documentis innotuit, vt eius memoria numquam deleteretur. Quod vtrumque de b. WEISMANNO verissime dici potest, quem bene vixisse dubitare nos non sinunt ciues et amici, qui grata mente repetunt eius temporis memoriam, quo ipsis licuit humanitatem viri, integritatem studiumque erga alios admirari. Quo autem diutius bene vixit, eo plura  
hone-



honestatis documenta reliquit, et, si quis ullus, diu et bene vixisse existimandus est.

Patriam habuit Neostadium ad Aissum, vbi anno superioris seculi octauo et septuagesimo patre ANDREA, consuie atque scholarcha, matre VR-SVLA STREICHERIA editus est. In quo fuit quaedam natalium felicitas, quod eos parentes habuit, quorum conditio accommodatissima esset ei rationi vitae, quam postea, siue ingenii quodam impetu ad eam delatus, siue crebra consuetudine incitatus, sequendam putauit. Pater enim pharmacopolium illius vrbs habuit, qui primus quasi aditus ad medicinam WEISMANNO patefactus est, certe ita se in hac officina ad futuram vitae conditionem praeparauit, vt multo facilius atque celerius posset medicae arti operam impendere, postquam integros quatuor annos in cognoscenda pharmacopoeia et chemia infumserat. Neque tamen vna paterna disciplina ei profuit; sed, quae ab hac peti non potuerant, ea filio per alios impertienda curarunt parentes, tradito quidem patriae scholae doctoribus WISMARO et SAMBSTAGIO. Quod autem eo consilio litteris operam dare coeperat, vt iis se totum consecraret, conuenientius visum est rationibus iuuenis, eum in aliud gymnasium transferre, in quo maior esset et copiosior ad academiam praeparatio. Quam ob rem gymnasii Rotenburgenfis magistris, KIRCHMAYERO et WERNERO, commendatus, eorumque institutione per triennium vsus est. Formato igitur ingenio ad subtiliorem grauiorum disciplinarum cognitionem, adiit Altorfium eiusdem seculi, quo natus erat, anno duodecentesimo, ibique magna cum laude assiduitatis secutus est disciplinam celeberrimorum Professorum, STVRMII, OMEISII, ROETENBECKII, MOLLERI, HOFFMANI et BRVNONIS. Ibidem ali-

quo tempore post putauit quodam documento demonstrandum esse, quantum in litteris profecisset, quod fecit duabus disputationibus defendendis, altera praeside STVRMIO *de motu stellarum secundo*, altera BRVNONE praeside *de emeticis*. Sed cum plus temporis statuisset medicinae cognoscendae tribuere: aliorum quoque eo tempore celebrium medicorum institutionem quaesuit, adiitque Ienam, ubi WEDELIVS et HAMBERGERVS cum magna eruditionis fama docebant, praeter quos etiam STRVVIVM in humanitatis studiis sectatus est. Utque tandem ab exteris etiam peteret, quae scientiae suae prodesse possent, anno huius seculi tertio ad Batauos se contulit, apud quos etsi non nisi vnum annum commoratus est, tamen ad disciplinam et consuetudinem multorum, qui Lugduni et Amstelodami viuebant, se applicauit, vt DEKKERI, ALBINI, HOTTONIS, COMMELINI, LEMORTII, BIDLOI, RVYSCHII et RAVII. Tam longo igitur tempore cognoscendis disciplinis medicis exacto: recte quaesuit ea honorum praemia, quae haec industria diu meruerat. Redux enim Ienam anno h. s. quarto Doctoris dignitate ornatus est, postquam SLEVOGTIO praeside disputationem *de balsamo vero, quod vulgo opobalsamum dicitur*, defenderat. Quo facto ad magnos honores celeri cursu progressus est. Voluerat patriae vrbi operam dicare, in qua aliquamdiu artem fecerat, cum improuiso electus est Physicus Windshemensis, atque hoc modo in summorum istius terrae virorum notitiam peruenit, omnibusque probatus est. Cuius rei certum possumus commemorare indicium, quod ob eruditionis fideique famam Baruthum a Marggrauiο Culmbacensi vocatus est, vt, addito Consilarii aulici honore, archiatri munere fungeretur, quo administrando tantam iniit a principe gratiam, vt ei, do-

nec



nec viueret, carissimus esset. Mortuo principe Erlangam commigravit, cuius vrbis Physicus ex aliquo tempore fuerat. Iam constat, hoc in loco anno 1743 academiam conditam esse: in quo facile intelligi potest, WEISMANNVM praesertim, qui iis in locis diu iam cum magna ciuium vtilitate vixisset, etsi sexagenario maiorem, dignum visum esse, qui academiae esset ornameto. Electus autem est Professor Medicinae Primarius, cui muneri ad mortem vsque ita praefuit, vt, quae eius eruditio et fides ex omni vita perspecta esset, eadem hic quoque elucesceret. Rector academiae bis fuit, Decanus Medicorum saepius. Adscitus etiam est in numerum sociorum Academiae Naturae Curiosorum et Societatis Botanicae Florentinae. Diu iam summa viri senectus iusserat ciues mortem eius vereri; sed tamen diuina benignitate iis relictus est ad annum h. s. sexagesimum, quo senili magis imbecillitate exspiravit, quam vi cuiusdam morbi. Sed sic quoque citius iusto ereptus est academiae suisque, qui fidem eius et doctrinam ita desiderant, vt mortuum etiam WEISMANNVM suis carissimum esse adpareat.

## XXI.

Supplementum alterum indicis scriptorum physico-medlicorum, quae anno 1758 prodierunt.

**O**bservations periodiques sur la Physique l'Histoire Naturelle et les Arts, ou Journal des Sciences et Arts. Janvier — — December 1758 a Paris. 4. c. f.

*Der physicalische und oeconomische Patriot oder Bemerkungen und Nachrichten aus der Naturhistorie, der allgemeinen Haushaltungskunst und der Handlungs-*  
wissen-

*wissenschaft. 3ter Band, oder des 3ten Jahres 1 - 4 Quartal. Hamburg und Leipzig. 4.*

*Oekonomische Nachrichten 109 Stück. Leipzig 8.*

ANTONII AVGVSTINI obseruationes epidemico-  
rum, qui ab anno 1747 vsque ad 1757 grassati  
sunt. Venetiis 8.

Nuova scoperta a felicemente suscitare il Vajuolo  
per artificioso contatto di FRANC. BERZI. in  
Padua 4.

Memoire sur la Tourbe par M. BIZER à Amiens. 12.  
WIBRAND VAN BOXSELT, Diss. de paraphreni-  
tide. Lugd. Bat. 4.

Sopra l'ASCLPIADE Discorso d' ANTONIO CO-  
CCHI, in Firenze. 8.

NIC. VAN DAM Diss. de fiti febrili Lugd. Bat. 4.

IOAN GVILLM. EVERWIN, Spec. inaug. de λιθο-  
γρεσία in vesica urinaria. ibid. 4.

G. FORDYCE, Diss. de catarrho. Edinburgi. 8

IOAN GARDINER, Diss. de vino. ibid. 8.

IOAN. GESNER, Diss. phys. math. de triangulo-  
rum resolutione, primario matheos ad phyfi-  
cam applicatae fundamento, Pars altera. Tiguri. 4.

ALBERT. GVEX, Diss. de humoribus coctis in statu  
sano consideratis. Lugd. Bat. 4.

Treatise on Ventilators etc. Part. I. II. by STE-  
PHAN HALES. London. 8.

IOH. HEINR. GOTTL. von IVSTI *neue Wahrhei-  
ten zum Vortheile der Naturkunde und des gesell-  
schaftlichen Lebens der Menschen. 12tes Stück. Leip-  
zig. 8.*

CAR. FR. KALTSCHMIED, Diss. inaug. atrophiae  
pathologiam sistens. Resp. Anton. Truhart. Ienae. 4.

IO. PETR. KLEFEKER, Diss. de halitu pericardii.  
Lugd. Batav. 4.

IO. GOTTL KRÜGER, Diss. inaug. de facie sibi  
semper simili longaeuitatis indice. Resp. Wiedmann.  
Helmst. 4.

Eiusd.



Eiusd. Diff. inaug. de inappetentia ex abusu spirituo-  
forum. Resp. *Berg.* ibid. 4.

Eiusd. Diff. inaug. de putredinis et visciditatis aequi-  
librio, vitae et sanitatis fundamento Resp. *Top-  
pius.* ibid. 4.

CAR. LINNAEI systema naturae per regna tria na-  
turae secundum classes, ordines, genera, species,  
cum characteribus, differentiis, synonymis, locis.  
Tomus Imus Holmiae 8.

Geflachten der Vogelen door Dr. PAUL. HENR.  
GERARD. MOERING, uyt het Latyn vertaalt  
en met Aantekeningen vermeerderd door CORN.  
NOZEMAN en naar die vertaaling uitgegeeven  
en met een Voorreeden, Aantekeningen en Naam-  
lyst der voornamste Schryveren, die over de Vo-  
gelen geschreeven hebben, vermeerderd, door  
ARNOUT VOSMAER, te Amsterdam. 8.

ALEX. MONRO'S (*iunioris*) Answer on the post-  
script to observations anatomical and physiologi-  
cal, Edinburgh.

Honoris momentum IOANNI SCHROETERO,  
viro summo Ienenfis Academiae parenti, (*medi-  
cinae professori Ienensi*) atquo suo ipsis Ienae fae-  
cularibus feriis oratione solemni Vitebergae IV.  
Non. Febr. 1758 habita, iusta pietate positum  
a LVD. HENR. SCHROETERO. Lipsiae 4.

*Sammlung verschiedener ausländischer u. d. seltener Vö-  
gel, worinnen ein jeder derselben nicht nur auf das  
genaueste beschrieben, sondern auch in einer richtigen  
und sauber illuminirten Abbildung vorgestellt wird.  
Vierter Theil, ausgefertigt und herausgegeben von  
IOH. MICH. SELIGMANN. Nürnberg, fol. (Vo-  
lumen hoc quartum anno 1755 iam inchoatum,  
hoc demum anno ob tabularum aenearum co-  
piam, quarum quippe CXIV continet, absolui  
potuit).*

MEINARD. STEFFENS, Diff. inaug. de angina inflammatoria, Lugd. Bat. 4.

IOAN. CHRIST. STOCKII Proluf. I. de aeris verni regimine. Ienae 4.

Compendio dii Medicine Pratica nel quale si desin-  
vono le Principali malattie del corpo umano: di  
ANGELO ZULATTI. in Venezia 8.

XXII.

Supplementum indicis scriptorum physico-me-  
dicorum, quae anno 1759 prodierunt.

**T**ransactions Philosophiques de la Societe Royale  
de Londres traduites par Mr. DEMOURS,  
Anneés 1741, 1742, 1743, 1744, 1745 et 1746  
a Paris, 4. c. f. Voll. 3.

*Bremisches Magazin zur Ausbreitung der Wissenschaf-  
ten, Naturlehre, Künste und Tugend, mehrentheils  
aus den englischen Monathschriften gesammelt. 3ten  
Bandes 1 u. 2 Stück, Bremen, 8.*

*Oekonomische Nachrichten, 110. 111 Stück. Leipz. 8.*

Essai sur l'amelioration des Terres. a Paris 8,

Hydraulica corporis humani variis tabulis figurati-  
vis demonstrata Auctore I. BAPT. BERNARDO.  
Duaci. 4.

B. T. DE LA CLERC, Quaest. med. ergo hydro-  
phobiae hydrargyrosis? Resp. Steph. d' Huaume.  
Parisiis, 4.

Exposition Anatomique de la structure du Corps hu-  
main, en vingt planches imprimées avec leur  
couleur naturelle pour servir de Supplement à  
celles qu' on a deja données au Public, selon le  
nouvel Art, dont M. GAUTIER est Invenur, par  
le même Auteur: à Marseille, fol. max.



Lettera dell' Abb. GIUSEPPE GENNARI intorno la vita e gli studi del fu S. GIULIO PONTEDE-  
RA (f. l. et a) 8.

IO. DAV. GRAV. Progr. Ιχνογραφία Παθολογίας. Ien. 4.

DETLEV HEYKE Or. Om Berghushollningen i ge-  
men. Stockholm.

The Usefulness of Knowledge of Plants, with the  
easy means of information by JOHN HILL. Lon-  
don. 8.

CAR. FR. KALTSCHMIED, Diss. inaug. de phthisi.  
Resp. *Georg. Mich. Hermann.* Ienae 4.

Eiusd. Progr. de situ corporis erecto excedente sa-  
nitati contrario ibid. 4.

THOMAE LAWRENCE praelectiones tres de natura  
musculorum. ibid. 8 mai.

IOAN MICHELL, Spec. inaug. de intestinis crassis.  
Lugd. Bat. 4.

M. SAMUEL MUSGRAVE'S Some Remarks on D.  
BOERHAAVE'S Theory of the attrition of the  
Blood in the Lungs. London.

ADRIANI VAN ROYEN elegia de corporis animi-  
que moderamine. Lugd. Bat. 4.

IAC. SCHMAZEN, Specim. inaug. de morbis spon-  
taneis. ibid. 4.

I. GOTTSCHALK WALLERII chemia physica.  
Foersta Delen etc. Stockholm. 8.

Observations on a Series of Electrical Experiments:  
by Dr. HOADLY and Mr. WILSON. The se-  
cond Edition, with Alterations and the Addition  
of some Experiments, Letters and Explanatory  
Notes, by WILSON. London. 4 mai.



Contenta in hac parte.

1. Histoire et Memoires de l'Academie Royale des Sciences de Paris. an. 1755 p. 3
2. RUNBY the Method of treating Gun - shot wounds Second. Edition p. 32
3. BENVENUTI Riflessione sopra gli effetti del moto a cavallo p. 35
4. GMELINI Otia botanica p. 37
5. STOCKAR DE NEVFORN de succino in genere Tractatus p. 40
6. SEBA, Locupletissimi rerum naturalium thesauri Tom. I. II. III. p. 48
7. SCHULTZE, *Betrachtung der versteinerten See-sterne und ihrer Theile* p. 63
8. VAN BERKHEY Expositio characteristica stru-cturae florum, qui dicuntur compositi p. 70
9. TITII Pr. de diuisione animalium generali p. 74
10. EIVSDEM Diff. sistens vestigia fluxus et refluxus in mari balticoet. p. 76
11. V. HALLER Elementa physiologiae corporis humani Tom. III. p. 78
12. SCHMIDELII Diff. de Blasia p. 119
13. *Eiusdem* Diff. de Iungermanniae caractere p. 121
14. ADOLPHI Pr. de capsula Peritiana pluribus cruris complicate fracti casibus adaptanda p. 123
15. Philosophical Transactions. Vol. L. Pars II. ad an. 1758. p. 130
16. FABRICII *zweyte Sammlung einiger medicinischen Responsorum und Sectionsberichte* p. 160
17. MANETTI lettera sopra la malattia, morte et dissezione anatomica del cadavere di ANTONIO COCCHI p. 164
18. BARBERET Diff. sur le rapport, qui se trouve entre les phenomenes du Tonnerre et ceux de l'Electricite p. 171
19. CALVET Diff. de arthritide p. 176
20. Noua physico-medica p. 178
21. Supplementum alterum indicis scriptorum physico medicorum, quae anno 1758 prodierunt p. 187
22. Supplementum indicis scriptorum physico medicorum, quae anno 1759 prodierunt p. 190